

CHHUT-AI-KÍP-KÌ (2)

1 Í-sek-liát ê chêng-kiáⁿ ták-ê toà i ê ke-koàn kap Ngá-kok kàu Ai-kíp, in ê miâ kì tī ē-toé. ²Liū-piān, Se-biān, Lī-bī, Iū-tāi; ³Í-sat-ka, Se-pò·lún, Piān-ngá-bín; ⁴Tàn, Ná-hut-tha-lī, Ka-tek, A-siat. ⁵Tùi Ngá-kok só·siⁿ--ê, kiōng ū chhit-cháp lāng; Iok-sek í-keng tī Ai-kíp. ⁶Iok-sek kap i ê hiaⁿ-tī kap hit-tāi ê lāng lóng sí. ⁷Í-sek-liát lāng gâu siⁿ, gâu thoân, ke-thiⁿ choē-choē, koh heng-ōng, kék-kī kiōng-sēng; chhiong-moá hit ê toē.

⁸Ai-kíp ū sin ê ông heng-khí, m̄-bat Iok-sek ê. ⁹I tùi i ê peh-siⁿ kóng, Khoàⁿ ah, chit ê peh-siⁿ, Í-sek-liát lāng, pí lán khah-choē, khah-kiōng; ¹⁰lái ah, lán tiōh ēng kè-chhek lái khoán-thāi in, kiaⁿ-liáu in ke-thiⁿ chin-choē; āu-lái nā tú-tiōh kau-chiàn ê sū, in kap lán ê tui-ték liān-háp, lái kong-kek lán, koh tui chit ê toē chiūⁿ--khì. ¹¹Tui án-ni siat-lp tok-kang--ê koán-hat in, ēng tâng-tàⁿ khó·-chhó· in; in chiū kā Hoat-ló khí Pí-tong Lân-sek n̄ng ê siāⁿ choē hú-khò. ¹²Chóng-sī ná khó·-chhó· in, in ná choē ná khui-khoah. Tui án-ni chiū ūi-tiōh Í-sek-liát lāng khoà·lū. ¹³Ai-kíp lāng chiū tok-chek Í-sek-liát lāng choē khó·-kang; ¹⁴hō· in choē-kang tiōh-boā, seng-hoát kan-khó·, chhiau-thō· choē-chng, kap choh chhân-nih hiah ê kang; tī it-chhè só· choē ê kang bô-m̄-sī chin-giām.

¹⁵Ū Hi-pek-lái ê khioh-chiá-bú, chit-ê miâ Si-hut-láh, chit-ê miâ Phó·a. ¹⁶Ai-kíp ông

tui in kóng, Lín kā Hi-pek-lái ê hū-jîn-lāng khioh kiáⁿ, khoàⁿ in lîm-phûn ê sī; nā sī ta-po· gín-á, tiōh hō· i sí; nā sī cha-bó· gín-á, thang hō· i oáh. ¹⁷Chóng-sī khioh-chiá-bú keng-ùi Siōng-tè, bô chiàu Ai-kíp ông ê bēng-lēng lái kiáⁿ, keng-jiān lâu ta-po· gín-á ê oáh-miā. ¹⁸Ai-kíp ông chiū kiò khioh-chiá-bú lái, tui in kóng, Lín siáⁿ-sū án-ni choē, lâu ta-po· gín-á ê oáh-miā? ¹⁹Khioh-chiá-bú tui Hoat-ló kóng, Hi-pek-lái ê hū-jîn-lāng kap Ai-kíp ê hū-jîn-lāng bô tâng; in khah khoài-piān, khioh-chiá-bú iáu-bē kàu, in í-keng siⁿ-liáu. ²⁰Siōng-tè hó khoán-thāi khioh-chiá-bú; peh-siⁿ ke-thiⁿ chin-choē, kék-kī kiōng-sēng. ²¹Khioh-chiá-bú in-ūi keng-ùi Siōng-tè, Siōng-tè chiū hō· in chiāⁿ-ke. ²²Hoat-ló hoan-hù i ê chêng peh-siⁿ kóng, Hoān só· siⁿ ê ta-po·-kiáⁿ lín tiōh kā i hiat-lòh hō; it-chhè ê cha-bó·-gín-á, lín tiōh lâu i ê siⁿ-miā.

2 Ū chit ê Lī-bī chók ê lāng, khi chhoā chit ê Lī-bī chók ê cha-bó·-gín-á. ²Hit ê hū-jîn-lāng hoài-īn, siⁿ chit ê kiáⁿ; khoàⁿ-kìⁿ i sī chheng-siū ê gín-á, chiū khng i saⁿ-géh-jit kú. ³Āu-lái khoàⁿ boē koh khng--tit, chiū ūi-tiōh i chhú lô·tek-á ê siuⁿ, ēng chiōh-iū kap lèk-chhiⁿ kô· i; chiong gín-á hē tī hí lái-bīm, lok tī hô-piⁿ, lô·úi ê tiong-kan. ⁴I ê toā-chí hng-hng khiā--teh, ài chai i oē tú-tiōh cháiⁿ-iūⁿ. ⁵Hoat-ló ê cha-bó·-kiáⁿ lòh-lái hô--nih, beh soé-ék; i hiah ê lú-pī kiáⁿ-iū tī hô-piⁿ; i

khoàⁿ-kìⁿ lô[·]-úí ê tiong-kan ū siuⁿ, chiū chhe chít ê lú-pī giā--lâi. ⁶Hian-khui khoàⁿ-kìⁿ gín-á; khoàⁿ ah, gín-á teh háu. I chiū lín-bín i, kóng Che chiū-sī Hi-pek-lâi lāng ê gín-á. ⁷I ê toā-chí kâ Hoat-ló ê cha-bó[·]-kiáⁿ kóng, Goá khi tī Hi-pek-lâi hū-jîn-lāng ê tiong-kan kiò chít ê lín-bú, kâ lí io chít ê gín-á, hó mah? ⁸Hoat-ló ê cha-bó[·]-kiáⁿ kâ i kóng, Lí thang khi ah. Cha-bó[·]-kiáⁿ chiū khi, kiò gín-á ê lāu-bú. ⁹Hoat-ló ê cha-bó[·]-kiáⁿ kâ i kóng, Phō chít ê gín-á khi, kâ goá io i, goá beh hō[·] lí kang-chíⁿ. Hū-jîn-lāng chiū phō gín-á khi io i. ¹⁰Gín-á chiām-chiām toā, hū-jîn-lāng chiū toà i kàu Hoat-ló ê cha-bó[·]-kiáⁿ hia, choè i ê kiáⁿ. I kâ i hō-miā kiò Mô[·]-se, kóng, In-ūi goá tui chúí--nih kiù i chhut-lâi.

¹¹Āu-lâi Mô[·]-se í-keng tióng-sêng, i chhut-khi kàu i ê hiaⁿ-tī hia, khoàⁿ-kìⁿ in teh taⁿ-teh; khoàⁿ-kìⁿ chít ê Ai-kíp lāng phah chít ê Hi-pek-lâi lāng, chiū-sī i ê hiaⁿ-tī. ¹²I khoàⁿ chó-iū, khoàⁿ bô lāng tī-hia, chiū phah-sí Ai-kíp lāng, iám tī soa--nih. ¹³Keh-jít koh chhut-khi, khoàⁿ-kìⁿ ū nng ê Hi-pek-lâi ê lāng saⁿ-phah, chiū tui hit ê m-tiōh--ê kóng, Lí siáⁿ-sū phah lí ê tâng-phoáⁿ? ¹⁴Hit ê lāng kóng, Chī-chūi siat-líp lí choè siú-léng kap sím-phoáⁿ-koaⁿ lâi koán goán? Lí siūⁿ beh phah-sí goá, chhin-chhiūⁿ phah-sí hit ê Ai-kíp lāng mah? Mô[·]-se kiaⁿ kóng, Chit ê tãi-chì chin-chiàⁿ lô[·]-chhut. ¹⁵Hoat-ló thiaⁿ-kìⁿ chít ê tãi-chì, chiū siūⁿ beh thài Mô[·]-se. Chóng-sī Mô[·]-se siám-pī Hoat-ló, cháu-khi Bí-tiān toē khiā-khi; chē tī chíⁿ-pīⁿ. ¹⁶Bí-tiān ê chè-si ū chhit ê cha-bó[·]-kiáⁿ; in lâi chhiūⁿ-chúí kàu moá chô, hō[·] lāu-pē ê iūⁿ-kūn lim. ¹⁷Hiah ê kò[·]-iūⁿ--ê kàu, koáⁿ in; Mô[·]-se chiū khí-lâi pang-chān in, hō[·] in ê iūⁿ-kūn lim. ¹⁸In lâi kàu lāu-pē, Liū-jīⁿ, hia; i kóng, Kín-á-jít lín cháiⁿ-iūⁿ hiah-kín tò-

-lâi? ¹⁹In kóng, Ū chít ê Ai-kíp lāng kiù goán thoat-lī kò[·]-iūⁿ ê lāng ê chhiú, koh thoē goán chhut-lát chhiūⁿ chúí, hō[·] iūⁿ-kūn lim. ²⁰I tui i hiah ê cha-bó[·]-kiáⁿ kóng, Hit ê lāng tī tah-lóh? Lín siáⁿ-sū pàng i tī-hia? tiōh chhiáⁿ i lâi chiáh. ²¹Mô[·]-se goān kap hit-lāng tiām; i chiū chiong i ê cha-bó[·]-kiáⁿ Se-pho-láh, kè hō[·] Mô[·]-se. ²²Sīⁿ chít ê kiáⁿ; Mô[·]-se kâ i hō miā kiò Kek-sūn; in-ūi kóng, Goá kià-kha tī goā-pang.

²³Lék-kè choē-choē nī Ai-kíp ông sí; Í-sek-liát lāng, in-ūi choē khó[·]-kang, chiū thó[·]-khui âu-kiò; in choē khó[·]-kang âu-kiò ê siaⁿ kàu hō[·] Siōng-tè thiaⁿ-kìⁿ. ²⁴Siōng-tè thiaⁿ-kìⁿ in ê hiⁿ-hiⁿ-chhan; Siōng-tè chiū kī-tit I kap A-pek-láh-hán, Í-sat, Ngá-kok só[·] líp ê iok. ²⁵Siōng-tè khoàⁿ-kò[·] Í-sek-liát lāng, Siōng-tè iā chai in ê tãi-chì.

3 Mô[·]-se kò[·] i ê tiūⁿ-lāng, Bí-tiān ê chè-si, Iáp-thek-lô, ê iūⁿ-kūn, koáⁿ iūⁿ khi không-ia ê âu-bīn, kàu Siōng-tè ê soaⁿ, chiū-sī Hô-liát soaⁿ. ²Iâ-hô-hoa ê sù-chiá tī chhi-phê-lâi hé-iām-tiong tui i chhut-hiān, i khoàⁿ-kìⁿ, khoàⁿ ah, chhi-phê hō[·] hé sio, chhi-phê iā bô tóh--khi. ³Mô[·]-se kóng, Goá taⁿ beh oat-kè--khi, khoàⁿ chit ê toē ê keng-siōng, chit ê chhi-phê cháiⁿ-iūⁿ bô tóh--khi ah. ⁴Iâ-hô-hoa khoàⁿ-kìⁿ i oat-khi beh khoàⁿ, Siōng-tè chiū tui chhi-phê-lâi kiò i kóng, Mô[·]-se, Mô[·]-se. I chiū kóng, Goá tī-chia. ⁵I chiū kóng, Lí bôh-tit kūn-oá lâi; tiōh thng lí kha--nih ê oē, in-ūi lí khiā ê só[·]-chāi sī sèng-toē. ⁶Koh kóng, Goá sī lí ê chó[·]-kong ê Siōng-tè, A-pek-láh-hán ê Siōng-tè, Í-sat ê Siōng-tè, Ngá-kok ê Siōng-tè. Mô[·]-se jia i ê bīn; m-káⁿ khoàⁿ Siōng-tè. ⁷Iâ-hô-hoa kóng, Goá ê peh-siⁿ khiā-khi tī Ai-kíp ê, in ê khùn-khó[·] Goá sít-chāi í-keng khoàⁿ-kìⁿ lah; in ūi-tiōh tok-kang--ê lâi âu-

kiò, Goá í-keng thiaⁿ-kìⁿ lah; Goá pún chai in ê thông-khó[·]. ⁸Taⁿ Goá lóh--lâi beh kiù in thoat-lī Ai-kíp lāng ê chhiú, chhoā in chhut hit ê toē, kàu pui-súi khui-khoah ê toē, kàu lâu lin kap bít ê toē, chiū-sī Ka-lâm, Hek, A-mô-lī, Pí-lī-sé, Hi-bī, Iâ-pò-su, hiah ê chók ê só-chāi. ⁹Taⁿ Í-sek-liát lāng âu-kiò ê siaⁿ kàu hō· Goá thiaⁿ-kìⁿ; Goá iā khoàⁿ-kìⁿ Ai-kíp lāng khó[·]-chhó[·] in ê kan-khó[·]. ¹⁰Taⁿ lí lāi, Goá beh chhe lí khiⁿ Hoat-ló, chhoā Goá ê peh-sìⁿ Í-sek-liát lāng chhut Ai-kíp. ¹¹Mô-se tùi Siōng-tè kóng, Goá sī sím-mih lāng thang khiⁿ Hoat-ló, chhoā Í-sek-liát lāng chhut Ai-kíp ah? ¹²I kóng, Goá sít-chāi beh kap lí tī-teh; lí chhoā peh-sìⁿ chhut Ai-kíp liáu-āu, lín beh tī chit ê soaⁿ hók-sāi Siōng-tè; che beh choē Goá chhe lí ê cheng-kù. ¹³Mô-se tùi Siōng-tè kóng, Khoàⁿ ah, goá kàu Í-sek-liát lāng hia, tùi in kóng, Lín chó[·]-kong ê Siōng-tè chhe goá lāi lín chia; in nā m̄ng goá kóng, I kiò sím-mih miā? goá beh kā in kóng sím-mih ah? ¹⁴Siōng-tè tùi Mô-se kóng, Goá sī Chū-jiân Jī-jiân-ê; koh kóng, Lí tiòh kā Í-sek-liát lāng án-ni kóng, Chū-jiân-ê chhe goá kàu lín chia. ¹⁵Siōng-tè koh tùi Mô-se kóng, Lí tiòh tùi Í-sek-liát lāng án-ni kóng, Chhe goá kàu lín chia ê, chiū-sī Iâ-hô-hoa, lín chó[·]-kong ê Siōng-tè, A-pek-láh-hán ê Siōng-tè, Í-sat ê Siōng-tè, Ngá-kok ê Siōng-tè; che sī Goá éng-oán ê miā, che sī Goá ê kì-liām kàu bān-tāi. ¹⁶Lí khiⁿ chio-chíp Í-sek-liát ê tiúⁿ-ló, kā in kóng, Iâ-hô-hoa, lín chó[·]-kong ê Siōng-tè, chiū-sī A-pek-láh-hán, Í-sat, Ngá-kok ê Siōng-tè, tùi goá chhut-hiān, kóng, Goá sít-chāi koan-kò[·] lín, lāng tī Ai-kíp só[·] khoán-thāi lín ê, Goá iā ū khoàⁿ-kìⁿ. ¹⁷Goá iā bat kóng, Goá beh chhoā lín chhut Ai-kíp ê kan-khó[·], kàu Ka-lâm, Hek, A-mô-lī, Pí-lī-sé, Hi-

bī, Iâ-pò-su, hiah ê chók ê toē, kàu lâu lin kap bít ê toē. ¹⁸In beh thiaⁿ lí ê oē; lí kap Í-sek-liát ê tiúⁿ-ló tiòh khiⁿ Ai-kíp ông, kā i kóng, Hi-pek-lāi lāng ê Siōng-tè Iâ-hô-hoa í-keng tú-tiòh goán; taⁿ kiū lí iông-ún goán khiⁿ không-iá, kiāⁿ saⁿ-jít ê lō[·]-chām, beh chè-sū Iâ-hô-hoa, goán ê Siōng-tè. ¹⁹Goá chai sui-jiân ēng toā koan-lêng ê chhiú, Ai-kíp ông iā m̄ hō· lín khiⁿ. ²⁰Goá beh chhun Goá ê chhiú, ēng Goá tī Ai-kíp-tiong só[·] beh kiāⁿ it-chhè ê kī-sū lāi phah i; jiân-āu i chia chún lín khiⁿ. ²¹Goá beh hō· chit ê peh-sìⁿ tit-tiòh un-tián tī Ai-kíp lāng ê bīn-chêng, hō· lín chhut-khiⁿ ê sī, bô khang-chhiú khiⁿ; ²²chiah ê hū-jîn-lāng ták-ê beh tùi i ê chhù-piⁿ kap toā tī i ê ke-lāi ê hū-jîn-lāng thó gún-khiⁿ, kim-khiⁿ, kap i-hók, thang hō· lí ê kiáⁿ cha-bó[·]-kiáⁿ ēng; án-ni lín beh chhiúⁿ Ai-kíp lāng.

4 Mô-se in kóng, Khoàⁿ ah, in beh m̄-sin goá, iā m̄-thiaⁿ goá ê oē; in-ūi in beh kóng, Iâ-hô-hoa bē-bat tùi lí chhut-hiān. ²Iâ-hô-hoa tùi i kóng, Tī lí chhiú--nih sī sím-mih? I kóng, Sī koáiⁿ-á. ³Kóng, Hiát tī toē--nih. I chit-ê hiát tī toē--nih, chiū piⁿ-choē choā; Mô-se chiū cháu-siám i. ⁴Iâ-hô-hoa tùi Mô-se kóng, Chhun lí ê chhiú liáh i ê bé; (chiū chhun-chhiú liáh i, tī chhiú-tiong iū-goán piⁿ-choē koáiⁿ-á;) ⁵án-ni thang hō· in sìn Iâ-hô-hoa, in ê chó[·]-kong ê Siōng-tè, A-pek-láh-hán ê Siōng-tè, Í-sat ê Siōng-tè, Ngá-kok ê Siōng-tè, ū tùi lí chhut-hiān. ⁶Iâ-hô-hoa koh tùi i kóng, Hē lí ê chhiú tī lí ê heng-chêng. Chiū hē chhiú tī heng-chêng; thiū--chhut-lāi ê sī, khoàⁿ ah, chhiú í-keng thái-ko, pēh chhin-chhiūⁿ seh. ⁷Koh kóng, Koh hē lí ê chhiú tī lí ê heng-chêng. (I chiū hē tī i ê heng-chêng; thiū--chhut-lāi ê sī, khoàⁿ ah, í-keng chiàu-goán, kap thông seng-khu ê bah bô koh-iūⁿ.)

⁸Koh kóng, Siat-sú in bô beh sìn lí, iā bô beh thiaⁿ thâu-chit ê sîn-jiah, chiū beh sìn tē-jī ê sîn-jiah. ⁹Hit nng̃ ê sîn-jiah in nā lóng m̄-sìn, iā m̄-thiaⁿ lí ê oē, lí tiòh tùi hô--nih iúⁿ chúí, tò tī ta-toē; lí tùi hô--nih só· iúⁿ ê chúí beh tī ta-toē pìⁿ-choè huìh.

¹⁰Mô·se tùi Iâ-hô-hoa kóng, Chú ah, goá pêng-sò· m̄-sī oē kóng-oē ê lāng, tùi Lí ká Lí ê lô·pòk kóng-oē ê liáu-āu iā sī án-ni; goá sī chhùi-chih tun ê lāng. ¹¹Iâ-hô-hoa tùi i kóng, Chhòng-chō lāng ê chhùi sī chī-chūi ah? hō· lāng é-káu, chhàu-hī-lāng, bák-chiu kim, chhiⁿ-mī ê, sī chī-chūi ah? kiám-m̄-sī Goá Iâ-hô-hoa mah? ¹²Taⁿ lí khi ah, Goá beh siúⁿ-sù lí káu-châi, kà-sī lí só· eng-kai kóng-ê. ¹³I kóng, Chú-ah, Lí háp-ì chhe chī-chūi, chiū chhe i khi. ¹⁴Iâ-hô-hoa tùi Mô·se hoat-chhut siū-khi, kóng, Kiám-m̄-sī ū lí ê hiaⁿ, Lī-bī-lāng, A-lún mah? Goá chai i sī oē kóng-oē ê lāng. Koh i taⁿ chhut-lâi ngiā-chih lí; i chit-ē khoàⁿ-kìⁿ lí sim-lâi chiū hoaⁿ-hí. ¹⁵Lí tiòh tùi i kóng, ēng só· eng-kai kóng ê oē thoân hō· i; Goá iā beh siúⁿ-sù lí kap i ū káu-châi, koh beh kà-sī lín só· eng-kai kiâⁿ ê sū. ¹⁶I beh thoē lí tùi peh-sìⁿ kóng-oē; i beh tùi lí chún-choè chhùi, lí beh tùi i chún-choè Siōng-tè. ¹⁷Lí ê chhiú tiòh kiáh chit ki koáiⁿ-á, ēng i lâi kiâⁿ sîn-jiah.

¹⁸Tùi án-ni Mô·se chiū khi, tò--khi i ê tiūⁿ-lāng Iáp-thek-lô hia, ká i kóng, Kiū lí iōng-ún goá tò--khi, khoàⁿ goá ê hiaⁿ-tī tī Ai-kíp ê, khoàⁿ in iáu tī-teh á-bô. Iáp-thek-lô ká Mô·se kóng, Lí thang an-jiân khi lah. ¹⁹Iâ-hô-hoa tī Bí-tiân tùi Mô·se kóng, Lí khi tò--khi Ai-kíp, in-ūi ài hāi lí ê sīⁿ-miā ê lāng lóng sí lah. ²⁰Mô·se toà i ê bó· kap nng̃ ê kiáⁿ, hō· in khiâ-lū, tò--khi Ai-kíp toē; Mô·se chhiú-nih kiáh Siōng-tè ê koáiⁿ-á. ²¹Iâ-hô-hoa tùi

Mô·se kóng, Lí tò--khi Ai-kíp ê sī, tiòh chù-ì chiong Goá só· kau tī lí ê chhiú it-chhè ê kī-sū kiâⁿ tī Hoat-ló ê bīm-chêng; chóng-sī Goá beh hō· i ê sim ngī, i iā bô beh pàng chit ê peh-sìⁿ khi. ²²Lí tiòh ká Hoat-ló kóng, Iâ-hô-hoa án-ni kóng, Í-sek-liát sī Goá ê kiáⁿ, chiū-sī Goá ê toā-kiáⁿ; ²³Goá bat tùi lí kóng, Tiòh tháu-pàng Goá ê kiáⁿ khi, thang hók-sāi Goá; lí iā m̄-chún i khi; khoàⁿ ah, Goá beh thāi-sí lí ê kiáⁿ, chiū-sī lí ê toā-kiáⁿ. ²⁴Mô·se tī lô--nih, tī kheh-tiām, Iâ-hô-hoa tú-tiòh i, beh hō· i sí. ²⁵Se-pho-láh chiū theh chit tè lâi-chiòh, koah i ê kiáⁿ iōng-bút ê phê, hiat tī i ê kha-chêng, kóng, Lí sī goá huìh ê tiōng-hu. ²⁶Iâ-hô-hoa chiū pàng i soah. Hū-jîn-lāng kóng, Lí sī huìh ê tiōng-hu, in-ūi kat-lé ê iân-kò·.

²⁷Iâ-hô-hoa ká A-lún kóng, Lí khi không-ia ngiā-chih Mô·se. I chiū khi, tī Siōng-tè ê soaⁿ tú-tiòh i, chiū ká i chim. ²⁸Mô·se chiong Iâ-hô-hoa chhe i kóng ê oē, kap hoan-hù i kiâⁿ ê sîn-jiah, lóng ká A-lún kóng. ²⁹Mô·se A-lún chiū khi chio-chíp Í-sek-liát lāng chêng tiúⁿ-lô; ³⁰A-lún chiong Iâ-hô-hoa tùi Mô·se só· kóng ê oē lóng kóng i, koh tī peh-sìⁿ ê bīm-chêng kiâⁿ hiah ê sîn-jiah. ³¹Peh-sìⁿ chiū sìn; in thiaⁿ-kìⁿ Iâ-hô-hoa koàn-kò· Í-sek-liát lāng, koh khoàⁿ in ê kan-khó·, chiū àⁿ-thâu kèng-pài.

5 Āu-lâi Mô·se A-lún jip--khi, ká Hoat-ló kóng, Í-sek-liát ê Siōng-tè Iâ-hô-hoa án-ni kóng, Chún Goá ê peh-sìⁿ khi, in thang tī không-ia ūi Goá siú-choeh. ²Hoat-ló kóng, Iâ-hô-hoa sī chī-chūi hō· goá tiòh thiaⁿ I ê oē, chún Í-sek-liát lāng khi ah? Goá m̄-bat Iâ-hô-hoa, iā m̄-chún Í-sek-liát lāng khi. ³In kóng, Hi-pek-lâi lāng ê Siōng-tè tú-tiòh goán; kiū lí chún goán khi không-ia kiâⁿ saⁿ-jīt ê lô·, chē-sū Iâ-hô-hoa goán ê Siōng-tè, kiaⁿ-liáu I ēng

un-ék to-kiàm lîm-kàu goán. ⁴Ai-klp ông tùi in kóng, Mô·se A-lûn, lín siáⁿ-sū hō· peh-sìⁿ hong-hoè in ê kang ah? lín khi taⁿ lín ê tàⁿ lah. ⁵Hoat-ló kóng, Khoàⁿ ah, chit só·-chāi ê peh-sìⁿ hiān-chāi chin-choē, lín keng-jiān hō· in soah in ê taⁿ-tàⁿ. ⁶Tng hit-jît Hoat-ló hoan-hù peh-sìⁿ ê tok-kang--ê kap in ê thâu-bák, kóng, ⁷Lín m̄-thang chiàu-kū ēng chháu hō· chit ê peh-sìⁿ choè chng; hō· in khi ka-kī khioh chháu. ⁸In chēng choè chng ê siàu-giáh, lín iū-goān hō· in án-ni choè, m̄-thang sió-khoá kiám-chiō; in-ūi in pîn-toāⁿ, só·-í âu-kiò kóng, Chún goán khi chè-sū goán ê Siōng-tè. ⁹Lín tiòh ēng khah-tāng ê kang hō· in choè, hō· in tiòh-boā; bô khi thiaⁿ bô-iaⁿ oē. ¹⁰Peh-sìⁿ ê tok-kang--ê kap in ê thâu-bák chhut-khi ká peh-sìⁿ kóng, Hoat-ló án-ni kóng, Goá m̄ ēng chháu hō· lín. ¹¹Lín khoàⁿ tah-lòh ū chháu, chiū ka-kī khi hia khioh; chóng-sī lín ê kang lóng boē chió--tit. ¹²Tùi án-ni peh-sìⁿ si-soāⁿ piàn Ai-klp toē, khioh chháu-á-iū lâi choè chháu. ¹³Tok-kang--ê pek in kóng, Lín jît-jît tiòh choè-oân lín ê kang kap í-chēng ū chháu bô koh-iūⁿ. ¹⁴Hoat-ló tok-kang--ê phah i só· phải koán-lí Í-sek-liát lāng ê thâu-bák, kóng, Lín chā-jît kin-a-jît cháiⁿ-iūⁿ bô choè-oân lín ê kang, chiàu chiōng-chēng ê siàu-giáh choè chng ah? ¹⁵Í-sek-liát lāng ê thâu-bák lâi tùi Hoat-ló kiū-kiò, kóng, Siáⁿ-sū án-ni khoán-thāi lí ê lô·-pók? ¹⁶Bô ēng chháu hō· lí ê lô·-pók, koh ká goán kóng, Tiòh choè-chng; khoàⁿ ah, lí ê lô·-pók siū-phah; sít-chāi sī lí ê peh-sìⁿ ê kè-sit. ¹⁷I kóng, Lín pîn-toāⁿ, lín pîn-toāⁿ; só·-í lín kóng, Chún goá khi chè-sū Iâ-hô-hoa. ¹⁸Taⁿ lín khi choè-kang, chháu m̄ hō· lín, chóng-sī chng tiòh chiàu-giáh lâi kau. ¹⁹Í-sek-liát lāng ê thâu-bák thiaⁿ-kìⁿ kóng, Jît-jît choè chng ê giáh boē thang kiám-

chió, chiū chai hāi lah. ²⁰In lī-khui Hoat-ló chhut-lâi, tú-tiòh Mô·se A-lûn khiā tī in ê thâu-chēng, chiū tùi in kóng, ²¹Goān Iâ-hô-hoa kàm-chhat lín, sím-phoàⁿ lín; in-ūi lín hō· goán tī Hoat-ló ê bīn-chēng kap i ê jîn-sîn ê bīn-chēng ū chháu-miā ēng to hē tī in ê chhiú lâi thāi goán. ²²Mô·se tò-tng-khi Iâ-hô-hoa hia, kóng, Chú ah, Lí siáⁿ-sū pháiⁿ khoán-thāi chit ê peh-sìⁿ? siáⁿ-sū chhe goá? ²³In-ūi tùi goá kìⁿ Hoat-ló, thok Lí ê miā lâi kóng ê sī, i chiū pháiⁿ khoán-thāi chit ê peh-sìⁿ; Lí iā lóng bô kiū Lí ê peh-sìⁿ.

6 Iâ-hô-hoa tùi Mô·se kóng, Goá só· beh kiāⁿ tī Hoat-ló--ê, taⁿ lí beh khoàⁿ-kìⁿ; in-ūi ēng koân-lēng ê chhiú, i beh chún in khi, koh ēng koân-lēng ê chhiú, i beh koáⁿ in chhut i ê toē.

²Siōng-tè koh tùi Mô·se kóng, ³Goá chiū-sī Iâ-hô-hoa; Goá miā choè choân-lēng ê Siōng-tè chhut-hiān tī A-pek-láh-hán, Í-sat, Ngá-kok, chóng-sī Goá ê miā choè Iâ-hô-hoa Goá bē ū hō· in bat Goá. ⁴Goá koh kap in lîp Goá kian-kò· ê iok, beh chiong in só· chhut-goā ê Ka-lâm toē siúⁿ-sù in, chiū-sī kià-kha ê toē. ⁵Goá iā thiaⁿ-kìⁿ Í-sek-liát lāng hiⁿ-hiⁿ-chhan, chiū-sī Ai-klp lāng tok in choè khó·-kang; Goá iā kì-liām Goá ê iok. ⁶Só·-í lí tiòh ká Í-sek-liát lāng kóng, Goá sī Iâ-hô-hoa; Goá beh tùi Ai-klp lāng só· hō· lín taⁿ ê tâng-tàⁿ chhoā lín chhut-lâi, koh beh kiū lín thoat-lī in só· hō· lín choè ê khó·-kang. Goá iā beh ēng chhun-chhut ê chhiú kap toā ê sím-phoàⁿ kiū-siok lín. ⁷Goá iā beh liáh lín choè Goá ê peh-sìⁿ, Goá iā beh choè lín ê Siōng-tè; lín beh chai Goá sī Iâ-hô-hoa, lín ê Siōng-tè, sī tùi Ai-klp lāng só· hō· lín taⁿ ê tâng-tàⁿ chhoā lín chhut-lâi. ⁸Goá chiū-choā èng-ún beh hō· A-pek-láh-hán, Í-sat, Ngá-kok hit ê toē, Goá

beh chhoā lín jíp khi hia, chiong hit ê toē siúⁿ-sù lín choè giáp; goá sī Iā-hô-hoa. ⁹Mô·se chiong chit-ê kā Í-sek-liát lāng kóng; chóng-sī in ũi-tiòh sim-lāi iu-būn, iā choè khó·kang, m̄-khéng thiaⁿ Mô·se.

¹⁰Iā-hô-hoa hoan-hù Mô·se kóng, ¹¹Lí jíp-khi kā Ai-kíp ông Hoat-ló kóng, tiòh chún Í-sek-liát lāng chhut i ê toē. ¹²Mô·se tī Iā-hô-hoa ê bīn-chêng kóng, Khoàⁿ ah, Í-sek-liát lāng siōng-chhiáⁿ m̄-thiaⁿ goá, Hoat-ló thái-thó beh thiaⁿ goá chit-ê chhui-chih tun ê lāng ah? ¹³Iā-hô-hoa hoan-hù Mô·se A-lún tiòh thoan-bēng hō· Í-sek-liát lāng kap Ai-kíp ông Hoat-ló, thang chhoā Í-sek-liát lāng chhut Ai-kíp toē.

¹⁴Í-sek-liát chiaⁿ ê pāng-tiúⁿ ê miā kì tī ē-toé; Í-sek-liát toā-kiáⁿ Liū-piān ê kiáⁿ; Hap-lók, Hoat-lō·, Hi-su-lūn, Ka-bí; chiaⁿ-ê sī Liū-piān hiah ê ke. ¹⁵Se-biān ê kiáⁿ; Iā-bó·lī, Ngá·bín, O-hat, Ngá·kun, Só-hat, í-kíp Ka-lām toē ê cha-bó·kiáⁿ só· siⁿ ê Sò-lô; chiaⁿ-ê sī Se-biān hiah ê ke. ¹⁶Lī-bī chiaⁿ ê kiáⁿ ê miā chiàu in ê sè-hē kì tī ē-toé; Kek-sūn, Ko-hat, Bí-láh-lī; Lī-bī híong-siū chit-pah saⁿ-cháp-chhit hē. ¹⁷Kek-sūn ê kiáⁿ, chiàu in ê ka-chók; Líp-nī, Sī-múi. ¹⁸Ko-hat ê kiáⁿ; Âm-lân, Í-su-hap, Hi-kek-lūn, O·siat; Ko-hat híong-siū chit-pah saⁿ-cháp-saⁿ hē. ¹⁹Bí-láh-lī ê kiáⁿ; Boát-lī, Bó·sī. Chiaⁿ-ê sī Lī-bī hiah ê ke, chiàu in ê sè-hē. ²⁰Âm-lân chhoā i ê ko·, Iok-ki-piat, choè-bó·; i kā i siⁿ A-lún kap Mô·se; Âm-lân híong-siū chit-pah saⁿ-cháp-chhit hē. ²¹Í-su-hap ê kiáⁿ; Khó-láh, Nī-húi, Sè-ki-lī. ²²O·siat ê kiáⁿ; Bí-sa-lī, Í-lī-sat-hoán, Se-thē-lī. ²³A-lún chhoā A-bí-ná-tát ê cha-bó·kiáⁿ, Ná-sūn ê sió-bē, Í-lī-sa-pa choè bó·; i kā i siⁿ Ná-tap, A-pí-hō·, Í-lī-a-sat, Í-tha-má. ²⁴Khó-láh ê kiáⁿ; A-sek, Í-lī-ka-ná, A-pí-

a-sat; chiaⁿ-ê sī Khó-láh hiah ê ke. ²⁵A-lún ê kiáⁿ Í-lī-a-sat chhoā Phó·thiat chit ê cha-bó·kiáⁿ choè-bó·; i kā i siⁿ Hui-nī-hap. Chiaⁿ-ê sī Lī-bī lāng ê pāng-tiúⁿ, chiàu in ê ka-chók. ²⁶Chit ê A-lún Mô·se chiū-sī Iā-hô-hoa tui in kóng, Tiòh chhoā Í-sek-liát lāng chiàu in ê kun-tui chhut Ai-kíp toē ê. ²⁷Tui Ai-kíp ông, Hoat-ló, kóng beh chhoā Í-sek-liát lāng chhut Ai-kíp ê, chiū-sī chit ê Mô·se, A-lún.

²⁸Tng Iā-hô-hoa tī Ai-kíp toē tui Mô·se kóng-oē ê jít, ²⁹Iā-hô-hoa tui Mô·se kóng, Goá chiū-sī Iā-hô-hoa; Goá tui lí só· kóng it-chhè ê oē, lí lóng tiòh kā Ai-kíp ông Hoat-ló kóng. ³⁰Mô·se tī Iā-hô-hoa ê bīn-chêng kóng, Khoàⁿ ah, goá sī chhui-chih tun ê lāng, Hoat-ló thái-thó beh thiaⁿ goá ah?

7 Iā-hô-hoa tui Mô·se kóng, Khoàⁿ ah, Goá hō· lí tui-tī Hoat-ló choè siōng-tè; lí ê hiaⁿ A-lún beh choè lí ê sian-ti. ²Kìⁿ-nā Goá só· hoan-hù lí-ê, lí lóng tiòh kóng i; lí ê hiaⁿ A-lún tiòh tui Hoat-ló kóng, hō· i chún Í-sek-liát lāng chhut i ê toē. ³Goá beh hō· Hoat-ló ê sim ngī, iā beh tī Ai-kíp toē kiáⁿ Goá choē-choē ê sīn-jiah kī-sū. ⁴Chóng-sī Hoat-ló bô beh thiaⁿ lín; Goá beh chhun Goá ê chiúⁿ tī Ai-kíp, ēng toā ê sīm-phoàⁿ chhoā Goá ê kun-tui, Goá ê peh-siⁿ Í-sek-liát lāng, chhut Ai-kíp toē. ⁵Goá chhun Goá ê chiúⁿ tī Ai-kíp, chhoā Í-sek-liát lāng tui in tiong-kan chhut-lāi ê sī, Ai-kíp lāng chiū chai Goá sī Iā-hô-hoa. ⁶Mô·se A-lún chiū án-ni kiáⁿ; Iā-hô-hoa cháitⁿ-iūⁿ hoan-hù in, in chiū chiàu án-ni kiáⁿ. ⁷In kap Hoat-ló kóng-oē ê sī, Mô·se poeh-cháp hē, A-lún poeh-cháp-saⁿ hē.

⁸Iā-hô-hoa tui Mô·se tui A-lún kóng, ⁹Hoat-ló nā tui lín kóng, Lín tiòh kiáⁿ chit kiáⁿ kī-sū lâi khoàⁿ-māi--chēh; lí tiòh tui A-lún kóng, Kiáh lí ê koáiⁿ-á lâi hiat tī Hoat-

lô ê bîn-chêng, hō· i pìⁿ-choè choa. ¹⁰Mô·se A-lûn jíp--khì kîⁿ Hoat-lô, chiū án-ni kiâⁿ, chiàu Iâ-hô-hoa só· hoan-hù--ê; A-lûn chiong i ê koáiⁿ-á hiat tī Hoat-lô kap i ê jîn-sîn ê bîn-chêng, koáiⁿ-á chiū pìⁿ-choè choa. ¹¹Hoat-lô iā tiàu tì-hūi ê lāng kap sai-kong lâi, in sī Ai-kíp ê phok-sū, iā ēng in ê siâ-sút chiàu án-ni kiâⁿ. ¹²In tāk-lāng hiat in ê koáiⁿ-á, lóng pìⁿ-choè choa; chóng-sī A-lûn ê koáiⁿ-á thun in ê koáiⁿ-á. ¹³Hoat-lô ê sim ngī, bô beh thiaⁿ in, tú-tú chiàu Iâ-hô-hoa só· kóng--ê.

¹⁴Iâ-hô-hoa tùi Mô·se kóng, Hoat-lô ê sim kò·chip, i m̄-chún peh-sìⁿ khì. ¹⁵Thiⁿ-kng-chá lí khì kîⁿ Hoat-lô; khoàⁿ ah, i chhut-khì chúi-pìⁿ; lí tiòh khiā tī hô-pìⁿ tán-chih i; lí ê chhiú tiòh kiáh hit-ki pìⁿ-choa ê koáiⁿ-á, ¹⁶tùi i kóng, Iâ-hô-hoa, Hi-pek-lâi lāng ê Siōng-tè, chhe goá lâi kîⁿ lí, kóng, Chún Goá ê peh-sìⁿ khì, thang tī khòng-iá hók-sāi Goá; khoàⁿ ah, kàu-taⁿ lí iáu-bē ū thiaⁿ. ¹⁷Iâ-hô-hoa án-ni kóng, Lí beh tùi chí chit-kiāⁿ chai Goá sī Iâ-hô-hoa; khoàⁿ ah, goá beh ēng goá chhiú--nih ê koáiⁿ-á phah hô-tiong ê chúi, chúi chiū pìⁿ-choè huìh. ¹⁸Hô--nih ê hī beh sí, hô iā beh chhàu-bī; Ai-kíp lāng iām-chiān m̄-ài lim hô ê chúi. ¹⁹Iâ-hô-hoa tùi Mô·se kóng, Lí tiòh ká A-lûn kóng, Kiáh lí ê koáiⁿ-á, chhun lí ê chhiú tī Ai-kíp chiaⁿ ê chúi ê téng-bīn, chiū-sī tī in ê kang, hô, tī, kap it-chhè ê chúi-khut ê téng-bīn, hō· in lóng pìⁿ-choè huìh; tī Ai-kíp piàn-toē, bô-lūn chhā ê khì-kū, chiòh ê khì-kū, lóng beh ū huìh. ²⁰Mô·se A-lûn chiū án-ni kiâⁿ, chiàu Iâ-hô-hoa só· hoan-hù; tī Hoat-lô kap i ê jîn-sîn ê bîn-chêng kiáh-khí koáiⁿ-á, phah hô--nih ê chúi; hô--nih ê chúi lóng pìⁿ-choè huìh. ²¹Hô--nih ê hī lóng sí; hô iā chhàu-bī; Ai-kíp lāng boē-oē lim hô--nih ê chúi; Ai-kíp piàn-toē lóng ū huìh. ²²Ai-kíp ê phok-sū iā

ēng in ê siâ-sút chiàu án-ni kiâⁿ; Hoat-lô ê sim ngī, m̄-thiaⁿ in; tú-tú chiàu Iâ-hô-hoa só· kóng--ê. ²³Hoat-lô tò--khì i ê kiong-lāi; chit ê sū i iā bô khoà-sim. ²⁴Ai-kíp lāng tī hô ê siang-pêng kút toē, ài tit-tiòh chúi thang lim; in-ūi hô ê chúi in boē lim--tit. ²⁵Iâ-hô-hoa phah hô liáu-āu lèk-kè chhit-jit.

8 Iâ-hô-hoa ká Mô·se kóng, Lí jíp--khì kîⁿ Hoat-lô, ká i kóng, Iâ-hô-hoa án-ni kóng, Chún Goá ê peh-sìⁿ khì, thang hók-sāi Goá. ²Lí nā m̄-chún in khì, khoàⁿ ah, Goá beh hō· chhân-kap-á phah-pháiⁿ lí ê kóng-lāi. ³Hô beh siⁿ-thoàⁿ chhân-kap-á, in beh chiūⁿ-lâi jíp lí ê kiong-tiān, lí ê khùn-pāng, chiūⁿ lí ê bîn-chhng, jíp lí ê jîn-sîn ê chhū, chiūⁿ lí ê peh-sìⁿ ê seng-khu, jíp lí ê chàu-khang, kap lí chhiau-mī ê khì-kū. ⁴Koh beh chiūⁿ lí, kap lí ê peh-sìⁿ, í-kíp lí cheng jîn-sîn ê seng-khu. ⁵Iâ-hô-hoa tùi Mô·se kóng, Lí ká A-lûn kóng, Lí ê chhiú kiáh koáiⁿ-á, chhun tī kang, hô, tī ê téng-bīn, hō· chhân-kap-á chiūⁿ-lâi Ai-kíp toē. ⁶A-lûn chiū chhun i ê chhiú tī Ai-kíp chiaⁿ ê chúi ê téng-bīn; chhân-kap-á chiū chiūⁿ-lâi jia-khām thong Ai-kíp toē. ⁷Phok-sū ēng in ê siâ-sút iā án-ni kiâⁿ, hō· chhân-kap-á chiūⁿ-lâi Ai-kíp toē. ⁸Hoat-lô kiò Mô·se A-lûn kóng, Chhiáⁿ lín kiū Iâ-hô-hoa hō· chiaⁿ ê chhân-kap-á lī-khui goá kap goá ê peh-sìⁿ; goá chiū chún chit ê peh-sìⁿ khì thang chè-sū Iâ-hô-hoa. ⁹Mô·se tùi Hoat-lô kóng, Goá chun-chhūn lí ê ì-sù; goá tiòh ūi lí, kap lí ê jîn-sîn, í-kíp lí ê peh-sìⁿ, kī-kiū tī sím-mih sī thang tū-biāt chhân-kap-á lī-khui lí, kap lí hiah ê chhū, chí-ū lâu tī hô--nih ah? ¹⁰I kóng, Bīn-á-jit. Kóng, Thang chiàu lí ê oē; hō· lí chai goán ê Siōng-tè Iâ-hô-hoa bô chit-ê oē pí-phēng--tit. ¹¹Chhân-kap-á beh lī-khui lí kap lí hiah ê chhū, kap lí ê jîn-sîn, í-kíp lí ê

peh-siⁿ, chí-ū lâu tī hô--nih. ¹²Mô-se A-lûn lī-khui Hoat-ló chhut-khì; Mô-se ūi-tiòh I só· chhe lâi hāi Hoat-ló ê chhân-kap-á kiū kiò Iâ-hô-hoa. ¹³Iâ-hô-hoa chiū chiàu Mô-se ê oē lâi kiâⁿ; kìⁿ-nā tī chhù-lāi, tīⁿ-tiòng, chhân--nih ê chhân-kap-á lóng sí. ¹⁴Lâng khioh in kui-tui, piàn-toē lóng chhàu-bī. ¹⁵Hoat-ló khoàⁿ-kìⁿ tãi-chì ū khah-khoan, chiū ngī i ê sim, m̄-thiaⁿ in; tú-tú chiàu Iâ-hô-hoa só· kóng ê.

¹⁶Iâ-hô-hoa tui Mô-se kóng, Lí kã A-lûn kóng, Chhun-chhut lí ê koáiⁿ-á, phah toē--nih ê thô-hún, hō· i tī Ai-kíp piàn-toē pìⁿ-choē sat-bú. ¹⁷In chiū án-ni kiâⁿ; A-lûn kiáh koáiⁿ-á, chhun-chhiú phah toē--nih ê thô-hún, chiū tī lāng kap cheng-siⁿ ê seng-khu lóng ū sat-bú; toē--nih ê thô-hún tī Ai-kíp piàn-toē lóng piàn-choē sat-bú. ¹⁸Phok-sū iā ēng in ê siâ-sút chiàu án-ni choē, ài siⁿ-chhut sat-bú, chóng-sī boē-oē; án-ni tī lāng kap cheng-siⁿ ê seng-khu lóng ū sat-bú. ¹⁹Phok-sū tui Hoat-ló kóng, Che sī Siōng-tè ê chhiú-toāⁿ; Hoat-ló ê sim ngī, m̄-thiaⁿ in; tú-tú chiàu Iâ-hô-hoa só· kóng ê.

²⁰Iâ-hô-hoa kã Mô-se kóng, Lí chheng-chá khi-lâi; khoàⁿ ah, Hoat-ló beh kàu chúi-piⁿ; lí khiā tī i ê bīn-thâu-chêng, kã i kóng, Iâ-hô-hoa án-ni kóng, Chún Goá ê peh-siⁿ khi, thang hók-sāi Goá. ²¹Lí nā m̄-chún Goá ê peh-siⁿ khi, Goá beh chhe kui-tīn ê hô-sin kàu tī lí, kap lí ê jîn-sin, í-kíp lí ê peh-siⁿ, iā beh jíp lí hiah ê chhù; koh Ai-kíp lāng ê chhù, kap in só· khiā-khí ê só·chāi, lóng beh ū kui-tīn ê hô-sin moá-moá. ²²Tng hit-jit, Goá beh hun-piat Goá ê peh-siⁿ só· khiā-khí ê Ko-san toē, tī-hia bô beh ū kui-tīn ê hô-sin; thang hō· lí chai Goá tī thiⁿ-ē-tiòng choē Iâ-hô-hoa. ²³Goá beh hun-piat Goá ê peh-siⁿ kap lí ê peh-siⁿ; bīn-á-chài beh ū chit ê sin-

jiah. ²⁴Iâ-hô-hoa án-ni kiâⁿ; chiū ū hô-sin kui toā-tīn lâi jíp Hoat-ló ê kiong-tiān kap i ê jîn-sin ê chhù, kap Ai-kíp choān-toē; toē in-ūi chit ê kui-tīn ê hô-sin siū pāi-hoāi. ²⁵Hoat-ló kiò Mô-se A-lûn lâi, kóng, Lín khi, tī chit ê toē chè-sū lín ê Siōng-tè. ²⁶Mô-se kóng, Án-ni kiâⁿ bô háp-gī; in-ūi goán beh ēng Ai-kíp lāng só· iām-òⁿ ê mih chè-sū Iâ-hô-hoa, goán ê Siōng-tè; goán nā tī Ai-kíp lāng ê bāk-chiu-chêng, ēng in só· iām-òⁿ ê mih lâi hiàn-chè, in kiám bô beh ēng chiòh-thâu tìm goán mah? ²⁷Goán beh khi không-iá, kiâⁿ saⁿ-jit ê lō-chām, chè-sū goán ê Siōng-tè Iâ-hô-hoa, chiàu I só· beh hoan-hù goán. ²⁸Hoat-ló kóng, Goá beh chún lín khi, tī không-iá chè-sū Iâ-hô-hoa lín ê Siōng-tè; tók-tók m̄-thang khi hng; lín tiòh thoē goá kí-tó. ²⁹Mô-se kóng, Goá beh tui lí chia chhut-khì iā beh kiū Iâ-hô-hoa hō· kui-tīn ê hô-sin bīn-á-jit lī-khui Hoat-ló, kap i ê jîn-sin í-kíp i ê peh-siⁿ; chóng-sī Hoat-ló m̄-thang koh khúi-chà, m̄-chún peh-siⁿ khi chè-sū Iâ-hô-hoa. ³⁰Mô-se chiū tui Hoat-ló hia chhut-khì, kí-tó Iâ-hô-hoa. ³¹Iâ-hô-hoa chiū chiàu Mô-se ê oē kiâⁿ, hō· kui-tīn ê hô-sin lī-khui Hoat-ló, kap i ê jîn-sin, í-kíp i ê peh-siⁿ; bô lâu chit-chiah. ³²Chit-pái Hoat-ló koh ngī i ê sim, m̄-chún peh-siⁿ khi.

9 Iâ-hô-hoa tui Mô-se kóng, Lí jíp--khi kìⁿ Hoat-ló, kã i kóng, Iâ-hô-hoa, Hi-pek-lâi lāng ê Siōng-tè, án-ni kóng, Tiòh chún Goá ê peh-siⁿ khi, thang hók-sāi Goá. ²Lí nā m̄-khéng hō· in khi, iū-goān bián-kióng lâu in, ³khoàⁿ ah, Iâ-hô-hoa ê chhiú beh chhun tī lí chhân--nih ê cheng-siⁿ, bé, lû, lók-tô, gû-kûn, iūⁿ-kûn; beh ū tâng ê un-ék. ⁴Iâ-hô-hoa beh hun-piat Í-sek-liát ê cheng-siⁿ kap Ai-kíp ê cheng-siⁿ; hoān-nā siók Í-sek-liát lāng ê, bô sí chit-chiah. ⁵Iâ-hô-hoa chiū tiāⁿ-tiòh sī-kí,

kóng, Bîn-á-jit Iâ-hô-hoa beh tī chit ê toē kiâⁿ chit ê sū. ⁶Keh-jit Iâ-hô-hoa chiū kiâⁿ chit ê sū; Ai-kip ê cheng-siⁿ lóng-chóng sí; chóng-sī Í-sek-liát lāng ê cheng-siⁿ lóng bô sí chit-chiah. ⁷Hoat-ló chhe lāng khi, khoàⁿ ah, Í-sek-liát lāng ê cheng-siⁿ, liān chit-chiah iā bô sí. Chóng-sī Hoat-ló ê sim kò-chip, m̄-chún peh-siⁿ khi.

⁸Iâ-hô-hoa tùi Mô-se A-lún kóng, Lín tiòh put kúi-nā phóng lô--nih ê hé-hu, Mô-se tiòh tī Hoat-ló ê bîn-chêng òng-thiⁿ iā-khi; ⁹beh tī Ai-kip choân-toē pìⁿ-choè tîn-ai; tī Ai-kip choân-toē, tī lāng kap cheng-siⁿ ê seng-khu, lóng siⁿ liáp-á, chiāⁿ-choè chhng. ¹⁰In chiū put lô--nih ê hé-hu, khiā tī Hoat-ló ê bîn-chêng; Mô-se òng-thiⁿ iā-khi, chiū tī lāng kap cheng-siⁿ ê seng-khu siⁿ liáp-á, chiāⁿ-choè chhng. ¹¹Phok-sū in-ūi liáp-á tī Mô-se ê bîn-chêng khiā-boē-tiâu; in-ūi phok-sū kap it-chhè Ai-kip lāng ê seng-khu lóng ū hit-hō liáp-á. ¹²Iâ-hô-hoa hō Hoat-ló ê sim ngī, tì-kàu m̄-thiaⁿ in; tú-tú chiàu Iâ-hô-hoa tùi Mô-se só kóng ê.

¹³Iâ-hô-hoa tùi Mô-se kóng, Lí chheng-chá khí-lai, khiā tī Hoat-ló ê bîn-chêng kā i kóng, Iâ-hô-hoa, Hi-pek-lai lāng ê Siōng-tè, án-ni kóng, Tiòh chún Goá ê peh-siⁿ khi, hō in thang hók-sāi Goá. ¹⁴In-ūi chí-chit-pái Goá beh hō Goá it-chhè ê chai-ē kàu tī lí ê sim, kap lí ê jîn-sîn, í-kip lí ê peh-siⁿ, hō lí chai tī phók-thiⁿ-ē bô chit-ê oē pí-phēng Goá. ¹⁵Goá nā chhun-chhiú, ēng un-ék kong-kek lí kap lí ê peh-siⁿ, lí chiū í-keng biát tī toē-chiūⁿ; ¹⁶chóng-sī Goá hō lí khiā-chāi, sī tiâu-kò-ì beh ēng lí hián-bēng Goá ê toā koân-lēng, hō Goá ê miâ pò-iōng tī piàn-toē-chiūⁿ. ¹⁷Lí iáu-kú tùi Goá ê peh-siⁿ chū-ko, m̄-chún in khi mah? ¹⁸Khoàⁿ ah, bîn-á-jit chiong-kūn

chit-sī, Goá beh lōh toā-phauh, tùi Ai-kip khai-kok í-lai bē-bat ū án-ni. ¹⁹Taⁿ lí tiòh chhe lāng, chiong lí ê cheng-siⁿ kap lí chhân-nih it-chhè só-ū-ê, pek in jip--lai; hoān-nā tī chhân--nih, bô siu tò--lai ke--nih-ê, bô-lūn lāng kap cheng-siⁿ, phauh beh lōh tī in ê sin-chiūⁿ, in chiū beh sí. ²⁰Hoat-ló jîn-sîn ê tiong-kan, kiaⁿ-ūi Iâ-hô-hoa ê oē ê, chiū hō i ê lô-pók kap cheng-siⁿ cháu jip chhū-lai; ²¹chóng-sī hit-ê bô liáh Iâ-hô-hoa ê oē choè iàu-kín ê, chiū chiong i ê lô-pók kap cheng-siⁿ lâu tī chhân--nih.

²²Iâ-hô-hoa tùi Mô-se kóng, Lí òng-thiⁿ chhun-chhiú, hō phauh lōh tī Ai-kip ê piàn-toē, phah lāng kap cheng-siⁿ, í-kip chhân--nih ê chhài-soe, thong Ai-kip toē lóng án-ni. ²³Mô-se òng-thiⁿ chhun-chhut i ê koáiⁿ-á, Iâ-hô-hoa chiū khí-lui lōh-phauh, ū hé kiâⁿ tī toē-bîn-chiūⁿ; Iâ-hô-hoa lōh-phauh tī Ai-kip toē. ²⁴Tùi án-ni ū phauh, iā ū hé chham tī phauh ê lai-bîn, chin lī-hāi; tùi Ai-kip khai-kok í-lai piàn-toē bē bat ū án-ni. ²⁵Tī Ai-kip piàn-toē, kìⁿ-nā tī chhân--nih-ê, bô-lūn lāng á-sī cheng-siⁿ, lóng hō phauh phah; phauh iā phah chhân--nih it-chhè ê chhài-soe, koh phah-chhih chhân--nih it-chhè ê chhiū-bák. ²⁶Tók-tók tī Í-sek-liát lāng só tiàm ê Ko-san toē bô lōh-phauh. ²⁷Hoat-ló chhe lāng kiò Mô-se A-lún lai, kā in kóng, Chí-chit-pái goá ū hoān-choē; Iâ-hô-hoa sī kong-gī, goá kap goá ê peh-siⁿ sī pháiⁿ. ²⁸Taⁿ chiah ê chhè-lui kap phauh í-keng kàu-giáh lah; kiū lín kí-tó Iâ-hô-hoa; goá chiū chún lín khi, m̄-bián koh tiàm chia. ²⁹Mô-se kā i kóng, Goá chit-ē chhut-siāⁿ chiū beh òng Iâ-hô-hoa kiáh-khi goá siang ki chhiú; lui beh soah, phauh iā bô koh lōh; hō lí chai choân-toē lóng siók tī Iâ-hô-hoa. ³⁰Chóng-sī lūn-kàu lí kap lí ê jîn-sîn,

goá chai lín iáu sī bô kiaⁿ-ùi Iâ-hô-hoa Siōng-tè. ³¹Hit-sī moâ kap toā-bêh siū phah-pháiⁿ; in-ùi toā-bêh í-keng chhut-sūi, moâ iā khui-hoe. ³²Tók-tók sió-bêh kap chho-bêh bô siū phah-pháiⁿ; in-ùi iáu-bê toā-châng. ³³Mô-se lī-khui Hoat-ló chhut-siâⁿ, kiáh-khí siang-chhiú òng Iâ-hô-hoa, lúi kap phauh chiū soah, hō iā bô koh piàⁿ-lôh toē. ³⁴Hoat-ló khoàⁿ-kìⁿ hō, phauh, kap lúi lóng soah, chiū it-hoat hoân-choē; i kap i ê jîn-sîn lóng ngī-sim. ³⁵Hoat-ló sim ngī, m̄-chún Í-sek-liát lâng khi, tú-tú chiàu Iâ-hô-hoa thok Mô-se só kóng ê.

10 Iâ-hô-hoa tùi Mô-se kóng, Lí jíp-khì kìⁿ Hoat-ló; in-ùi Goá í-keng hō i ê sim, kap i ê jîn-sîn ê sim, kong-ngī, thang hō Goá hián-bêng Goá chiah ê sîn-jiah tī in tiong-kan; ²iā beh hō lí chiong Goá só choē tī Ai-kíp ê sū, kap Goá tī in tiong-kan só kiâⁿ chiah ê sîn-jiah, thoân hō lí ê kiâⁿ kap lí ê sun thiaⁿ, thang hō lín chai Goá sī Iâ-hô-hoa. ³Mô-se A-lûn chiū khi kìⁿ Hoat-ló, ká i kóng, Iâ-hô-hoa, Hi-pek-lâi lâng ê Siōng-tè, án-ni kóng, Lí tī Goá ê bîn-chêng m̄-khéng ka-kī khiampì, beh kàu sím-mih sī ah? tiòh chún Goá ê peh-sìⁿ khi, hō in hók-sāi Goá. ⁴Lí nā m̄-khéng hō Goá ê peh-sìⁿ khi, khoàⁿ ah, bîn-a-jít Goá beh hō chháu-meh jíp lí ê keng-lâi; ⁵in beh jia-khàm toē-bîn, tì-kàu boē khoàⁿ-kìⁿ thô; koh beh chiáh hit-ê tùi chai-ē só--chhun--ê, chiū-sī phauh só phah bô liáu ê; iā beh chiáh chhân--nih ùi lín só hoat it-chhè ê chhiū-bák; ⁶chháu-meh beh chhiong-moá lí ê chhù, kap lí ê chêng jîn-sîn ê chhù, í-kíp it-chhè Ai-kíp lâng ê chhù, tùi lí ê lău-pē kap lí ê chó-kong chhut-si kàu taⁿ, bē-bat khoàⁿ-kìⁿ án-ni. Mô-se chiū oát-túg-sin, lī-khui Hoat-ló chhut-khì. ⁷Hoat-ló ê jîn-sîn tùi i kóng, Chit lâng choē lán ê lô-băng, beh kàu sím-mih sī

ah? tiòh chún chiah ê lâng khi hók-sāi Iâ-hô-hoa in ê Siōng-tè; Ai-kíp í-keng pāi-hoāi, lí kiám m̄-chāi mah? ⁸Tùi án-ni, Mô-se A-lûn siū tiàu tò-túg--lâi kìⁿ Hoat-ló; Hoat-ló ká in kóng, Lín khi hók-sāi Iâ-hô-hoa lín ê Siōng-tè; tók-tók hiah-ê beh-khì--ê, sī sím-mih hō lêng ah? ⁹Mô-se kóng, Goán beh kap goán ê siâu-liân lêng lău-lêng khi, iā beh toà goán ê kiâⁿ cha-bó-kiâⁿ, kap goán ê iūⁿ-kûn gû-kûn choē chit-ê khi; in-ùi goán tiòh siú Iâ-hô-hoa ê choeh. ¹⁰Hoat-ló tùi in kóng, Hó-lah, goá chún lín kap lín ê gín-á khi lah, goán Iâ-hô-hoa kap lín tī-teh; lín tiòh kín-sîn, chai-ē tī lín bák-chiu-chêng lah; ¹¹án-ni boē-choē--tit; lín chiah ê toā-lêng thang khi hók-sāi Iâ-hô-hoa, in-ùi che sī lín só kiū ê. Chiū tùi Hoat-ló ê bîn-chêng koáⁿ in chhut-khì.

¹²Iâ-hô-hoa ká Mô-se kóng, Lí chhun-chhiú kí Ai-kíp toē, hō chháu-meh chiūⁿ-lâi Ai-kíp toē, chiáh toē--nih it-chhè ê chhài-soe, chiū-sī phauh phah bô liáu ê. ¹³Mô-se chiū chhun i ê koáiⁿ-á, kí Ai-kíp toē; Iâ-hô-hoa chiū hō tang-hong thông-jít thông-mi chhe tī toē--nih; kàu bîn-á-chá-khí, tang-hong chiū chiong chháu-meh chhe--lâi. ¹⁴Chháu-meh chiūⁿ-lâi Ai-kíp piàn-toē, hioh tī Ai-kíp ê sî-kéng, lī-hāi kàu-kék; chiong-chêng bô ū án-ni ê chháu-meh, í-āu iā bô beh án-ni; ¹⁵in-ùi in jia-khàm choân-toē, tì-kàu toē lóng o-àm; koh chiáh toē-chiūⁿ it-chhè ê chhài-soe, kap chhiū--nih ê ké-chí, phauh só phah bô liáu ê. Ai-kíp piàn-toē, bô-lûn chhiū-bák, á-sī chhân--nih ê chhài-soe, bô lău chit-hăng chhiⁿ-chhiⁿ ê mih. ¹⁶Tùi án-ni Hoat-ló koáⁿ-kín kiò Mô-se A-lûn lâi, kóng, Goá tek-choē lín ê Siōng-tè Iâ-hô-hoa, iā tek-choē lín. ¹⁷Taⁿ kiū lí, kan-ta chí chit-pái sià-bián goá ê choē, kiū lín ê Siōng-tè Iâ-hô-hoa, hō goá thoat-lī chí-chit-pái ê sí-

bô. ¹⁸Mô·se chiū lī-khui Hoat-ló, khi kiū Iâ-hô-hoa. ¹⁹Iâ-hô-hoa chiū tng chin-thâu ê sai-hong chiong chháu-meh chhe--khí-lâi, koáⁿ-jlp Âng-hái; tī Ai-kíp ê sî-kéng bô lâu chit-chiah chháu-meh. ²⁰Chóng-sī Iâ-hô-hoa hō· Hoat-ló ê sim ngī, m̄-chún Í-sek-liát lāng khi.

²¹Iâ-hô-hoa kā Mô·se kóng, Lí chhun-chhiú òng-thiⁿ, hō· Ai-kíp toē o·-àm, chit ê o·-àm kàu oē-bong-tit. ²²Mô·se chiū chhun-chhiú òng thiⁿ, Ai-kíp piàn-toē chiū saⁿ-jlt kú o·-o·-àm-àm; ²³saⁿ-jlt kú lāng boē khoàⁿ-kìⁿ lāng, iā bô khí-lâi lī-khui i ê só·chāi; tók-tók Í-sek-liát lāng ê chhù lóng ū kng. ²⁴Hoat-ló chiū kiò Mô·se lâi kóng, Lín khi hók-sāi Iâ-hô-hoa, tók-tók sī lín ê iūⁿ-kūn gū-kūn tiòh lâu-teh, lín ê gín-á chiū thang kap lín saⁿ-kap khi. ²⁵Mô·se kóng, Lí iā tiòh chiong seng-lé kap sio-chè ê mih kau goán ê chhiú, hō· goán thang chè-sū Iâ-hô-hoa goán ê Siōng-tè. ²⁶Goán ê cheng-siⁿ iā tiòh kap goán khi, liân chit-chiah iā m̄ lâu-teh; in-ūi goán tiòh tui hit tiong-kan chhú i, lâi hók-sāi Iâ-hô-hoa goán ê Siōng-tè; koh goán iáu-bē kàu hia m̄-chai tiòh ēng sím-mih hók-sāi Iâ-hô-hoa. ²⁷Chóng-sī Iâ-hô-hoa hō· Hoat-ló ê sim ngī, m̄-khéng hō· in khi. ²⁸Hoat-ló kā Mô·se kóng, Lí tiòh lī-khui goá khi; lí tiòh kín-sin ka-kī, m̄-thang koh kìⁿ goá ê bīn; in-ūi lí kìⁿ goá ê bīn, hit-jlt lí oē sí. ²⁹Mô·se kóng, Lí án-ni kóng, hó; goá bô beh koh kìⁿ lí ê bīn lah.

11 Iâ-hô-hoa kā Mô·se kóng, Goá beh koh hō· chit-hāng chai-ē kàu tī Hoat-ló kap Ai-kíp, jiân-āu i beh chún lín lī-khui chia; i chún lín khi ê sī beh koáⁿ lín lóng tui chia chhut-khi. ²Lí tiòh thoân hō· peh-siⁿ thiaⁿ, hō· in lâm-lú ták-lāng tui in ê chhù-piⁿ thó kim-khi, gūn-khi. ³Iâ-hô-hoa hō· peh-siⁿ tit-tiòh un-tián tī Ai-kíp lāng ê bīn-chēng; koh

Mô·se chit-lāng tī Ai-kíp toē, tī Hoat-ló jīn-sin ê bák-chiu-tiong, kap peh-siⁿ ê bák-chiu-tiong, khoàⁿ-choē chun-toā.

⁴Mô·se kóng, Iâ-hô-hoa án-ni kóng, Iok-liók poàⁿ-mī, Goá beh chhut-khi piàn kiáⁿ Ai-kíp. ⁵Kìⁿ-nā tī Ai-kíp toē ê toā-kiáⁿ, tui chē-ūi ê Hoat-ló ê toā-kiáⁿ, kàu tī oe-bō ê lú-pī ê toā-kiáⁿ, kap it-chhè ê cheng-siⁿ thau-chui-siⁿ--ê, lóng beh sí. ⁶Ai-kíp piàn-toē beh ū toā thī-khau ê siaⁿ, chiong-chēng bē bat ū án-ni, āu-lâi iā bô koh án-ni. ⁷Lūn-kàu Í-sek-liát-tiong, bô-lūn sī lāng sī cheng-siⁿ, liân káu iā m̄-káⁿ pui in; hō· lín chai Iâ-hô-hoa tī Ai-kíp lāng kap Í-sek-liát lāng ê tiong-kan ū hun-piat in. ⁸Lí hiah ê jīn-sin, lóng beh lóh lâi kìⁿ goá, phak tī goá bīn-chēng, kóng, Kiū lí kap kun-tè lí ê peh-siⁿ lóng chhut-khi; jiân-āu goá beh chhut-khi. Tui án-ni Mô·se toā siū-khi, lī-khui Hoat-ló chhut-khi.

⁹Iâ-hô-hoa kā Mô·se kóng, Hoat-ló bô beh thiaⁿ lín, hō· Goá ê kī-sū tī Ai-kíp toē ke-thiⁿ ná choē. ¹⁰Mô·se A-lūn tī Hoat-ló ê bīn-chēng kiáⁿ che it-chhè ê kī-sū; chóng-sī Iâ-hô-hoa hō· Hoat-ló ê sim ngī, m̄-chún Í-sek-liát lāng lī-khui i ê toē.

12 Iâ-hô-hoa tī Ai-kíp toē tui Mô·se A-lūn kóng, Chit gēh tiòh choē lín ê chiaⁿ-gēh, choē nī-nī ê thau-chit-gēh. ³Lín tiòh tui Í-sek-liát ê choân-hoē kóng, Pún-gēh chhoe-cháp jlt, ták-lāng tiòh chiàu lâu-pē ê ke, chhú iūⁿ-á, chit-ke chit-chiah. ⁴Nā sī chit-ke ê lāng siuⁿ-chió, chit-chiah iūⁿ-á chiáh-boē-liáu, i tiòh kap keh-piah ê chhù-piⁿ, chiàu lāng-giáh, saⁿ-kap chhú chit-chiah; lín pī-pān iūⁿ-á, tiòh àn-sng ták-lāng só· oē chiáh ê liōng. ⁵Lín ê iūⁿ-á tiòh bô hā-chhū ê, bē-moá-nī ê iūⁿ-káng-á; lín tiòh tui mī-iūⁿ-tiong, á-sī soaⁿ-iūⁿ-tiong, chhú i, lóng thang; ⁶lín tiòh lâu kàu pún-gēh

cháp-sì jít, hông-hun ê sî, Í-sek-liát choân-hoē ê chêng-lâng tiòh thái iûⁿ-á. ⁷In tiòh chhú tām-pòh huìh, boah tī chiáh iûⁿ-á hit keng chhù, siang-pêng ê mng-khiā kap mng-bâi. ⁸Hit-mî tiòh chiáh iûⁿ-á ê bah, ēng hé pek i, kap bô-kàⁿ-piáⁿ khó[·]-chhài chham-teh chiáh. ⁹M̄-thang chhiⁿ-chhiⁿ chiáh, koat-toàn m̄-thang ēng chúi chú, tiòh ēng hé pek; thâu, kha, kap ngó[·]-chōng lóng tiòh chiáh. ¹⁰Lóng m̄-thang lâu kè chá-khí, nā lâu kàu kè chá-khí tiòh ēng hé sio. ¹¹Lín tiòh án-ni chiáh i; io hā-toà, kha chhēng-oē, chhiú kiáh koáiⁿ-á, iā tiòh koáⁿ-kín chiáh; che sī Iā-hô-hoa ê poāⁿ-kè-choeh. ¹²In-ūi hit-mî Goá beh piàn-kiāⁿ Ai-kip toē, phah-sí Ai-kip toē it-chhè thâu-chiūⁿ-sîⁿ-ê, bô-lūn lāng kap cheng-siⁿ; koh beh sīm-phoàⁿ Ai-kip it-chhè ê siōng-tè; Goá chiū-sī Iā-hô-hoa. ¹³Chit ê huìh tī lín só[·] khiā-khí ê chhù, beh choè lín ê kî-hō; Goá chit-ē khoàⁿ-kîⁿ chit ê huìh, chiū tui lín poāⁿ-kè--khì; Goá phah Ai-kip toē ê sî, chai-ē bô kàu tī lín, lâi biát lín. ¹⁴Lín tiòh ēng chit-jít choè kî-liām, siú i choè Iā-hô-hoa ê choeh; lín tiòh tãi-tãi siú chit ê choeh, choè éng-oán ê lē. ¹⁵Lín tiòh chiáh bô-kàⁿ-piáⁿ chhit-jít kú; thâu-chit-jít tiòh tui lín ták keng chhù tū--khì kàⁿ; in-ūi tui thâu-chit jít kàu tē-chhit jít, hoān-nā chiáh ū kàⁿ ê, beh tui Í-sek-liát-tiong tū--khì. ¹⁶Thâu-chit jít lín tiòh ū sèng-hoē, chhit-jít iā tiòh ū sèng-hoē; chí nng-jít, tū--khì pī-pān ták-lāng só[·] tiòh chiáh ê í-goā, bô-lūn sīm-mih kang lóng m̄-thang choè. ¹⁷Lín tiòh siú bô-kàⁿ-choeh; in-ūi Goá tú-tú tī hit-jít chhoā lín ê kun-tui tui Ai-kip toē chhut-lâi; só[·]-í lín tiòh siú chit-jít, ták sè-tãi choè éng-oán ê lē. ¹⁸Tui chiaⁿ-géh chấp-sì ê-hng kàu jī-it ê-hng, lín tiòh chiáh bô-kàⁿ-piáⁿ. ¹⁹Tī lín ták keng chhù, chhit-jít-lâi m̄-thang ū kàⁿ; in-ūi

kîⁿ-nā chiáh ū kàⁿ ê mih, bô-lūn sī kiā-kha-ê, á-sī pún-toē-ê, hit-lāng tiòh tui Í-sek-liát hoē-tiong tū--khì. ²⁰Ū-kàⁿ ê mih, lín lóng m̄-thang chiáh; tī lín it-chhè khiā-khí ê só[·]-chāi, tiòh chiáh bô-kàⁿ-piáⁿ.

²¹Mô[·]-se chiū kiò Í-sek-liát chêng tiúⁿ-lô lāi, kā in kóng, Lín ták-lāng tiòh chiáu ke-kháu chhú iûⁿ-á, thái i choè poāⁿ-kè-choeh. ²²Lín tiòh thèh chit-pé ê gū-chhek-chháu, ùn phún-lāi ê huìh, ēng phún-lāi ê huìh boah mng-bâi, kap siang-pêng ê mng-khiā; lín bô-lūn sīm-mih lāng m̄-thang tui i ê chhù chhut-mng, tít-kàu bîn-á-chá-khí. ²³In-ūi Iā-hô-hoa beh piàn-kiāⁿ, phah-sí Ai-kip lāng; I khoàⁿ-kîⁿ huìh tī mng-bâi, kap siang-pêng ê mng-khiā, Iā-hô-hoa chiū beh poāⁿ-kè hit ê mng, m̄-chún biát sîⁿ-miā-ê jíp lín ê chhù, lâi phah-sí lín. ²⁴Chit ê sū, lín tiòh siú i, choè lín kap lín ê kiáⁿ-sun éng-oán ê lē. ²⁵Āu-lâi lín kàu Iā-hô-hoa chiáu I só[·] èng-ún siúⁿ-sū lín hit ê toē, chiū tiòh siú chit ê lē. ²⁶Lín ê kiáⁿ-jī nā mng lín, Ūi siáⁿ-sū kiāⁿ chit ê lē? ²⁷Lín chiū tiòh kóng, Che sī Iā-hô-hoa poāⁿ-kè-choeh ê chè; tng Í-sek-liát lāng tī Ai-kip ê sî, I phah-sí Ai-kip lāng, poāⁿ-kè Í-sek-liát lāng ê chhù, kiù lán ták-ke. Tui án-ni peh-siⁿ àⁿ-thâu kèng-pài. ²⁸Í-sek-liát lāng chiū khì án-ni kiāⁿ; Iā-hô-hoa só[·] hoan-hù Mô[·]-se A-lūn--ê, in chiáu án-ni kiāⁿ.

²⁹Kàu poāⁿ-mī Iā-hô-hoa chiong Ai-kip toē só[·] ū ê toā-kiáⁿ, chiū-sī tui chē-ūi ê Hoat-lô ê toā-kiáⁿ kàu kaⁿ-hoān ê toā-kiáⁿ, í-kip thâu-chúi-siⁿ ê cheng-siⁿ, it-chīm thái-sí. ³⁰Hoat-lô kap it-chhè ê jīm-sîn, kap Ai-kip ê chêng-lāng, mī-sī lóng khí-lâi; tī Ai-kip ū toā thī-khâu ê siaⁿ, in-ūi bô chit-ke bô sí-lāng. ³¹Hoat-lô thâu-mī tiâu Mô[·]-se A-lūn kóng, Khí--lâi, kap Í-sek-liát lāng tiòh tui goá ê peh-siⁿ tiòng-kan

chhut-khì, chiàu lín só· kóng ê, khi hók-sāi Iâ-hô-hoa; iā chiàu lín só· kóng ê, liân iūⁿ-kûn gû-kûn toà-toà khi; iā tiòh kâ goá chiok-hok. ³³Ai-kíp lāng pek peh-siⁿ; kah in kín-kín chhut in ê toē, kóng, Goán lóng sí--lah. ³⁴Peh-siⁿ chiū thêh bô-kàⁿ ê chhiⁿ-mī, chiong chhiau-mī ê khi-kū pau tī saⁿ-lāi, pē tī keng-thâu-téng. ³⁵Í-sek-liát lāng chiàu Mô-se ê oē kiâⁿ, tùi Ai-kíp thó gûn-khi kim-khi kap i-chiūⁿ. ³⁶Iâ-hô-hoa hō· peh-siⁿ tit-tiòh un-tián tī Ai-kíp lāng ê bīn-chêng, chiàu in só·-thó--ê hō· in; tùi án-ni in chhiúⁿ Ai-kíp lāng.

³⁷Í-sek-liát lāng tùi Lân-sek khi So·kat, tū gín-á í-goā, pō·-kiâⁿ ê toā-lāng iok ū lāk-cháp-bān. ³⁸Koh ū choē-choē cháp-chòk ê lāng, iā ū iūⁿ-kûn gû-kûn choē-choē cheng-siⁿ kap in chiūⁿ-khi. ³⁹In ēng Ai-kíp toà--chhut-lāi ê chhiⁿ-mī pek-choē bô-kàⁿ-piáⁿ; bô hoat-kàⁿ, sī in-ūi siū-pek chhut Ai-kíp, boē-oē iân-chhiân-tit, iā bô ūi ka-kī pī-pān sīm-mih chiáh-mih. ⁴⁰Í-sek-liát lāng chhut-goā tī Ai-kíp sì-pah saⁿ-cháp nī. ⁴¹Kàu sì-pah saⁿ-cháp nī moá, tú-tú hit-jit, Iâ-hô-hoa ê kun-tūi lóng tùi Ai-kíp toē chhut-lāi. ⁴²Chit-mī tiòh ūi Iâ-hô-hoa siú i, in-ūi I chhoā in chhut Ai-kíp toē; che sī Iâ-hô-hoa ê mī, sī Í-sek-liát chêng lāng tãi-tãi só· tiòh siú--ê.

⁴²Iâ-hô-hoa tùi Mô-se A-lūn kóng, Poāⁿ-kè-choeh ê lē sī án-ni; ⁴⁴goā-pang lāng lóng m̄-thang chiáh i; tók-tók ták-lāng ēng gûn boé ê lô·-pók, í-keng kâ i kiâⁿ kat-lé, chiū thang chiáh. ⁴⁵Kià-kha-ê kap chhiàⁿ-kang lāng lóng m̄-thang chiáh. ⁴⁶Tiòh tī chit keng chhù chiáh i, chit tè bah iā m̄-thang toà-chhut chhù-goā; i ê kut chit-ki iā m̄-thang phah-chih. ⁴⁷Í-sek-liát choân-hoē lóng tiòh siú i. ⁴⁸Nā ū goā-chòk lāng chhut-goā tī lín tiong-kan, ài siú poāⁿ-kè-choeh lâi hók-sāi Iâ-hô-hoa, i só·-ū

ê ta-po·-lāng tiòh siū kat-lé, jiân-āu i thang lâi siú, chiū kap pún-chòk ê lāng bô koh-iūⁿ; chóng-sī bô siū kat-lé ê lāng, lóng m̄-thang chiáh i. ⁴⁹Pún-chòk ê lāng kap goā-chòk ê lāng chhut-goā tī lín tiong-kan, lóng tâng-chit-iūⁿ ê lē. ⁵⁰Í-sek-liát chêng-lāng chiū án-ni kiâⁿ, chiàu Iâ-hô-hoa só· hoan-hù Mô-se A-lūn ê khi choē. ⁵¹Tng hit-jit Iâ-hô-hoa chhoā Í-sek-liát lāng, chiàu in ê kun-tūi, chhut Ai-kíp toē.

13 Iâ-hô-hoa hoan-hù Mô-se kóng, Í-sek-liát-tiong, bô-lūn lāng kap cheng-siⁿ, kīⁿ-nā thâu-chiūⁿ ê toā-kiâⁿ, lóng tiòh hun-piat choē-sèng, kui tī Goá; in-ūi pún sī Goá ê.

³Mô-se kâ peh-siⁿ kóng, Lín tiòh kì-liām chit-jit, chiū-sī lín tùi Ai-kíp toē, tùi choē lô·-châi ê ke, chhut-lâi; in-ūi Iâ-hô-hoa ēng toā koân-lêng ê chhiú chhoā lín tùi chia chhut; ū kàⁿ ê piáⁿ lóng m̄-thang chiáh. ⁴Tī A-pit gèh-kan, chit-jit sī lín chhut-lâi ê jit. ⁵Chiong-lâi Iâ-hô-hoa chhoā lín jip Ka-lâm, Hek, A-mô·lī, Hi-bī, Iâ-pò·-su, hiah ê chòk ê toē, chiū-sī tùi lí ê chók-kong chiū-choā èng-ún hō· lí, hit ê lâu lin kap bit ê toē, hit-sī lí tiòh tī chit-gèh-kan siú chit ê lē. ⁶Lí tiòh chiáh bô-kàⁿ-piáⁿ chhit-jit; kàu tē-chhit jit chiū-sī Iâ-hô-hoa ê choeh. ⁷Chí chhit-jit kú tiòh chiáh bô-kàⁿ-piáⁿ; tī lí ê sì-kéng lâi, m̄-thang khoàⁿ-kīⁿ lí ū hē-kàⁿ ê piáⁿ, iā m̄-thang khoàⁿ-kīⁿ lí ū kàⁿ-bú. ⁸Tng hit-jit, lí tiòh kâ lí ê kiáⁿ kóng, Che sī in-ūi Iâ-hô-hoa, tī goá chhut Ai-kíp ê sí, só· kâ goá kiâⁿ ê sū. ⁹Che beh kâ lí choē kì-hō tī lí ê chhiú, choē kì-liām tī lí ê thâu-hiáh; hō· Iâ-hô-hoa ê lút-hoat siông-siông tī lí ê chhùi; in-ūi Iâ-hô-hoa bat ēng toā koân-lêng ê chhiú chhoā lí chhut Ai-kíp; ¹⁰só·-í ták-nī kàu-kī lí tiòh siú chit ê lē.

¹¹Chiong-lâi Iâ-hô-hoa beh chiàu I tùi lí kap

lí ê chók-kong chiù-choā ê, chhoā lí jíp Ka-lâm lāng ê toē, chiong chit ê toē siúⁿ-sù lí; ¹²hit-si lí tióh chiong it-chhè thâu-thai ê ta-po·kiáⁿ kap só· ũ thâu-chúi kang ê cheng-siⁿ, kui hō· Iâ-hô-hoa; chiah-ê lóng siók Iâ-hô-hoa. ¹³Kìⁿ-nā thâu-chúi-siⁿ ê lū, tióh ēng iūⁿ-á thoè-siók; nā bô beh thoè-siók, chiū tióh kòng-chhi i ê ām-kún; kìⁿ-nā lí thâu-chiūⁿ ê ta-po·kiáⁿ lóng tióh thoè-siók. ¹⁴Jit-āu lí ê kiáⁿ mng lí kóng, Che sī sím-mih iân-kò·? lí tióh tui i kóng, Iâ-hô-hoa ēng toā koân-lêng ê chhiú, chhoā goán tui Ai-kíp, tui choè lô·châi ê ke, chhut-lâi. ¹⁵Hit-si Hoat-ló kò·chip m̄-chún goán khi, Iâ-hô-hoa chiū chiong Ai-kíp toē só·ũ thâu-thai-ê, bô-lūn sī lāng ê toā-kiáⁿ, á-si cheng-siⁿ ê thâu-chúi-ê, lóng hāi-sí; in-ūi án-ni, goá chiong thâu-chúi ê kang-ê hiàn hō· Iâ-hô-hoa choè-chè; tók-tók goá ê toā-kiáⁿ lóng ēng thoè-siók. ¹⁶Che beh choè kì-hō tī lí ê chhiú, choè kì-liām hā tī lí ê thâu-hiáh; in-ūi Iâ-hô-hoa ēng toā koân-lêng ê chhiú, chhoā goán tui Ai-kíp chhut-lâi.

¹⁷Hoat-ló chún peh-siⁿ khi ê si, Hui-lī-sū toē ê lô· sui-jiân khah-kūn, chóng-si Siōng-tè bô chhoā in tui hia khi; in-ūi Siōng-tè kóng, Kiaⁿ-liáu peh-siⁿ tú-tiòh kau-chiàn, chiū thè-hoé, tò-tng-khi Ai-kíp. ¹⁸Só·í Siōng-tè chhoā peh-siⁿ oan tui Âng-hái không-iá hit-tiâu lô· khi; Í-sek-liát lāng lóng pài tui-ngó·, tui Ai-kíp toē chhut-khi. ¹⁹Mô·se toà Iok-sek ê kut-thâu kap i khi; in-ūi Iok-sek bat chhiat-chhiat kah Í-sek-liát lāng chiù-choā, tui in kóng, Siōng-tè tek-khak koân-kò· lín, lín tióh toà goá ê kut-thâu tui chia saⁿ-kap khi. ²⁰In tui So·kat khí-sin, chat-iáⁿ tī kūn không-iá ê Í-thóng. ²¹Iâ-hô-hoa kiáⁿ tī in ê thâu-chêng, jít--sī tī hūn-thiâu-tiong chhoā in ê lô·, mī--sī tī hé-thiâu-tiong kng-chiò in; hō· in jít-mī

lóng thang kiáⁿ. ²²Jít--sī ê hūn-thiâu, mī--sī ê hé-thiâu, lóng bô lī-khui peh-siⁿ ê thâu-chêng.

14 Iâ-hô-hoa kā Mô·se kóng, Lí hoan-hù Í-sek-liát lāng oát-tò-tng, chat-iáⁿ tī Pí-hap-hi-liók ê thâu-chêng, tī Bít-toát kap hái ê tiong-kan, tī Pa-lék-sé-hun ê thâu-chêng, tī hit tui-bīn chat-iáⁿ tī hái-piⁿ. ³Hoat-ló beh gī-lūn Í-sek-liát lāng kóng, In tī toē-tiong sèh bô lô·, không-iá kā in ūi-khùn teh. ⁴Goá beh hō· Hoat-ló ê sim ngī, i beh tui-jip in; Goá chiū tī Hoat-ló kap i ê choân-kun lái tit-tiòh ēng-kng; Ai-kíp lāng chiū chai Goá sī Iâ-hô-hoa. In chiū án-ni kiáⁿ. ⁵Ū lāng pò Ai-kíp ông kóng, Hit ê peh-siⁿ cháu-khi; Hoat-ló kap i ê jīn-sin tui-thāi hit ê peh-siⁿ ê sim chiū piàn-oāⁿ, kóng, Lán chún Í-sek-liát lāng khi, bô koh hók-sāi lán, che sī sím-mih iân-kò· ah? ⁶Hoat-ló chiū pī-pān i ê chhia, toà i ê peh-siⁿ saⁿ-kap khi. ⁷Iā toà lāk-pah tiuⁿ tèk-piát chhia, kap Ai-kíp só· ũ ê chhia, ták tiuⁿ chhia lóng ũ peng-thâu teh koán. ⁸Iâ-hô-hoa hō· Ai-kíp ông Hoat-ló ê sim ngī; i chiū tui-jip Í-sek-liát lāng; nā-sī Í-sek-liát lāng khò toā koân-lêng ê chhiú chhut-khi. ⁹Ai-kíp lāng tui-jip in, Hoat-ló it-chhè ê bé, chhia, kap i ê bé-peng, kap i ê kun-tui, chiū tī hái-piⁿ oá-kūn Pí-hap-hi-liók, tī Pa-lék-sé-hun ê tui-bīn, tī in an-iáⁿ ê só·-chāi, jip-tiòh in. ¹⁰Hoat-ló kūn-oá ê si, Í-sek-liát lāng kiáh-bák khoāⁿ-kìⁿ Ai-kíp lāng jip-oá--lâi, chiū chin kiaⁿ, âu-kiò Iâ-hô-hoa. ¹¹In tui Mô·se kóng, Kiám sī Ai-kíp bô thióng-toē, lí chiah chhoā goán chhut-lâi sí tī không-iá mah? lí siáⁿ-sū án-ni khoán-thāi goán, chhoā goán chhut Ai-kíp ah? ¹²Goán tī Ai-kíp kiám bô tui lí án-ni kóng, Bôh-tit chhap goán, chhut-chāi goán hók-sāi Ai-kíp lāng mah? In-ūi hók-sāi Ai-kíp lāng, khah-tit sí tī không-iá. ¹³Mô·se tui peh-siⁿ kóng, M-

bián kiaⁿ, choè lín khiā-teh, khoàⁿ Iâ-hô-hoa kin-á-jít ũi-tiòh lín só· beh kiāⁿ ê chín-kiù; in-ũi lín kin-á-jít só· khoàⁿ-kìⁿ ê Ai-kíp lêng, tek-khak éng-oán bô koh khoàⁿ-kìⁿ. ¹⁴Iâ-hô-hoa beh ũi lín kau-chiàn, choè lín tiām-tiām, bôh choè-siaⁿ.

¹⁵Iâ-hô-hoa tui Mô·-se kóng, Lí siáⁿ-sū âu-kiò Goá ah? lí tiòh kah Í-sek-liát lêng chìn-chêng khi. ¹⁶Lí kiáh koáiⁿ-á chhun-chhiú kí hái, lăi pun-khui i; Í-sek-liát lêng beh tī hái-tiong kiāⁿ ta-toē; tók-tók Goá, Goá beh hō· Ai-kíp lêng ê sim ngī, in beh tè--lôh-khi; Goá beh tī Hoat-ló kap i ê choân-kun, i ê chhia, i ê bé-peng, lăi tit-tiòh êng-kng. ¹⁸Goá tī Hoat-ló kap i ê chhia, i ê bé-peng, tit-tiòh êng-kng ê sī, Ai-kíp lêng chiū chai Goá sī Iâ-hô-hoa. ¹⁹Siong-tè ê sù-chiá, pún kiāⁿ tī Í-sek-liát ê iân-chêng--ê, soá lăi kiāⁿ tī in ê âu-bīn; hūn-thiâu iā tui in ê thâu-chêng, soá lăi khiā tī in ê âu-bīn, ²⁰tī Ai-kíp iân kap Í-sek-liát iân ê tiong-kan; hit-pêng ũ hūn ũ o-àm, chit-pêng mī-sī hoat-chhut kng; thong-mī nng pêng boē saⁿ-kūn. ²¹Mô·-se chiū chhun-chhiú kí hái, Iâ-hô-hoa thong-mī hō· tang-hong toā khí, hō· hái thè--khi, chui chiū pun-khui, hái chiū chiāⁿ-choè ta-toē. ²²Í-sek-liát lêng lôh hái-tiong kiāⁿ ta-toē, chui tī in ê siang-pêng chiāⁿ-choè chhiūⁿ-piah. ²³Ai-kíp lêng tui-jip-in; Hoat-ló it-chhè ê bé, chhia, kap bé-peng, lóng tè in kàu hái-tiong. ²⁴Kàu thiⁿ beh kng ê sī, Iâ-hô-hoa tui hūn kap hé ê thiâu-tiong àⁿ-lôh, khoàⁿ Ai-kíp ê kun-tui, phah-loān in ê tui-ngó; ²⁵koh hō· in ê chhia-lūn lak-lôh, oh-tit kiāⁿ; tì-kàu Ai-kíp lêng kóng, Lán tiòh tui Í-sek-liát lêng ê bīn-chêng tô-cháu, in-ũi Iâ-hô-hoa ũi-tiòh in kap Ai-kíp lêng kau-chiàn.

²⁶Iâ-hô-hoa ká Mô·-se kóng, Lí chhun-chhiú kí hái, hō· chui tò-túg--lăi im Ai-kíp lêng, kap

in ê chhia, in ê bé-peng. ²⁷Mô·-se chiū chhun-chhiú kí hái; kàu thiⁿ chit-ē kng, hái-chui koh chiâu-kū; Ai-kíp lêng tô-cháu, chui cháh tī in ê thâu-chêng; Iâ-hô-hoa chiū chiong Ai-kíp lêng chhia-tó tī hái-tiong. ²⁸Chui chiū hoan-lâu, im-bát hiah ê chhia kap bé-peng; Hoat-ló ê choân-kun tè Í-sek-liát lêng lôh hái--ê, liân chit-ê iā bô lâu-teh. ²⁹Chóng-sī Í-sek-liát lêng tī hái-tiong kiāⁿ ta-toē, chui tī in ê siang-pêng chiāⁿ-choè in ê chhiūⁿ-piah. ³⁰Hit-jít Iâ-hô-hoa án-ni kiù Í-sek-liát lêng thoat-lī Ai-kíp lêng ê chhiú; Í-sek-liát lêng khoàⁿ-kìⁿ Ai-kíp lêng ê sin-si tī hái-piⁿ. ³¹Í-sek-liát lêng khoàⁿ-kìⁿ Iâ-hô-hoa tui Ai-kíp lêng só· kiāⁿ ê toā-sū, chiū keng-ũi Iâ-hô-hoa; koh sìn-hók Iâ-hô-hoa kap I ê lô·pòk Mô·-se.

15 Hit-sī Mô·-se kap Í-sek-liát lêng chhiūⁿ chit ê koa ó-ló Iâ-hô-hoa, kóng;

Goá beh chhiūⁿ-koa o-ló Iâ-hô-hoa, in-ũi I chhi-koāiⁿ chhi-toā;

Chiong bé kap khiā-bé--ê hiat tī hái-tiong.

²Iâ-hô-hoa sī goá ê khui-lát, sī goá ê si-ko, Iā sī choè goá chín-kiù ê Chú;

I sī goá ê Siōng-tè, goá beh o-ló--I,

Sī goá ê pē ê Siōng-tè, goá beh chun I choè-toā.

³Iâ-hô-hoa sī chiàn-sū;

I ê miā sī Iâ-hô-hoa.

⁴Hoat-ló ê chhia, kap i ê kun-peng, Iâ-hô-hoa hiat i tī hái-tiong;

I ték-piát keng ê kun-tiúⁿ, lóng tīm tī Âng-hái.

⁵Chhim-ian khàm--in;

In chhin-chhiūⁿ chiòh-thâu, tui kàu chhim ê só·-chăi.

⁶Iâ-hô-hoa ah, Lí ê chiāⁿ-chhiú tián-chhut lêng-lék, tit-tiòh êng-kng;

Iâ-hô-hoa ah, Lí ê chiàⁿ-chhiú phah-chhùi tùi-ték.

⁷Lí hoat-chhut toā ui-giâm, chhia-tó hiah-ê khí-lâi kong-kek Lí-ê;

Lí hoat-chhut toā siū-khì, sio-húi in chhin-chhiūⁿ sio-chháu.

⁸Lí hoat-chhut phīⁿ-tióng ê khì, chúi chiū ná-chhèng ná-koàiⁿ,

Toā-chúi khiā--khí-lâi chhin-chhiūⁿ kui-tui; Hái-tióng ê chhim-chúi kian-tēng.

⁹Tùi-ték kóng,

Goá beh tui in, goá beh jip-tiòh in, goá beh pun só· chhiúⁿ ê mih;

Goá beh tī in lâi chiok goá ê sim-goān;

Goá beh puih-to, goá ê chhiú beh biát in.

¹⁰Lí chít-ē pūn-hong, hái chiū khâm-bát--in;

In chhin-chhiūⁿ iân, tīm tī toā-chúi-tióng.

¹¹Iâ-hô-hoa ah, chiaⁿ ê siōng-tè ê tióng-kan, chī-chui oē chhin-chhiūⁿ Lí?

Chī-chui chhin-chhiūⁿ Lí, chì-sèng thang êng-kng,

Ui-giâm thang o-ló, kiāⁿ-chhut kī-sū?

¹²Lí chhun-chhut chiāⁿ-chhiú,

Toē chiū thun-biát--in.

¹³Lí ēng Lí ê chū-ài, chhoā Lí só· kiù-siok ê peh-sìⁿ;

Lí ēng Lí ê koân-lêng, chhoā in jip Lí sèng ê só·-chāi.

¹⁴Liát-pang thiaⁿ-kìⁿ chiū ngiáuh-ngiáuh-chhoah;

Khiā-khí tī Hui-lī-sū toē ê, tú-tiòh thông-khó.

¹⁵Hit-sí Í-tong ê chók-tiúⁿ gông-ngiáuh;

Mô·ap eng-hiông ê lāng tì-kàu ngiáuh-ngiáuh-chhoah,

Ka-lâm toē khiā-khí ê peh-sìⁿ, sim lóng siau-iūⁿ.

¹⁶Gông-ngiáuh kiaⁿ-hiāⁿ kàu tī in;

Iâ-hô-hoa ah, in-ūi Lí ê chhiú ê toā koân-lêng, in tiāⁿ-tiāⁿ chhin-chhiūⁿ chiòh-thâu,

Thèng-hāu Lí ê peh-sìⁿ keng-kè,

Thèng-hāu Lí só· tit-tiòh ê peh-sìⁿ kè--khì.

¹⁷Lí beh chhoā in jip--khì, chai-poē in tī Lí ê sán-giap ê soaⁿ,

Iâ-hô-hoa ah, chiū-sī Lí ūi ka-kī só· pī-pān khiā-khí ê só·-chāi,

Chú ah, chiū-sī Lí ê chhiú só· kiàn-lip ê sèng-só·.

¹⁸Iâ-hô-hoa beh choè-ông, tit-kàu éng-oán.

¹⁹In-ūi Hoat-ló ê bé, kap i ê chhia, i ê bé-peng, kàu tī hái-tióng, Iâ-hô-hoa hō· hái-chúi hoan-lâu im-bát--in; tók-tók Í-sek-liát lāng tī hái-tióng kiāⁿ ta-toē. ²⁰A-lūn ê toā-chí lú sian-ti Bí-lī-àm, chhiū--nih kiáh lin-long-kó·, cheng hū-lú iā tè i chhut-khì, kiáh lin-long-kó· thiàu-bú. ²¹Bí-lī-àm hō só·-chhiūⁿ-ê kóng,

Lín tiòh chhiūⁿ-koa o-ló Iâ-hô-hoa, in-ūi I chì-koàiⁿ chì-toā;

Chiong bé kap khiā-bé--ê, hiat tī hái-tióng.

²²Mô·-se chhoā Í-sek-liát lāng tui Áng-hái chìn-cheng kiāⁿ; in chhut-khì, kàu Su-jíⁿ ê khòng-iá; tī khòng-iá kiāⁿ saⁿ-jít, chhē bô chúi. ²³Kàu Má-láh ê sī, Má-láh ê chúi boē lim--tit, in-ūi chúi khó; só·-í miā hit ê toē kiò Má-láh. ²⁴Peh-sìⁿ chiū tui Mô·-se ai-oàn kóng, goán beh lim sím-mih ah? ²⁵Mô·-se kiù-kiò Iâ-hô-hoa; Iâ-hô-hoa chí-sī i chít châng chhiū, i chiū hiat i tī chúi--nih, chúi chiū piàn-kam. I tī-hia, ūi in tēng lút-lē hoat-tō·, tī-hia chhi-giām in. ²⁶Koh kóng, Lí nā tì-ì thiaⁿ Iâ-hô-hoa lí ê Siōng-tè ê siaⁿ, koh kiāⁿ I só· khoàⁿ choè háp-gī ê sū, liū-sim thiaⁿ I ê kài-bēng, siú I it-chhè ê lút-lē, chiū Goá hō· Ai-kíp lāng só· tú-tiòh ê phoà-pīⁿ, tek-khak bô hō· lí tú-tiòh; in-ūi Goá Iâ-hô-hoa sī i-tī lí-ê.

²⁷In kàu Í-lím, tī-hia ū chấp-jī ê chúí-choân, chhit-cháp châng ê chó-chhiū; in chiū tī-hia ê chúí-piⁿ chat-iâⁿ.

16 In tùi Í-lím khí-sin, tī chhut Ai-kip toē í-āu, tē-jī gèh chấp-gō· jít, Í-sek-liát lāng choân-hoē kàu Í-lím kap Se-nái ê tiong-kan, Sìn ê không-ia. ²Í-sek-liát lāng choân-hoē tī không-ia ai-oàn Mô·se A-lún. ³Í-sek-liát lāng tùi in kóng, M̄-tát-tiòh goán tī Ai-kip toē sí tī Iâ-hô-hoa ê chhiú. Hit-sī goán ū bah moá-tiáⁿ, ū piáⁿ thang chiáh kàu-pá; lín chhoā goán chhut--lâi kàu chit ê không-ia, sī beh hō· chit ê choân-hoē lóng gō-sí. ⁴Iâ-hô-hoa tùi Mô·se kóng, Khoàⁿ ah, Goá beh tùi thiⁿ lóh bí-niū hō· lín; peh-siⁿ tiòh chhut-khì, ták-jít khioh ták-jít ê giáh; Goá thang chhi-giām in, khoàⁿ in beh thàn Goá ê hoat-tō· á m̄. ⁵Kàu tē-lák jít, in tiòh chiong só· khioh jlp--lâi ê, pī-pan hó-sè, pí ták-jít só·khioh-ê tēng-pē choē. ⁶Mô·se A-lún tùi Í-sek-liát cheng-lāng kóng, Kàu ê-hng lín beh chai, chhoā lín chhut Ai-kip toē ê sī Iâ-hô-hoa. ⁷Bîn-á-chá-khí lín beh khoàⁿ-kìⁿ Iâ-hô-hoa ê eng-kng; in-ūi Iâ-hô-hoa thiaⁿ-kìⁿ lín ai-oàn I; goán sng sim-mih, lín keng-jian ai-oàn goán? ⁸Mô·se koh kóng, Iâ-hô-hoa ê-hng-sī beh hō· lín chiáh-bah, chá-khí-sī beh hō· lín chiáh-piáⁿ kàu pá; in-ūi lín ai-oàn Iâ-hô-hoa, I lóng thiaⁿ-kìⁿ; goán sng sim-mih? lín m̄-sī ai-oàn goán, sī ai-oàn Iâ-hô-hoa. ⁹Mô·se tùi A-lún kóng, Lí tiòh ká Í-sek-liát lāng choân-hoē kóng, Lín tiòh chiū-kūn Iâ-hô-hoa ê bīn-cheng; in-ūi I í-keng thiaⁿ-kìⁿ lín ê ai-oàn lah. ¹⁰A-lún tú-tú tùi Í-sek-liát lāng choân-hoē kóng-oē ê sī, in òh không-ia teh khoàⁿ, khoàⁿ ah, Iâ-hô-hoa ê eng-kng tī hūn-tiong hián-hián. ¹¹Iâ-hô-hoa tùi Mô·se kóng, ¹²Goá í-keng thiaⁿ-kìⁿ Í-sek-liát lāng ê ai-oàn; lí tiòh ká in kóng,

Kàu hông-hun ê sī, lín beh chiáh-bah, chá-khí beh ū piáⁿ thang chiáh-pá; lín chiū-chai Goá sī Iâ-hô-hoa lín ê Siōng-tè. ¹³Kàu ê-hng ū ian-chhun pe--lâi, jia-khàm iâⁿ-poâⁿ; thiⁿ-kng-chá tī iâⁿ-poâⁿ sī-ūi ê toē-bīn, ū chit-tēng ê lō·chúí. ¹⁴Lō·chúí ta ê sī, khoàⁿ ah, không-ia ê toē-bīn ū soē-soē iⁿ-iⁿ ê mih; soē kàu chhin-chhiūⁿ sng. ¹⁵Í-sek-liát lāng khoàⁿ-kìⁿ, m̄-chai sī sim-mih, tãi-ke saⁿ-kap kóng, Che sī sim-mih ah? Mô·se ká in kóng, Che chiū-sī Iâ-hô-hoa hō· lín chiáh ê piáⁿ. ¹⁶Iâ-hô-hoa só· hoan-hù--ê sī án-ni; lín tiòh chiàu ták-lāng só· oē chiáh ê liōng lâi khioh, ták-lāng ūi i pò·pīⁿ-lâi ê lāng, chiàu i ê lāng-giáh lâi khioh, chit-lāng chit gô-mui-jíⁿ. ¹⁷Í-sek-liát lāng chiàu án-ni kiáⁿ, ū-ê khioh choē, ū-ê khioh chió. ¹⁸Kàu eng gô-mui-jíⁿ niū i, khioh choē--ê bô chhun, khioh chió--ê iā bô khiām; ták-lāng chiàu in oē chiáh ê liōng lâi khioh i. ¹⁹Mô·se ká in kóng, Lāng m̄-thang chiong só· chhun--ê lâu kàu kè chá-khí. ²⁰Chóng-sī in bô thiaⁿ Mô·se ê oē, ū lāng lâu kàu kè chá-khí, chiū siⁿ-thang chhàu-bī; Mô·se siū-khì in. ²¹In ták chá-khí, chiàu ták-lāng oē chiáh ê liōng khioh i; jít-thâu chit-ē phák, chiū iūⁿ--khì. ²²Kàu tē-lák jít, in khioh tēng-pē ê giáh, ták-lāng nng gô-mui-jíⁿ; choân-hoē hiah ê thâu-lāng lâi ká Mô·se kóng. ²³Mô·se ká in kóng, Iâ-hô-hoa án-ni kóng, bîn-á-jít sī tiōng-iàu ê an-hioh, chiū-sī hók-sāi Iâ-hô-hoa sèng ê an-hioh-jít; lín ài pek--ê chiū pek i, ài chú--ê chiū chú i; só·chhun--ê, tiòh ka-kī siu--teh, lâu kàu kè chá-khí. ²⁴In chiū chiàu Mô·se só· hoan-hù siu-teh lâu kàu kè chá-khí, iā bô chhàu-bī, lâi-bīn iā bô thāng. ²⁵Mô·se kóng, Lín kin-á-jít chiáh chit-ê, in-ūi kin-á-jít sī hók-sāi Iâ-hô-hoa ê an-hioh-jít; lín tī chhân-ia, kin-á-jít tek-khak chhē-bô. ²⁶Lák-jít-kan

thang khioh, tē-chhit jít sī an-hioh-jít, hit-jít chiū bô. ²⁷Tē-chhit-jít peh-siⁿ-tiòng ū lāng chhut-khì khioh, iā chhē-bô. ²⁸Iâ-hô-hoa tùi Mô-se kóng, Lín m̄-khéng siú Goá ê bēng-lēng, Goá ê lút-hoat, beh kàu tī-sī ah? ²⁹Lín tiòh khoàⁿ, Iâ-hô-hoa í-keng chiong an-hioh-jít siúⁿ-sù lín, só-í tē-lák jít I hō lín nng-jít ê bí-niū, tē-chhit jít ták-lāng tiòh tiàm ka-kī ê só-chāi, lóng m̄-thang chhut-khì. ³⁰Tùi án-ni peh-siⁿ chiū tī tē-chhit jít an-hioh.

³¹Chit ê mih, Í-sek-liát-ke kiò i choè má-ná; khoán-sit chhin-chhiūⁿ oân-sui-jîn, sek-tì sī pēh--ê, chu-bī chhin-chhiūⁿ chham-bit ê piáⁿ. ³²Mô-se kóng, Iâ-hô-hoa án-ni hoan-hù, tiòh chiong chít gô-mũi-jítⁿ tīⁿ-tīⁿ ê má-ná, lâu kàu lín ê âu-tāi, hō in khoàⁿ Goá tng-jít chhoā lín chhut Ai-kíp-toē, tī không-iá só hō lín chiáh ê piáⁿ. ³³Mô-se ká A-lún kóng, Lí thèh chít ê khi-kū, toé chít gô-mũi-jítⁿ tīⁿ-tīⁿ ê má-ná, khng tī Iâ-hô-hoa ê bīn-chēng, lâu kàu lín ê âu-tāi. ³⁴A-lún chiàu Iâ-hô-hoa só hoan-hù Mô-se--ê, chiong má-ná hē tī kan-chēng ê iok-kūi chēng lâu-teh. ³⁵Í-sek-liát lāng chiáh má-ná kiōng sì-cháp nī kú, tít-kàu in kàu tī ū lāng khiā-khí ê toē. In chiáh má-ná, tít-kàu in kàu Ka-lâm ê keng-kài. ³⁶Chít gô-mũi-jítⁿ chiū-sī i-hoat ê cháp-hūn-chít.

17 Í-sek-liát lāng choân-hoē thàn Iâ-hô-hoa ê bēng-lēng, chiàu lō-chām, tùi Sìn ê không-iá, chìn-chēng kiáⁿ, tī Lī-hui-tèng chat-iáⁿ, peh-siⁿ bô chúit thang lim. ²Peh-siⁿ chiū kap Mô-se kè-kàu kóng, Hō goán ū chúit thang lim. Mô-se ká in kóng, Lín siáⁿ-sū kap goá kè-kàu, siáⁿ-sū chhi Iâ-hô-hoa ah? ³Peh-siⁿ tī-hia chin chhui-ta, ài lim chúit; chiū ai-oân Mô-se kóng, Lí siáⁿ-sū chhoā goán tùi Ai-kíp chiūⁿ--lái, hō goán kap goán ê kiáⁿ-jī, goán ê cheng-siⁿ, lóng chhui-ta sí ah? ⁴Mô-

se chiū kiū-kiò Iâ-hô-hoa kóng, Goá tùi chit ê peh-siⁿ beh cháiⁿ-iūⁿ choè ah? in chha-put-to beh ēng chiòh-thâu tìm goá. ⁵Iâ-hô-hoa ká Mô-se kóng, Lí choè peh-siⁿ ê thau-chēng kiáⁿ, chhoā Í-sek-liát ê tiúⁿ-lô kúi-nā lāng kap lí khi, lí ê chhiú tiòh kiáh chēng-jít phah hô-chúi ê koáiⁿ-á. ⁶Khoàⁿ ah, Goá beh khiā tī lí ê bīn-chēng, tī Hô-liát ê chiòh-poāⁿ-tég; lí phah hit ê chiòh-poāⁿ, beh ū chúit tùi hia lâu-chhut hō peh-siⁿ lim. Mô-se chiū tī Í-sek-liát tiúⁿ-lô ê bīn-chēng án-ni kiáⁿ. ⁷I miā hit ê só-chāi kiò Má-sat, koh kiò-choè Bí-lī-pa; in-ti Í-sek-liát lāng kè-kàu, koh in-ti in chhi Iâ-hô-hoa, kóng, Iâ-hô-hoa tī goán tiòng-kan á-bô?

⁸Hit-sī A-má-lék lāng lái kàu Lī-hui-tèng, kap Í-sek-liát lāng kau-chiàn. Mô-se ká Iok-su-a kóng, Lí thoè lán keng lāng chhut-khì kap A-má-lék lāng kau-chiàn; bīn-á-jít goá chhiú--nih beh kiáh Siōng-tè ê koáiⁿ-á, khiā tī soaⁿ-tég. ¹⁰Tùi hit-tiáp Iok-su-a chiàu Mô-se só ká i kóng--ê kiáⁿ; kap A-má-lék lāng kau-chiàn; Mô-se A-lún kap Hō-jítⁿ lóng chiūⁿ soaⁿ-tég. ¹¹Mô-se chhiú kiáh-khí ê sí, Í-sek-liát lāng chiū khah-iáⁿ; chhiú sùi-lòh-khí ê sí, A-má-lék lāng chiū khah-iáⁿ. ¹²Chóng-sī Mô-se chhiú sng; in chiū soá chiòh, lái hē tī i ê ē-bīn; i chē tī chiòh-tég, A-lún kap Hō-jítⁿ hū i ê chhiú, chít-ê tī chít-pēng, chít-ê tī hit-pēng; i ê chhiú chiū chū-chāi, tít-tít kàu jít-lòh. ¹³Iok-su-a ēng to thài A-má-lék ông kap i ê peh-siⁿ. ¹⁴Iâ-hô-hoa ká Mô-se kóng, Goá beh chiong A-má-lék ê miā-jī tùi thiⁿ-ē oân-choân chhat-biát i; lí tiòh ēng chít-ê siá tī chheh--nih choè kì-liām, koh kóng hō Iok-su-a thiaⁿ. ¹⁵Mô-se khí chít chō toāⁿ, hō i ê miā kiò Iâ-hô-hoa-ni-se; ¹⁶koh kóng, Iâ-hô-hoa í-keng chiū-choā, Iâ-hô-hoa beh tãi-tãi

kap A-má-lèk lāng kau-chiàn.

18 Mô·se ê tiūⁿ-lāng, Bí-tiān ê chè-si Iáp-thek-lô, thiaⁿ-kìⁿ Siōng-tè ūi Mô·se kap I ê peh-siⁿ Í-sek-liát só·kiāⁿ it-chhè ê sū, chiū-sī Iā-hô-hoa chhoā Í-sek-liát chhut Ai-kíp ê sū. ²Mô·se ê tiūⁿ-lāng Iáp-thek-lô toà Mô·se ê hū-jîn-lāng Se-pho-láh lāi, chiū-sī Mô·se chêng chhe i tò--khì ê; ³koh toà i n̄ng ê kiáⁿ, chit-ê miā-kiò Kek-sūn; in-ūi Mô·se kóng, Goá kià-kha tī goā-pang; ⁴chit-ê miā kiò Í-lī-í-siā; in-ūi i kóng, Goá ê pē ê Siōng-tè pang-chān goá, kiù goá thoat-lī Hoat-ló ê to. ⁵Mô·se ê tiūⁿ-lāng, Iáp-thek-lô, toà Mô·se n̄ng ê kiáⁿ kap i ê hū-jîn-lāng, lāi kàu Siōng-tè ê soaⁿ, chiū-sī Mô·se tī khòng-iá chat-iāⁿ ê só·chāi; ⁶kā Mô·se kóng, Goá sī lí ê tiūⁿ-lāng Iáp-thek-lô, toà lí ê hū-jîn-lāng kap i n̄ng ê kiáⁿ, lāi lí chia. ⁷Mô·se chhut-khì ngiā-chih i ê tiūⁿ-lāng, tùi i kiok-kiong, kap i chim-chhui, saⁿ-kap m̄ng pēng-an; chiū jíp pò·pīⁿ. ⁸Mô·se chiong Iā-hô-hoa ūi Í-sek-liát ê iān-kò tùi Hoat-ló kap Ai-kíp lāng só·kiāⁿ it-chhè ê sū, í-kíp lō--nih só· tú-tiòh it-chhè ê ūi-lān, kap Iā-hô-hoa chái-iūⁿ chín-kiù in, lóng pāi-liát hō· i ê tiūⁿ-lāng thiaⁿ. ⁹Iáp-thek-lô in-ūi Iā-hô-hoa khoán-thāi Í-sek-liát lāng it-chhè ê hó-sū, kiù in thoat-lī Ai-kíp lāng ê chhiú, chiū chin hoaⁿ-hí. ¹⁰Iáp-thek-lô kóng, Iā-hô-hoa sī eng-kai o-ló--ê, I kiù lín thoat-lī Ai-kíp lāng ê chhiú, iā thoat-lī Hoat-ló ê chhiú, kiù chit ê peh-siⁿ chhut Ai-kíp lāng ê chhiú-ê. ¹¹Taⁿ goá chai Iā-hô-hoa pí chiaⁿ ê siōng-tè khah-toā, chiū-sī tùi in hiah ê Ai-kíp lāng kiau-ngō· khoán-thāi chit ê peh-siⁿ ê sū. ¹²Mô·se ê tiūⁿ-lāng, Iáp-thek-lô, chiong sio-chè kap pát-hō ê chè, hiàn hō· Siōng-tè; A-lūn kap Í-sek-liát ê tiúⁿ-ló lóng lāi, kap Mô·se ê tiūⁿ-lāng saⁿ-kap chiaⁿ tī Siōng-tè ê bīn-chêng.

¹³Keh-jit Mô·se chē-teh sím-phoàⁿ peh-siⁿ; peh-siⁿ tùi chá-khí kàu ê-hng, lóng khiā-oá tī Mô·se ê sin-piⁿ. ¹⁴Mô·se ê tiūⁿ-lāng khoàⁿ-kìⁿ i tùi peh-siⁿ só· choè it-chhè ê sū, chiū kóng, Lí tùi peh-siⁿ choè-ê sī sím-mih sū ah? lí siáⁿ-sū ka-kī chē-teh, chêng peh-siⁿ tùi chá-khí kàu ê-hng lóng khiā tī lí ê sin-piⁿ ah? ¹⁵Mô·se in i ê tiūⁿ-lāng kóng, Che sī in-ūi peh-siⁿ kàu goá chia, lāi m̄ng Siōng-tè. ¹⁶In ū tāi-chì ê sí, chiū lāi goá chia, goá chiū tī in siang-pēng ê tiong-kan kā in phoàⁿ-toàn, hō· in chai Siōng-tè ê lút-lē kap hoat-tō·. ¹⁷Mô·se ê tiūⁿ-lāng tùi i kóng, Lí án-ni choè m̄-hó. ¹⁸Lí kap lí chiaⁿ ê peh-siⁿ oē chin súg-sin; in-ūi chit ê sū hō· lí siuⁿ tâng, lí ka-kī chit-lāng choè-boē-lāi. ¹⁹Taⁿ lí tiòh thiaⁿ goá ê oē, goá thoè lí phah-sng, goān Siōng-tè kap lí tī-teh; lí tiòh thoè peh-siⁿ kàu Siōng-tè bīn-chêng, chiong àn-kiāⁿ chhéng-m̄ng Siōng-tè; ²⁰koh tiòh chiong lút-lē kap hoat-tō· kà-sī in, chí-sī in só· tiòh kiāⁿ ê lō·, só· tiòh choè ê sū. ²¹Iā tiòh tùi peh-siⁿ ê tiong-kan, keng ū chài-leng ê lāng, chiū-sī keng-ūi Siōng-tè, sêng-sit bô lām-sám, oàn-hūn put-gī ê chíⁿ, hit-hō lāng, siat-líp in choè peh-siⁿ ê sī-toā, ū-ê koán chit chheng lāng, ū-ê koán chit-pah lāng, ū-ê koán gō·cháp lāng, ū-ê koán chap-lāng; ²²hō· in chiàu-sī sím-phoàⁿ peh-siⁿ; toā-sū tiòh hō· in kàu lí chia, sió-sū in thang ka-kī sím-phoàⁿ; án-ni lí chiū khah kiám-khin, in iā thang kap lí saⁿ-kap tam-tng. ²³Lí nā án-ni kiāⁿ, Siōng-tè iā án-ni hoan-hù lí, lí chiū chih-chài oē-tiāu, chiaⁿ ê peh-siⁿ iā thang an-jiàn kàu i ê só·chāi. ²⁴Tùi án-ni Mô·se thiaⁿ-thàn i ê tiūⁿ-lāng ê oē, lóng chiàu i só· kóng--ê khi kiāⁿ. ²⁵Mô·se tùi Í-sek-liát lāng tiong-kan keng ū chài-leng ê lāng, siat-líp in choè peh-siⁿ ê sī-toā, ū-ê koán chit-chheng lāng, ū-ê

koán chít-pah lāng, ū-ê koán gō·cháp lāng, ū-ê koán chap-lāng; ²⁶in chiàu-sí sím-phoànⁿ peh-siⁿ, ū oh-tit ê àn-kiāⁿ chiū kàu Mô·se hia; nā-sī ták-hāng sió-sū, in chiū ka-kī sím-phoànⁿ. ²⁷Āu-lâi Mô·se sàng i ê tiūⁿ-lāng khí-sin, i chiū tò--khì pún só·chāi.

19 Í-sek-liát lāng chhut Ai-kip toē ê liáu-āu tē-saⁿ gēh, tú-tú hit-jit, in chiū kàu Se-nái ê không-iá. ²In lī-khui Lī-hui-tèng, lâi kàu Se-nái ê không-iá, chiū tī không-iá chat-iāⁿ; Í-sek-liát lāng chiū tī hit ê soaⁿ ê thâu-chēng chat-iāⁿ. ³Mô·se chiūⁿ kàu Siōng-tè hia; Iâ-hô-hoa tui soaⁿ--nih kiò i kóng, Lí tiòh án-ni ká Ngá-kok-ke kóng, thong-ti Í-sek-liát lāng chai; Goá tui Ai-kip lāng só· kiāⁿ ê sū, lín lóng khoàⁿ-kìⁿ; koh khoàⁿ-kìⁿ Goá cháiⁿ-iūⁿ chhin-chhiūⁿ eng-chiáu ê sít pē lín, toà lín lâi kui tī Goá. ⁵Taⁿ lín nā sít-chāi thiaⁿ-thàn Goá ê oē, chun-siú Goá ê iok, chiū tī liát-kok-tiong lín beh choē Goá ka-kī ê pó-poē; in-ūi choân-toē lóng sī Goá-ê; ⁶lín beh kui tī Goá, choē chè-si ê kok, choē sèng-kiat ê peh-siⁿ. Chiah ê oē sī lí só· tiòh ká Í-sek-liát lāng kóng--ê.

⁷Mô·se lâi chio-chíp peh-siⁿ tiong-kan ê tiūⁿ-ló, chiong Iâ-hô-hoa só· hoan-hù i ê oē, lóng pài-liát tī in ê bīn-chēng; ⁸peh-siⁿ lóng tâng-siaⁿ in kóng, Kìⁿ-nā Iâ-hô-hoa só· kóng--ê goán lóng beh chun-thàn. Mô·se chiū chiong peh-siⁿ ê oē hē-hok Iâ-hô-hoa. ⁹Iâ-hô-hoa ká Mô·se kóng, Khoàⁿ ah, Goá beh tī bát-hūn ê tiong-kan līm-kàu lí, hō· peh-siⁿ thiaⁿ-kìⁿ Goá kap lí teh kóng, thang éng-oán sìn lí. Mô·se chiū chiong peh-siⁿ ê oē ká Iâ-hô-hoa kóng. ¹⁰Iâ-hô-hoa koh ká Mô·se kóng, Lí khi peh-siⁿ hia, kin-á-jit bīn-á-jit ká in hun-piat choē-sèng, in iā tiòh soé-saⁿ. ¹¹Tiòh pī-pān piān hù tē-saⁿ jit; in-ūi tē-saⁿ jit, Iâ-hô-hoa beh tī chēng peh-siⁿ ê

bīn-chēng, kàng-līm tī Se-nái soaⁿ. ¹²Lí tiòh tī soaⁿ ê sì-ūi ká peh-siⁿ siat kài-hān, kóng, Lín tiòh kín-sīn, m̄-thang chiūⁿ-soaⁿ, iā m̄-thang bong i ê kau-kài; kìⁿ-nā bong chit ê soaⁿ ê, tek-khak tiòh hō· i sí; ¹³m̄-thang ēng chhiú bong--i, tiòh ēng chiòh-thâu tìm i, á-sī ēng chìⁿ siā--i; bô-lūn sī lāng á cheng-siⁿ, lóng boē oáh. Kàu sàu-kak ê siaⁿ thoa-tūg ê sī, in tiòh chiūⁿ-lâi soaⁿ-kha. ¹⁴Mô·se lóh-soaⁿ kàu peh-siⁿ hia, ká in hun-piat choē-sèng; in chiū ka-kī soé saⁿ. ¹⁵I tui peh-siⁿ kóng, Tiòh pī-pān piān hù tē-saⁿ jit, m̄-thang chhin-kūn hū-jīm-lāng.

¹⁶Kàu tē-saⁿ jit thiⁿ-kng-chá, tī soaⁿ-téng ū lūi tân, sih-nà kap bát-hūn, koh sàu-kak ê siaⁿ chin-toā; iāⁿ-lâi ê peh-siⁿ lóng ngiāuh-ngiāuh-chhoah. ¹⁷Mô·se chhoā peh-siⁿ chhut iāⁿ-poāⁿ, ngiā-chih Siōng-tè; in lóng khiā tī soaⁿ-kha. ¹⁸Thong Se-nái soaⁿ lóng sī hé-ian; in-ūi Iâ-hô-hoa tī hé-tiong kàng-līm tī soaⁿ-téng; soaⁿ ê hé-ian chhèng-koāiⁿ, chhin-chhiūⁿ hui-iô ê ian, piān-soaⁿ toā tín-tāng. ¹⁹Sàu-kak ê siaⁿ ná-tân ná-toā, Mô·se kóng-oē, Siōng-tè chhut-siaⁿ in i. ²⁰Iâ-hô-hoa kàng-līm tī Se-nái soaⁿ, tī soaⁿ-bé-liu; Iâ-hô-hoa tiâu Mô·se chiūⁿ soaⁿ-bé-liu; Mô·se chiū chiūⁿ--khì. ²¹Iâ-hô-hoa tui Mô·se kóng, Lí lóh--khì kìm-kài peh-siⁿ, kiaⁿ-liáu in chhoàn-kè-kài, kàu Iâ-hô-hoa chia lâi khoàⁿ, tì-kàu in choē-choē lāng sí; ²²liân chhin-kūn Iâ-hô-hoa ê chè-si, iā tiòh ka-kī hun-piat choē-sèng, kiaⁿ-liáu Iâ-hô-hoa hut-jian chhut--lâi phah in. ²³Mô·se tui Iâ-hô-hoa kóng, Peh-siⁿ boē-oē chiūⁿ Se-nái soaⁿ, in-ūi Lí í-keng kìm-kài goán kóng, Tiòh tī soaⁿ ê sì-ūi siat kài-hān, hun-piat i choē-sèng. ²⁴Iâ-hô-hoa ká i kóng, Khi ah, lóh--khì; lí tiòh kap A-lūn chiūⁿ--lâi; tók-tók chè-si kap peh-siⁿ m̄-thang chhoàn-kè-kài chiūⁿ kàu Iâ-

hō-hoa bīm-chêng, kiaⁿ-liáu I hut-jiân chhut-lâi phah in. ²⁵Mô-se chiū lōh--khì, kàu peh-sìⁿ hia, kâ in kóng.

20 Siōng-tè hoan-hù chiaⁿ-ê it-chhè ê oē kóng, Goá sī Iâ-hô-hoa, lí ê Siōng-tè, bat chhoā lí tùi Ai-kíp toē, tùi choè lô-châi ê ke, chhut--lâi ê.

³Goá í-goā, lí m̄-thang ū pát ê Siōng-tè.

⁴M̄-thang ūi-tiōh ka-kī tiau-khek ngó-siōng, put-lūn thiⁿ-tég, toē-chiūⁿ, kap toē ē chú-lâi só-ū ê mih, lóng m̄-thang choè in ê siōng; ⁵m̄-thang keng-pài in, iā m̄-thang hók-sāi in; in-ūi Goá Iâ-hô-hoa, lí ê Siōng-tè, toàn-toàn m̄ iōng-ún ēng pát ê siōng-tè phit-phoē Goá; oàn-hūn Goá--ê, Goá kui-kiū i ê choē, tùi pē kàu kiáⁿ kàu saⁿ-sì tãi; ⁶thiàⁿ goá, siú Goá kài-bēng--ê, Goá si-un hō i, tít-kàu chheng-tāi.

⁷M̄-thang lām-sám chheng Iâ-hô-hoa lí ê Siōng-tè ê miā; in-ūi lām-sám chheng I ê miā ê lāng, Iâ-hô-hoa tek-khak bô liāh i choè bô choē.

⁸Tiōh kì-tit an-hioh-jit, siú i choè-sèng; ⁹lák-jit-lâi eng-kai tiōh-boā, choè lí it-chhè ê kang; ¹⁰tók-tók tē-chhit-jit, chiū-sī ñg Iâ-hô-hoa lí ê Siōng-tè lâi siú ê an-hioh; chit-jit lí kap lí ê kiáⁿ, cha-bó-kiáⁿ, lô-pók, lú-pī, cheng-siⁿ, í-kíp tiām tī lí tiōng-kan ê chhut-goā lāng, it-chhè ê kang, lóng m̄-thang choè; ¹¹in-ūi lák-jit-lâi, Iâ-hô-hoa chhòng-chō thiⁿ, toē, hái, kap hit tiōng-kan bān-mih, tē-chhit jit chiū hioh; só-í Iâ-hô-hoa sù-hok tī an-hioh-jit, siat-lip i choè-sèng.

¹²Tiōh hàu-keng lí ê lāu-pē, lí ê lāu-bú, hō lí ê jit-chí tī Iâ-hô-hoa lí ê Siōng-tè só siúⁿ-sù lí ê toē, tit-tiōh kú-tng.

¹³M̄-thang hāi-sí lāng.

¹⁴M̄-thang kiāⁿ kan-îm.

¹⁵M̄-thang thau-thêh.

¹⁶M̄-thang choè kè ê kan-chèng, hām-hāi lí ê chhù-piⁿ.

¹⁷M̄-thang tham lí ê chhù-piⁿ ê chhù, iā m̄-thang tham lí ê chhù-piⁿ ê bó, lô-pók, lú-pī, gū, lū, í-kíp lí ê chhù-piⁿ it-chhè só-ū--ê.

¹⁸Chèng peh-sìⁿ khoàⁿ-kìⁿ lúi-tân, sih-nà, sàu-kak ê siaⁿ, koh soaⁿ-tég chhut-ian, peh-sìⁿ chit-ē khoàⁿ-kìⁿ, chiū ngiāuh-ngiāuh-chhoah, hng-hng khiā-teh; ¹⁹tùi Mô-se kóng, Kiū lí kap goán kóng, goán beh thiaⁿ; m̄-thang Siōng-tè kap goán kóng, kiaⁿ-liáu goán oē sí. ²⁰Mô-se tùi peh-sìⁿ kóng, M̄-bián kiaⁿ; in-ūi Siōng-tè kàng-lím sī beh chhì-giām lín koh hō lín sī-siōng keng-ùì I, bián-tit lín hoān-choē. ²¹Tùi án-ni peh-sìⁿ hng-hng khiā-teh; Mô-se chiū kiāⁿ-kūn bát-hūn, kàu Siōng-tè ê só-chāi.

²²Iâ-hô-hoa tùi Mô-se kóng, Lí tiōh án-ni kâ Í-sek-liát lāng kóng, Lín í-keng ka-kī khoàⁿ-kìⁿ Goá tùi thiⁿ-tég kap lín kóng-oē.

²³Lín m̄-thang choè pát ê siōng-tè phit-phoē Goá; m̄-thang ūi ka-kī choè gūn ê siōng-tè, kim ê siōng-tè. ²⁴Lí tiōh kâ Goá khí thô-toāⁿ, tī hit tég-bīn hiàn lí ê sio-chè, kap pēng-an-chè, kap lí ê gū, lí ê iūⁿ; kìⁿ-nā Goá hō lāng kì-liām Goá ê miā ê só-chāi, Goá beh kàu lí hia sù-hok lí. ²⁵Lí nā ēng chiōh-thâu kâ Goá khí-toāⁿ, m̄-thang ēng kè-phah ê chiōh lâi khí; in-ūi nā tī hí tég-bīn tâng lí ê ke-si, chiū phah lâ-sâm--i. ²⁶Iā m̄-thang ēng kiā-áchàn chiūⁿ Goá ê toāⁿ, bián-tit lō-hiān lí ê ē-thé.

21 Lí tī peh-sìⁿ ê bīm-chêng só tiōh lip ê hoat-tō sī án-ni.

²Lí nā boé Hi-pek-lâi lāng choè lô-pók, i beh hók-sāi lí, lāk-ni kú, tē-chhit nī i thang chū-iū pēh-pēh chhut-khì; ³i nā toaⁿ-sin lâi,

chiū toaⁿ-sin chhut-khì; i nā ū bó·, i ê bó· chiū kap i chhut-khì; ⁴i ê chú-lâng nā kā i chhoā-bó·, bó· kā i siⁿ-kiáⁿ á sī cha-bó·-kiáⁿ, bó· kap kiáⁿ-jī tiòh kui chú-lâng; i tiòh toaⁿ-sin chhut-khì. ⁵Siat-sú lô·-pók bēng-bēng kóng, Goá thiàⁿ goá ê chú-lâng, kap goá ê bó·, goá ê kiáⁿ-jī, m̄-ài chhut-khì chū-iú; ⁶i ê chú-lâng chiū tiòh toà i kàu koaⁿ-hú hia, koh-tiòh chhoā i oá-kūn m̄ng, á-sī m̄ng-khiā, chú-lâng tiòh ēng chng̃-á chng̃ i ê hī-á; i chiū éng-oán hók-sāi--i.

⁷Lâng nā boē cha-bó·-kiáⁿ choē lú-pī, i bô thang chhin-chhiūⁿ lô·-pók án-ni chhut-khì. ⁸Chú-lâng nā tiāⁿ-tiòh siu--i, āu-lâi khoàⁿ bô tēng--i, chiū tiòh chún i siók-sin; chú-lâng í-keng phiàn i, chiū bô koân thang boē i hō· goā-pang lâng. ⁹Chú-lâng nā tiāⁿ-tiòh i hō· ka-kī ê kiáⁿ, chiū tiòh khoán-thāi i chhin-chhiūⁿ cha-bó·-kiáⁿ. ¹⁰Nā ū koh chhoā chit-ê, chiū i ê chiáh, chhēng, kap phoē-háp ê sū, iū-goân m̄-thang kiám-chiú. ¹¹Nā bô tui i kiāⁿ chí saⁿ-hāng, i chiū thang pēh-pēh chhut-khì, bián ēng gūn siók.

¹²Phah-sí lâng--ê tek-khak tiòh hō· i sí. ¹³Lâng nā m̄-sī bài-hók-teh thāi-lâng, chiū-sī Siōng-tè kau tī i ê chhiú, Goá chiū kā lí siat chit ê só·-chāi, i thang cháu-khì hia. ¹⁴Lâng nā chū-choan kong-kek i ê chhū-piⁿ, ēng khui-khiat ê kē-bô, chiū nā tī Goá ê toāⁿ, iáh tiòh liáh-khì hō· i sí.

¹⁵Phah lâu-pē á-sī lâu-bú--ê, tek-khak tiòh hō· i sí.

¹⁶Koái lâng khi boē--ê, á-sī iáu tī i ê chhiú, tek-khak tiòh hō· i sí.

¹⁷Chiū-chó· lâu-pē á-sī lâu-bú--ê, tek-khak tiòh hō· i sí.

¹⁸Lâng nā oan-ke, chit-ê ēng chiòh-thâu á-sī kún-thâu-bú phah hit-ê, iáu bô tì-kàu sí, put-kò tó tī bîn-chhng̃; ¹⁹nā oē koh khí--lâi,

oà koáiⁿ-á chhut-khì, hit-ê phah i--ê, thang sng̃ bô-choē; tók-tók tiòh pē i boē choē kang ê chíⁿ, iā tiòh kā-i i kàu lóng hó.

²⁰Lâng nā ēng thui-á phah i ê lô·-pók, á-sī i ê lú-pī, tì-kàu liām-piⁿ sí, i tek-khak tiòh siū hēng-hoát; ²¹nā kē chit-nng̃ jīt chiah sí, chiū thang bián siū hēng-hoát, in-ūi sī i ê gūn boé-ê.

²²Lâng nā saⁿ-phah, siong-hāi ū sin-īn ê hū-jîn-lâng, tì-kàu ka-láuh-sin, āu-lâi bô pát-hāng ê hāi, hit-lâng tiòh hoát-gūn, chiàu hū-jîn-lâng ê tiōng-hu só· tēng--ê; tī koaⁿ-hú ê bîn-chēng hō· i. ²³Nā ū pát-hāng ê siong-hāi, chiū tiòh ēng miā pē miā. ²⁴Bák-chiu pē bák-chiu, chhui-khí pē chhui-khí, chhiú pē chhiú, ²⁵kha pē kha, sio pē sio, siong pē siong, phah pē phah.

²⁶Lâng nā phah-pháiⁿ i ê lô·-pók, á-sī i ê lú-pī, chit-lúi bák-chiu, chiū tiòh in-ūi i ê bák-chiu pàng i khi chū-iú. ²⁷Nā phah-lak i ê lô·-pók, á-sī i ê lú-pī, chit kī chhui-khí, chiū tiòh in-ūi i ê chhui-khí pàng i khi chū-iú.

²⁸Gū nā tak-sí chit ê ta-po·-lâng, á-sī chit ê hū-jîn-lâng, tiòh ēng chiòh-thâu tìm-sí hit chiah gū, chóng-sī m̄-thang chiáh i ê bah; gū ê chú-lâng sng̃ bô choē. ²⁹Siat-sú hit chiah gū pēng-sô· oē tak--lâng, ū lâng pò i ê chú-lâng chai, i kēng-jiân bô chiong gū koaiⁿ--teh, tì-kàu tak-sí ta-po·-lâng á-sī hū-jîn-lâng; chiū tiòh ēng chiòh-thâu tìm-sí hit chiah gū, gū ê chú-lâng iā tiòh sí. ³⁰Nā sī gí-tiāⁿ ēng gūn siók siⁿ-miā, chiū tiòh chiàu só· gí-tiāⁿ--ê, lâi siók i ê siⁿ-miā. ³¹Gū bô-lūn tak-tiòh lâng ê kiáⁿ á-sī cha-bó·-kiáⁿ, tiòh chiàu chit ê lē pān--i. ³²Gū nā tak-tiòh lô·-pók á-sī lú-pī, tiòh ēng gūn saⁿ-cháp sià-khek-lèk hō· in ê chú-lâng; iā tiòh ēng chiòh-thâu tìm-sí gū.

³³Lâng nā hian-khui chíⁿ, á-sī kút chíⁿ, bô

khàm-koà, ũ gū á-sī lû poah tī hit lāi-bīn, ³⁴chīn ê chú-lâng tiòh pē, iā tiòh thèh gūn hō i ê chú; sí ê cheng-siⁿ kui ka-kī.

³⁵Chit-lâng ê gū nā tak-tiòh hit lāng ê gū, tì-kàu sí, in tiòh boē oah ê gū, kè-chīn pīn-pun, sí ê gū iā tiòh pīn-pun. ³⁶Lāng nā chai chit chiah gū pēng-sò oē tak--lāng, chú-lāng kèng-jiān bô chiong gū koaiⁿ-teh, i chiū tiòh ēng gū pē gū, sí ê gū kui ka-kī.

22 Lāng nā thau-khan gū, á-sī iūⁿ, bô-lūn thāi á-sī boē, chit chiah gū tiòh pē i gō chiah, chit chiah iūⁿ tiòh pē sī-chiah. ²Chhát nā iah-khang, hō lāng tú-tiòh, kā i phah-sí, chiū bô sng i ũ phah-sí lāng ê choē. ³Nā jit-thāu í-keng chhut, chiū sng i ũ phah-sí lāng ê choē. Chhát tek-khak tiòh pē; nā bô thang pē, chhát tiòh boē sin, lāi tí i só thau--ê. ⁴Nā i só thau--ê, kiám-chhái gū, á-sī lû, iūⁿ, iáu oah tī i ê chhiú, chiū tiòh pē tēng-pē.

⁵Lāng nā tī chhân--nih, á-sī phû-tô-hng, pàng cheng-siⁿ, chhut-chāi i chiah pát-lāng ê chhân, chiū tiòh ēng ka-kī ê chhân--nih siōng hó--ê, kap phû-tô-hng siōng hó--ê lāi pē--i.

⁶Nā hé sio chhi-phē, soà sio-tiòh tiū-tui, á-sī iáu-bē koah ê tiū, á-sī chhân-hng, chiū khí-hé ê lāng tek-khak tiòh pē.

⁷Lāng nā chiong gūn á-sī mih-kiāⁿ, kau-tài chhù-piⁿ kò-siú, chiah ê mih, nā tui hit-lāng ê ke tiòh chhát thau, chhát nā liāh-tiòh, chhát tiòh pē tēng-pē; ⁸chhát nā liāh-bô-tiòh, hit ê ke-chú tiòh kàu koaⁿ-hú bīn-chēng, khoàⁿ i ũ thèh chhù-piⁿ ê mih-kiāⁿ á-bô. ⁹Kiⁿ-nā ũ kè-sit, kiám-chhái sī ũi-tiòh gū, lû, iūⁿ, á-sī ũi-tiòh i-chiūⁿ á-sī sīm-mih sit-lòh ê mih, ũ lāng jīm-tit sī i-ê, siang-pēng ê àn-kiāⁿ tiòh kàu koaⁿ-hú ê bīn-chēng; koaⁿ-hú nā toān-tēng sīm-mih lāng ũ choē, hit-lāng tiòh pē i ê chhù-piⁿ tēng-pē. ¹⁰Lāng nā chiong lû, á-

sī gū, á-sī iūⁿ, á-sī pát-hō cheng-siⁿ, kau-tài chhù-piⁿ kò-siú, cheng-siⁿ kiám-chhái sí, á-sī siū-siong, á-sī hō lāng khan--khì, bô lāng khoàⁿ-kìⁿ; ¹¹nng-lāng ê tiong-kan, tiòh kí Iā-hô-hoa chiū-choā, m̄-bat thèh chhù-piⁿ ê mih, goān-chú chiū tiòh soah, kò-siú ê lāng m̄-biān pē. ¹²Cheng-siⁿ nā tui kò-siú ê lāng hiah hō lāng thau--khì, i chiū tiòh pē goān-chú. ¹³Nā siū iá-siū thiah-chhùi, kò-siú ê lāng tiòh toà i lāi choē chēng-kù; só thiah-chhùi--ê chiū m̄-biān pē.

¹⁴Lāng nā tui chhù-piⁿ chioh sīm-mih mih, só chioh--ê kiám-chhái siū-siong á-sī sí, goān-chú bô saⁿ-kap tī-teh, i tek-khak tiòh pē. ¹⁵Nā goān-chú saⁿ-kap tī-teh, i chiū m̄-biān pē; nā sī cho--ê, iā m̄-biān pē, in-ūi pún ũ cho--chīn.

¹⁶Lāng nā ín-iú bē siū phēng ê cha-bó-gín ná kap i tâng-pāng, i tiòh phēng i choē-bó. ¹⁷Nā i ê lāu-pē koat-toàn m̄-khéng chiong cha-bó-kiáⁿ phoē--i, i chiū tiòh chiàu chāi-sek-lú ê phēng-lé, hō i gūn.

¹⁸Choē ang-î--ê, tiòh hō i sí.

¹⁹Kiⁿ-nā kap siū im--ê, tek-khak tiòh hō i sí.

²⁰Bô choan-choan chē-sū Iā-hô-hoa, lāi chē-sū pát ê siōng-tē--ê, tiòh biát--i.

²¹M̄-thang khi-hū chhut-goā lāng, iā m̄-thang ap-chē i; in-ūi lín tī Ai-kip toē iā bat choē chhut-goā lāng. ²²M̄-thang pháiⁿ khoán-thāi koáⁿ-hū kap ko--jī. ²³Nā sió-khoá pháiⁿ khoán-thāi--in, in kiū-kiò Goá, Goá tek-khak beh thiaⁿ in ê kiū-kiò. ²⁴Iā beh toā siū-khì, ēng to thāi--lín; hō lín ê bó choē koáⁿ-hū, lín ê kiáⁿ choē ko--jī.

²⁵Goá ê peh-siⁿ-tiong ũ sòng-hiong lāng kap lín khiā-khí, lí nā chioh i gūn, lí m̄-thang chhin-chhiūⁿ chē-chú khoán-thāi i, iā

m̄-thang thêh i ê lī-sek. ²⁶Lí nā thêh chhù-piⁿ ê i-chiūⁿ choè chún-tng, jít-lóh chiū tióh hêng--i; ²⁷i chí-ū chit-kiāⁿ thang kah, sī i jia seng-khu ê saⁿ; nā bô, i beh cháiⁿ-iūⁿ khùn? i kiū--Goá, Goá beh thiaⁿ, in-ūi Goá sī chū-pi--ê.

²⁸M̄-thang húi-pòng koaⁿ-hú; iā m̄-thang mē lí ê peh-siⁿ ê sī-toā. ²⁹Lí tióh tui só· siu-sêng ê gō-kak, kap chiú-khut-lāi só· lâu-chhut ê chiú, thêh-lāi hiàn, m̄-thang iân-chhiân. ³⁰Lí tióh chiong thâu-chiūⁿ ê kiáⁿ kui tī Goá; lí ê gū, lí ê iūⁿ, iā tióh án-ni; chhit-jít thang tè i ê bú, tī poeh-jít tióh kui tī Goá. ³¹Lín tióh ūi-tióh Goá choè sêng ê peh-siⁿ; só·-í chhân-nih iá-siū só· thiah-līh ê bah, lín m̄-thang chiáh, tióh hiat hō· káu.

23 M̄-thang pò-iông iâu-giân; m̄-thang kap pháiⁿ-lâng liân-háp choè lām-sám ê kan-chêng. ²M̄-thang tè chêng-lâng kiāⁿ-pháiⁿ; tī saⁿ-kò ê sū, m̄-thang phian-oá toā-pêng, kóng i ê oē, lái oan-óng chêng-tít. ³M̄-thang tī saⁿ-kò ê sū, thán-hō· sòng-hiong lâng.

⁴Nā tú-tióh lí ê tui-ték ê gū, á-sī lū, sit-bê lō·, tek-khak tióh khan tò--lāi kau-i. ⁵Nā khoàⁿ-kìⁿ oàn-hūn lí ê lâng ê lū pē-chài teh-tó, m̄-thang kiāⁿ-khui, tióh kap i saⁿ-kap pàng lū só· chài--ê.

⁶Sòng-hiong lâng ū saⁿ-kò, lí m̄-thang phian-toàn. ⁷Tióh lī-khui hu-ké ê sū hng-hng; m̄-thang thāi bô-choē kap gī ê lâng; in-ūi pháiⁿ-lâng Goá tek-khak bô sng i choē gī. ⁸M̄-thang siū pò·lō·, in-ūi pò·lō· oē hō· bák-chiu kim ê lâng piàn chhiⁿ-mī, koh oē chiong gī-lâng ê oē péng-tò-túg. ⁹M̄-thang ap-chè chhut-goā lâng; in-ūi lín bat chhut-goā tī Ai-kip toē, chai chhut-goā lâng ê sim.

¹⁰Lák-nī-lāi lí tióh chêng-choh lí ê chhân-hng, siu-sêng thó·sán. ¹¹Tók-tók tē-chhit nī,

tióh hō· thó·toē hioh-khùn bô chêng-choh, hō· lí ê peh-siⁿ-tong ê sòng-hiong lâng ū thang chiáh; só· chhun--ê thang hō· iá-siū chiáh; lí ê phū-tô-hng kap kaⁿ-ná-hng, iā tióh án-ni. ¹²Lák-jít-lāi lí tióh choē lí ê kang, tē-chhit jít tióh an-hioh, hō· gū lū thang hioh-khùn, iā hō· lú-pī ê kiáⁿ kap chhut-goā lâng lóng thang íong cheng-lék. ¹³Kìⁿ-nā Goá tui lín kóng ê oē, lín tióh kín-sim siú; pát ê siōng-tè ê miā, lí m̄-thang thê-khí, iā m̄-thang kóng hō· lâng thiaⁿ. ¹⁴Chit-nī saⁿ-pái lí tióh siú-choeh hók-sāi Goá. ¹⁵A-pit gēh, lí chhut Ai-kip, kàu tiāⁿ-tióh ê kī, tióh siú tū-kàⁿ-choeh; chhit-jít kú chiáh bô-kàⁿ-piáⁿ, chiàu Goá só· hoan-hù--ê; tiâu-kìⁿ Goá ê lâng m̄-thang khang-chhiú. ¹⁶Koh ū siu-koah ê choeh, chiū-sī lí tī chhân--nih chai-chêng, tui tióh-boā tit-tióh khí-thâu sék ê thó·sán. Koh ū siu-khng ê choeh, chiū-sī nī-bé, lín siu-khng tui chhân--nih tióh-boā só· tit-tióh--ê. ¹⁷Chit-nī saⁿ-pái, lí it-chhè ê ta-po·-teng tióh kàu Chú Iâ-hô-hoa ê bīn-chêng.

¹⁸Chè-sū Goá ê seng-lé, i ê huìh m̄-thang chham ū kàⁿ ê mīh lái hiàn; iā m̄-thang chiong Goá choeh-kī seng-lé ê iū lâu kàu kè chá-khí. ¹⁹Toē--nih tē-it khí-thâu sék ê mīh, tióh sàng kàu Iâ-hô-hoa lí Siōng-tè ê chhù. Chú soaⁿ-iūⁿ-á m̄-thang ēng i ê bú ê lín.

²⁰Khoàⁿ ah, Goá che Goá ê sù-chiá tī lí ê thâu-chêng, tī lō--nih pó-hō· lí, chhoā lí kàu Goá só· pī-pān ê toē. ²¹Lín tī i ê bīn-chêng tióh kín-sim, thiaⁿ-thàn i ê oē, m̄-thang ūi-kéh i; i bô beh sià-bián lín ê kè-sit; in-ūi i hōng Goá ê miā. ²²Lí nā sit-chài thiaⁿ-thàn i ê oē, chiàu Goá it-chhè só· kóng--ê khi kiāⁿ, Goá chiū choē lí ê kiū-siū ê kiū-siū, lí ê tui-ték ê tui-ték. ²³Goá ê sù-chiá beh kiāⁿ tī lí ê thâu-chêng, chhoā lí kàu A-mô·-lī, Hek, Pí-lī-sé,

Ka-lâm, Hi-bī, Iâ-pò·su hiah ê chòk ê toē; Goá beh chián-tū in. In ê siōng-tè lí m̄-thang kūi-pài, iā m̄-thang hók-sāi; m̄-thang òh in ê só·choè, tiòh it-chīn húi-biát in, phah-chhùi in tiau-khek ê thiāu. ²⁵Lín tiòh hók-sāi Iâ-hô-hoa lín ê Siōng-tè; I tek-khak sù-hok tī lí ê bí-niū kap lí ê chúí; koh Goá beh tū--khì lín tiong-kan ê phò·pī. ²⁶Iā beh hō· lí ê keng-lāi, bô ū ka-lāuh-thai--ê, bô ū boē siⁿ--ê; Goá beh hō· lí ê hē-siū moá-chiok. ²⁷Goá beh choè lí ê thau-chêng, lāi sī-úi; lí só· kàu ê só·chāi, hiah ê peh-siⁿ, Goá beh hō· in sí·bô; koh beh hō· lí it-chhè ê tui-ték oát-túg-sin tô-cháu. ²⁸Goá beh chhe toā-chiah-phang tī lí ê thau-chêng, koáⁿ-chhut Hi-bī lāng, Ka-lâm lāng, Hek lāng, lī-khui lí. ²⁹Tī chit-nī-lāi Goá bô beh tui lí ê thau-chêng it-chīn koáⁿ in chhut, kiaⁿ-liáu thó·toē pha-hng, iá-siū ke-thiⁿ choē-choē lāi hāi lín. ³⁰Goá beh chiām-chiām tui lín ê thau-chêng koáⁿ in chhut, theng-hāu lín lāng-giáh ke-thiⁿ choē-choē, lāi sêng-siū hit ê toē choē-giáp. ³¹Goá beh tiāⁿ-tiòh lí ê keng-kài, tui Âng-hái kàu Hui-lī-sū ê hái, koh tui không-iá kàu Toā-hô. In-tūi Goá beh chiong hit só·chāi khiā-khí ê peh-siⁿ kau tī lín ê chhiú, hō· lí chiong in tui lí ê bīn-chêng koáⁿ-chhut. ³²M̄-thang kap in, í-kíp in ê siōng-tè, līp-iok. ³³M̄-thang hō· in khiā-khí lí ê thó·toē, kiaⁿ-liáu in hō· lí tek-choē Goá; lí nā hók-sāi in ê siōng-tè, che beh choè lí ê lô-bāng.

24 Iâ-hô-hoa kā Mô·se kóng, Lí kap A-lûn, Ná-tap, A-pí-hō·, kap Í-sek-liát tiúⁿ-lô-tiong chhit-cháp lāng, lóng tiòh chiūⁿ kàu Iâ-hô-hoa chia, hng-hng phak--lôh-khì pài. ²Tók-tók Mô·se thang chhin-kūn Iâ-hô-hoa, kī-ū m̄-thang chhin-kūn; peh-siⁿ iā m̄-thang kap i chiūⁿ-lāi. ³Mô·se kàu, chiong Iâ-hô-

hoa it-chhè ê oē, it-chhè ê hoat-tō·, kóng hō· peh-siⁿ thiaⁿ; cheng peh-siⁿ tang-siaⁿ in kóng, Iâ-hô-hoa só· kóng ê oē, goán beh lóng chun-thàn. ⁴Mô·se chiong Iâ-hô-hoa ê oē, lóng siá--khí-lāi; thau-chá khí-lāi, tī Soaⁿ-ē khí chit chō toāⁿ, chiàu Í-sek-liát cháp-jī chi-phài, khiā cháp-jī ki thiāu. ⁵Koh chhe Í-sek-liát-tiong ê siāu-liân lāng, khi hiàn sio-chè. Iā eng gū choè pêng-an-chè, hiàn hō· Iâ-hô-hoa. ⁶Mô·se chiong huìh ê chit-poàⁿ toé tī phūn--nih, chit-poàⁿ hiū tī toāⁿ--nih. ⁷Koh thèh iok ê chheh, thak hō· peh-siⁿ thiaⁿ; in kóng, Iâ-hô-hoa só· kóng--ê, goán beh lóng chun-thàn lāi kiāⁿ. ⁸Mô·se chiong huìh hiū peh-siⁿ, kóng, Khoàⁿ ah, che sī līp-iok ê huìh, sī Iâ-hô-hoa chiàu che it-chhè ê oē kap lín só· līp--ê. ⁹Mô·se, A-lûn, Ná-tap, A-pí-hō·, kap Í-sek-liát tiúⁿ-lô-tiong chhit-cháp-lāng, lóng chiūⁿ-khì. ¹⁰In khoàⁿ-kìⁿ Í-sek-liát ê Siōng-tè, I ê kha-ē ū chhin-chhiūⁿ pīn-pho· ê lâm-pó-chiòh, chhin-chhiūⁿ thiⁿ goán-chit ê kng-liāng. ¹¹I bô chhut-chhiú hāi Í-sek-liát chun-kui ê lāng; in khoàⁿ-kìⁿ Siōng-tè, in iā chiāh iā lim.

¹²Iâ-hô-hoa kā Mô·se kóng, Lí chiūⁿ-soaⁿ chiū-kūn Goá, tiām tī chia, Goá beh chiong chiòh-pi kap lút-hoat, í-kíp kài-bēng, Goá só· siá--ê, siúⁿ-sù lí, thang kà-sī in. ¹³Mô·se kap kun-sui i ê Iok-su-a khí-lāi; Mô·se chiūⁿ Siōng-tè ê soaⁿ; ¹⁴kā tiúⁿ-lô kóng, Lín tiām chia tán goán, theng-hāu goán tò-túg--lāi lín chia; khoàⁿ ah, A-lûn Hō·jīⁿ kap lín tī-teh; lāng nā ū tãi-chì, thang lāi chhè in. ¹⁵Mô·se chiūⁿ soaⁿ, soaⁿ ū hūn jia-khàm. ¹⁶Iâ-hô-hoa ê eng-kng theng tī Se-nái soaⁿ, hūn jia i lāk-jit kú; tē-chhit jlt I tui hūn-tiong kiò Mô·se. ¹⁷Iâ-hô-hoa eng-kng ê khoán-sit, chhin-chhiūⁿ hé sio tī soaⁿ-téng; Í-sek-liát lāng chhin-bak

khoàⁿ-kìⁿ. ¹⁸Mô·se jíp hùn-tiong chiūⁿ-soaⁿ; Mô·se tī soaⁿ-téng sì-cháp jít sì-cháp-mí.

25 Iâ-hô-hoa kâ Mô·se kóng, Lí kâ Í-sek-liát lêng kóng, Tiòh hiàn lé-mih hō· Goá; kìⁿ-nā sim só· kam-goān--ê, lín thang kâ i siu--lâi, choè lé-mih hō· Goá. ³Só· tiòh siu ê lé-mih, chiū-sī kim, gûn, tâng, ⁴lâm-sek, chí-sek, chu-âng-sek ê liâu, iù-toē, soaⁿ-iūⁿ-mng, ⁵ní âng ê kang-iūⁿ-phê, hái-káu phê, ⁶chō-kiap-chhâ, tiám teng ê iū, phang-phang ê phín-liâu, thang choè ko-iū lâi boah, iâ choè phang-hiūⁿ, ⁷âng-bé-ló, kap pát-iūⁿ ê pó-chiòh, thang siuⁿ í-hut-tek kap pó·koà. ⁸In tiòh kâ Goá khí sèng ê só·châi, hō· Goá thang tiám tī in tiong-kan. ⁹Chiàu Goá it-chhè só· chí-sī lí ê, chiū-sī hoē-bō· ê khoán-sit, kap lâi-tiong khí-kū khoán-sit, lín tiòh chiàu án-ni lâi chō.

¹⁰In tiòh ēng chō-kiap-chhâ choè chít ê kui, tng nng-tiú-poàⁿ, khoah tiú-poàⁿ, koàiⁿ tiú-poàⁿ. ¹¹Lí tiòh ēng hó-kim pau, lâi-goā lóng tiòh pau; sì-ùi tiòh khí kim-soàⁿ. ¹²Lí tiòh kâ i chù sì ê kim-khoân, an tī i ê sì-kha, chit-pêng nng-khoân, hit-pêng nng-khoân. ¹³Tiòh ēng chō-kiap-chhâ choè nng ki kng, ēng kim pau i. ¹⁴Tiòh chiong kng chng tī kui-piⁿ ê khoân-lâi, thang ēng lâi kng kui; ¹⁵chiai ê kng tiòh siông-siông tī kui ê khoân-lâi, m̄-thang thiū-chhut-lâi. ¹⁶Tiòh ēng Goá só· beh siúⁿ-sù lí ê lút-hoat hē tī kui-lâi. ¹⁷Tiòh ēng hó-kim choè si-un-só·, tng nng-tiú-poàⁿ, khoah tiú-poàⁿ. ¹⁸Tiòh ēng kim choè nng ê ki-lō·peng, ēng phah ê hoat choè--i, tī si-un-só· ê siang-thâu. ¹⁹Chit-thâu choè chít ê ki-lō·peng, hit-thâu choè chít ê ki-lō·peng; siang-thâu ê ki-lō·peng, kap si-un-só·, tiòh kui-tè, choè saⁿ-liân. ²⁰Nng ê ki-lō·peng tiòh koàiⁿ-koàiⁿ thí-khui sít, ēng in ê sít jia si-un-só·; in ê bñ

tiòh saⁿ-tùi; ki-lō·peng ê bñ tiòh àⁿ si-un-só·. ²¹Tiòh chiong si-un-só· an tī kui-téng, koh chiong Goá só· beh siúⁿ-sù lí ê lút-hoat hē tī kui-lâi. ²²Goá beh tī-hia kap lí chū-hoē, koh beh tui si-un-só· téng, chiū-sī tui hoat-kui téng, nng ê ki-lō·peng ê tiong-kan, kap lí kóng Goá só· beh hoan-hù lí thoân hō· Í-sek-liát lêng it-chhè ê sū.

²³Lí tiòh ēng chō-kiap-chhâ choè chít tè toh, tng nng-tiú, khoah chít-tiú, koàiⁿ tiú-poàⁿ. ²⁴Tiòh ēng hó-kim pau, sì-ùi khí kim-soàⁿ. ²⁵Toh ê sì-ùi, kok choè chít pa-chiúⁿ khoah ê hoàiⁿ-niū, hoàiⁿ-niū-téng sì-ùi khí kim-soàⁿ. ²⁶Lí tiòh choè sì ê kim-khoân, an tī i ê sì-kha ê sì-kak. ²⁷An khoân ê só·châi tiòh oá-kūn hoàiⁿ-niū, thang chng-kng lâi kng toh. ²⁸Tiòh ēng chō-kiap-chhâ choè nng ki kng ēng kim pau--i, thang ēng lâi kng toh. ²⁹Tiòh choè poàⁿ, oáⁿ, poe, pân, thang lâi koân-tiân, lóng tiòh ēng hó-kim choè. ³⁰Toh-téng siông-siông hē pài-liát ê piáⁿ tī Goá ê bñ-chèng.

³¹Lí tiòh ēng hó-kim choè chít ê teng-tâi; teng-tâi ê chō, kap tiong-thiâu, i ê poe, i ê bák, i ê hoe, lóng ēng phah ê hoat, choè kui-chō. ³²Tī i ê piⁿ-á tiòh pun-chhut lák-ki; teng-tâi ê chit-pêng tiòh ū saⁿ-ki, teng-tâi ê hit-pêng tiòh ū saⁿ-ki. ³³Chit-pêng múi-ki u saⁿ ê poe, khoán-sit chhin-chhiūⁿ hēng-hoe, ū bák ū hoe; hit-pêng múi-ki iā ū saⁿ ê poe, khoán-sit chhin-chhiūⁿ hēng-hoe, ū bák ū hoe; tui teng-tâi pun-chhut ê lák-ki lóng sī án-ni. ³⁴Teng-tâi-thiâu ū sì ê poe, khoán-sit chhin-chhiūⁿ hēng-hoe, ū i ê bák kap i ê hoe. ³⁵Nng-ki ê ē-bñ ū chít bák kap i saⁿ-liân, koh nng-ki ê ē-bñ ū chít bák kap i saⁿ-liân, koh nng-ki ê ē-bñ ū chít-bák kap i saⁿ-liân; teng-tâi só· chhut ê lák-ki lóng sī án-ni. ³⁶Hiah ê

bák kap hiah ê ki, lóng kap i liên choè chít-ê, lóng ēng hó-kim, chiàu phah ê hoat choè.
³⁷Tiòh ká i choè chhit ê teng-choáⁿ, tiòh tiám hiah ê teng, hō i chiò-kng tī tui-bīn. ³⁸Teng-tái ê chián kap i ê poáⁿ, lóng tiòh ēng hó-kim choè-i. ³⁹Choè teng-tái kap che it-chhè ê khi-kū, ēng hó-kim chít tha-liân-tek. ⁴⁰Lí tiòh kín-sīm choè chiaⁿ ê mih-kiáⁿ, lóng tiòh chiàu tī soaⁿ-téng chí-sī lí ê khoán-sit.

26 Lí choè hoē-bō· tiòh ēng chấp-pak ê tiuⁿ; chiaⁿ ê tiuⁿ sī ēng kè-pháng ê iu-toē, kap lâm-sek, chí-sek, chu-âng-sek ê liāu, iā ēng kí-khiáu ê kang chít-chiáⁿ ki-lō-peng, lái choè-ê. ²Múi pak tiuⁿ tiòh tng jī-cháp poeh tiú, khoah sì-tiú; tiuⁿ lóng tiòh chít-iūⁿ ê chhùn-chhiòh. ³Chít gō· pak tiuⁿ tiòh ták-pak saⁿ-liân; hit gō· pak tiuⁿ iā tiòh ták-pak saⁿ-liân. ⁴Tī chít ê saⁿ-liân ê tiuⁿ, lō-bé pak ê piⁿ-á, tiòh choè lâm-sek ê liú-phàn; tī hit ê saⁿ-liân ê tiuⁿ, lō-bé pak ê piⁿ-á, iah tiòh án-ni choè. ⁵Lí tī chít-niá tiuⁿ choè gō-cháp ê liú-phàn; koh tī tē-jī niá tiuⁿ, saⁿ-liân ê piⁿ-á, iā choè gō-cháp ê liú-phàn; liú-phàn lóng tiòh nng-ê nng-ê saⁿ-tui. ⁶Koh tiòh choè gō-cháp ê kim-kau lái kau, hō tiuⁿ saⁿ-liân; chiū chiáⁿ-choè chít ê hoē-bō·.

⁷Lí tiòh ēng soaⁿ-iūⁿ-mng chít chấp-it pak ê tiuⁿ, choè hoē-bō·-téng ê pò·-pīⁿ; ⁸múi pak tiuⁿ tiòh tng saⁿ-cháp tiú, khoah sì tiú; chấp-it pak tiuⁿ lóng tiòh chít-iūⁿ ê chhùn-chhiòh. ⁹Tiòh chiong gō· pak tiuⁿ liên-choè chít-pak, koh chiong lálak pak tiuⁿ liên-choè chít-pak, hit-ê tē-lálak pak ê chít-poàⁿ, hō i sūi-lóh tī pò·-pīⁿ ê thâu-chēng. ¹⁰Tī chít-ê saⁿ-liân ê tiuⁿ, lō-bé pak ê piⁿ-á, tiòh choè gō-cháp ê liú-phàn, tī hit-ê saⁿ-liân, lō-bé pak ê piⁿ-á, iā choè gō-cháp ê liú-phàn. ¹¹Koh tiòh choè gō-cháp ê tng-kau, kau tī liú-phàn, hō pò·-

pīⁿ liên choè chít-ê. ¹²Pò·-pīⁿ ê tiuⁿ só· chhun sūi--lóh-lái, chiū-sī só· chhun hit-ê poàⁿ pak tiuⁿ, tiòh sūi tī hoē-bō·-āu. ¹³Pò·-pīⁿ ê tiuⁿ só· chhun ê tng, chít-pēng chít tiú, hit-pēng chít tiú, tiòh sūi tī hoē-bō· ê siang-pēng lái jia-i. ¹⁴Koh tiòh ēng ní-âng kang ê iūⁿ-phê, choè pò·-pīⁿ ê koà; koh ēng hái-káu-phê choè koà tī téng-bīn.

¹⁵Lí tiòh ēng chō-kiap-chhâ choè hoē-bō· khiá ê pán. ¹⁶Khiá ê pán tng chấp-tiú, khoah chít tiú poàⁿ. ¹⁷Ták tē pán tiòh ū nng ê sún saⁿ-pái; hoē-bō· it-chhè ê pán lóng tiòh chiàu án-ni choè. ¹⁸Tiòh choè hoē-bō· ê pán, lâm-pēng ê lâm--sì jī-cháp tē pán. ¹⁹Tī chiaⁿ ê jī-cháp tē pán ê ē-bīn, tiòh choè sì-cháp ê gūn-khū; chít tē pán ê ē-bīn ū nng ê khū lái chheng i nng ki sún; koh chít tē pán ê ē-bīn iā ū nng ê khū lái chheng i nng ki sún. ²⁰Hoē-bō· tē-jī-bīn, chiū-sī pak-bīn, iā tiòh choè pán jī-cháp tē, kap in ê gūn-khū sì-cháp-ê; ²¹chít ê pán ê ē-bīn ū nng ê khū, hit ê pán ê ē-bīn iā ū nng ê khū. ²²Hoē-bō· ê āu-bīn, chiū-sī sai-bīn, tiòh choè lálak tē pán. ²³Hoē-bō· āu-bīn ê nng ê kak-thâu, tiòh choè nng tē pán. ²⁴Pán ê ē-tng, nng-ê saⁿ-tng, tít-kàu téng-bīn tē-it ê khoán, lóng-sī ka-nng ê; nng-tē lóng sī án-ni, beh choè kak-thâu ê lō-ēng. ²⁵Tiòh ū poeh ê pán, kap chấp-lálak ê gūn-khū; chít ê pán ê ē-bīn ū nng ê khū, hit-ê pán ê ē-bīn iā ū nng ê khū.

²⁶Lí tiòh ēng chō-kiap-chhâ choè hoaiⁿ-kōng; ūi-tiòh hoē-bō· chít-pēng ê pán choè gō·ki; ²⁷ūi-tiòh hoē-bō· hit-pēng ê pán choè gō·ki, koh ūi hoē-bō·-āu ê sai-bīn choè gō·ki. ²⁸Pán ê tui-tiong hit ki hoaiⁿ-kóng, tiòh tui chít-thâu thau kàu hit-thâu. ²⁹Pán tiòh ēng kim pau; koh tiòh choè pán ê kim-khoan lái thò-kōng; kōng iā tiòh ēng kim pau. ³⁰Tiòh

chiàu tī soaⁿ-téng chí-sī lí ê khoán-sit kí hoē-bō̄.

³¹Lí tiòh ēng lâm-sek, chí-sek, chu-âng-sek ê liâu, kap kè-pháng ê iù-toē, chit tiùⁿ-lí; chit ê tiùⁿ-lí ēng kī-khiàu ê kang, chit-chiâⁿ ki-lō̄-peng, lâi choē--ê. ³²Lí tiòh ēng chō-kiap-chhâ choē sī ki thiâu, ēng kim pau i, lâi tiâu tiùⁿ-lí; thiâu ê kau tiòh kim--ê; thiâu tī sī ê gūn-khu téng. ³³Lí tiâu tiùⁿ-lí tiòh tī kau ê ē-toē ê só̄-chāi, chiong hoat-kūi kng-jlp tiùⁿ-lí-lāi, chit ê tiùⁿ-lí sī ká lín keh-khui sèng-só̄ kap chī-sèng-só̄. ³⁴Koh tiòh chiong si-un-só̄ an tī chī-sèng-só̄ lâi ê hoat-kūi-téng. ³⁵Lí tiòh ēng toh hē tī tiùⁿ-lí-goā; iā ēng teng-tâi hē tī hoē-bō̄ ê lâm--sì, kap toh saⁿ-tùi; hit ê toh tiòh hē tī pak--sì.

³⁶Lí tiòh ēng lâm-sek, chí-sek, chu-âng-sek ê liâu, kap kè-pháng ê iù-toē, ēng siù-hoe ê kang, choē pò̄-pīⁿ mnḡ ê mnḡ-lí. ³⁷Tiòh ēng chō-kiap-chhâ ká mnḡ-lí choē gō̄ ki thiâu, ēng kim pau-i, thiâu ê kau tiòh kim--ê. Koh tiòh ká thiâu chù gō̄ ê tâng-khū.

27 Lí tiòh ēng chō-kiap-chhâ choē toāⁿ, tnḡ gō̄ tiú̄ khoah gō̄ tiú̄; chit ê toāⁿ sī sù-hong--ê, koāiⁿ saⁿ tiú̄. ²Tiòh tī toāⁿ ê sì-kak-thâu choē sī ki kak, kap toāⁿ saⁿ-liân choē chit-ê, ēng tâng pau i. ³Tiòh choē phún, lâi siu i ê hu, koh choē i ê thuh-á, i ê poāⁿ, i ê chhe, i ê hé-tiáⁿ, i it-chhè ê khi-kū, lóng ēng tâng choē. ⁴Tiòh ēng tâng ká i choē chit ê bāng, tī bāng ê sì-kak choē sī ê tâng khoán. ⁵Ēng bāng hē tī toāⁿ sì-bīn ūi-io-pán ê ē-bīn, hō̄ bāng thau kàu toāⁿ ê poāⁿ-io. ⁶tiòh ēng chō-kiap-chhâ ká toāⁿ choē knḡ, ēng tâng pau i. ⁷Hiah ê knḡ tiòh chnḡ tī khoán-lāi, knḡ tiòh tī toāⁿ ê siang-pēng, lâi knḡ-i. ⁸Tiòh ēng pán choē toāⁿ, tiong-ng khang-khak; lóng tiòh chiàu soaⁿ-téng chí-sī lí ê khoán-sit lâi

choē.

⁹Lí tiòh choē hoē-bō̄ ê tiúⁿ; tiúⁿ ê lâm-bīn ê lâm--sì, tiòh ēng kè-pháng ê iù-toē choē ūi tī chit-pēng, tnḡ chit-pah tiú̄. ¹⁰I ê thiâu jī-cháp ki, tâng-khū jī-cháp ê; thiâu ê kau kap hoāiⁿ-koaiⁿ, lóng tiòh ēng gūn choē i. ¹¹Pak-bīn iā tiòh ū ūi, tnḡ chit-pah tiú̄; i ê thiâu jī-cháp ki, tâng-khū jī-cháp-ê; thiâu ê kau kap hoāiⁿ-koaiⁿ, lóng tiòh ēng gūn choē. ¹²Tiúⁿ ê sai-bīn tiòh ū ūi, khoah gō̄-cháp tiú̄; ūi ê thiâu cháp-ki, khū cháp-ê. ¹³Tiúⁿ ê tang-bīn ê tang--sì khoah gō̄-cháp tiú̄. ¹⁴Mnḡ chit-pēng ê ūi tiòh cháp-gō̄ tiú̄, ūi ê thiâu saⁿ-ki, khū saⁿ-ê. ¹⁵Mnḡ hit-pēng ê ūi iā tiòh cháp-gō̄ tiú̄; ūi ê thiâu saⁿ-ki, khū saⁿ-ê. ¹⁶Tiúⁿ ê mnḡ tiòh ū mnḡ-lí, khoah jī-cháp tiú̄, tiòh ēng lâm-sek, chí-sek, chu-âng-sek ê liâu, kap kè-pháng ê iù-toē, ēng siù-hoe ê kang choē; thiâu sì-ki, khū sì-ê. ¹⁷Tiúⁿ sì-ūi it-chhè ê thiâu, lóng tiòh ū gūn ê hoāiⁿ-koaiⁿ, gūn ê kau, tâng ê khū. ¹⁸Tiúⁿ ê tnḡ chit-pah tiú̄, khoah ták-bīn gō̄-cháp tiú̄, koāiⁿ gō̄ tiú̄; ūi tiòh ēng kè-pháng ê iù-toē choē; i ê khū lóng ēng tâng choē. ¹⁹Hoē-bō̄ só̄ ēng ták-hāng ê khi-kū, kap só̄ tēng ê teng, í-kíp tiúⁿ-lāi só̄ tēng ê teng, lóng tiòh ēng tâng choē.

²⁰Lí tiòh hoan-hù Í-sek-liát lāng, chiong hit-ê ūi-tiòh beh chiò-knḡ só̄ khoeh chheng ê kaⁿ-ná-iū, thèh--lâi hō̄ lí, hō̄ teng siông-siông tiám-teh. ²¹Tī hoē-bō̄-tiong hoat-kūi-chēng ê tiùⁿ-lí goā, A-lūn kap i ê kiáⁿ, tui ê-hng kàu thiⁿ-knḡ tiòh tī lâ-hô-hoa bīn-chēng liâu-lí-i; sī choē Í-sek-liát lāng tãi-tãi éng-oán ê lē.

28 Lí tiòh tui Í-sek-liát lāng ê tiong-kan, hō̄ lí ê hiaⁿ A-lūn kap i hiah ê kiáⁿ, lâi lí chia, thang choē chē-si, hók-sāi Goá, chiū-sī A-lūn, kap A-lūn ê kiáⁿ Ná-tap, A-pí-hō̄, Í-lī-a-sat, Í-tha-má. ²Lí tiòh ká lí ê hiaⁿ A-lūn choē

sèng ê saⁿ, hō· i êng-kng koh súi. ³Koh tiòh hoan-hù it-ehhè sim ū tì-hūi--ê, chiū-sī Goá ēng tì-hūi ê sîn só· chhiong-moá ê lâng, kā A-lûn choè saⁿ, hun-piat i choè-sèng, thang choè chè-si hók-sāi Goá. ⁴In só· tiòh choè ê saⁿ, chiū-sī pó·koà, í-hut-tek, goā-phàu, ū-hoe ê lāi-saⁿ, bō, io-toà. In tiòh kā lí ê hiaⁿ A-lûn kap i ê kiáⁿ choè sèng ê saⁿ, hō· i choè chè-si lāi hók-sāi Goá. ⁵In tiòh ēng kim, kap lâm-sek, chí-sek, chu-âng-sek ê liâu, kap iù-toē choè--i.

⁶In tiòh ēng kim, kap lâm-sek, chí-sek, chu-âng-sek ê liâu, kap kè-pháng ê iù-toē, ēng kî-khiáu ê kang choè í-hut-tek. ⁷Tiòh ū phi-kian nng tè, liân tī siang-pêng, hō· i saⁿ-liân. ⁸Í-hut-tek téng-bīn kî-khiáu ê kang só· chit ê toà, tiòh kap i tâng chit-iūⁿ ê choè-hoat; hō· i saⁿ-liân choè chit-ê; ēng kim, kap lâm-sek, chí-sek, chu-âng-sek ê liâu, í-klp kè-pháng ê iù-toē choè--ê. ⁹Tiòh thèh nng tè âng-bé-ló, tī téng-bīn khek Í-sek-liát chiaⁿ ê kiáⁿ ê miâ; ¹⁰Lák ê miâ tī chit-tè pó-chiòh, kî-û lák ê miâ tī hit-tè pó-chiòh, lóng chiaⁿ in chhut-si ê chhù-sū. ¹¹Tiòh ēng khek pó-chiòh ê chhiú-kang, chhin-chhiūⁿ khek-ín, chiaⁿ Í-sek-liát chiaⁿ ê kiáⁿ ê miâ, khek chí nng-tè pó-chiòh, jlp tī kim-chô--nih. ¹²Tiòh chiong chí nng-tè pó-chiòh, an tī í-hut-tek ê phi-kian-téng, ūi Í-sek-liát lâng choè kî-liām-chiòh. A-lûn tiòh tī nng ê keng-thâu pē in ê miâ, tī Iâ-hô-hoa ê bīn-chêng, choè kî-liām. ¹³Tiòh ēng kim choè nng tè chô. ¹⁴Koh ēng hó-kim, chhin-chhiūⁿ phah soh-á, lāi choè nng tiâu liân-á, chiong chiaⁿ-ê phah-chiâⁿ ê liân-á, an tī hiah ê chô-nih.

¹⁵Lí tiòh ēng kî-khiáu ê kang, choè chit-ê phoàⁿ-toàn ê pó·koà; tiòh kap í-hut-tek tâng chit-iūⁿ ê choè-hoat; ēng kim, kap lâm-sek,

chí-sek, chu-âng-sek ê liâu í-klp kè-pháng ê iù-toē choè--i. ¹⁶Pó·koà tiòh sù-hong, áu siang-têng; tng chit-liáh, khoah chit-liáh. ¹⁷Lí tiòh jlp chiaⁿ ê pó-chiòh tī i ê téng-bīn, ū pó-chiòh sì-choā; chit-choā sī âng-pó-chiòh, ng-gék, chhiah-gék, che sī tē-it-choā. ¹⁸Tē-jī-choā sī lèk-pó-chiòh, lâm-gék, kim-kong-chiòh. ¹⁹Tē-saⁿ-choā sī chí-sek ê bé-ló, pèh-bé-ló, chí-sek chúi-chiⁿ. ²⁰Tē-si-choā sī chhiⁿ-gék, âng-bé-ló, pheh-gék; che lóng tiòh jlp tī kim-chô-lāi. ²¹Chiah ê pó-chiòh chiaⁿ Í-sek-liát ê kiáⁿ ê miâ, kiōng chap-jī tè, chhin-chhiūⁿ khek-ín, múi-tè khek chit ê miâ, ūi-tiòh chap-jī chi-phài lāi choè--i. ²²Tiòh ēng hó-kim phah liân-á, chhin-chhiūⁿ soh-á, an tī pó·koà. ²³Tī pó·koà tiòh choè nng ê kim-khoân, chiong chí nng ê khoân an tī pó·koà ê siang-thâu. ²⁴Tiòh chiong só· phah hit nng tiâu kim liân-á, liân tī pó·koà siang-thâu nng ê khoân. ²⁵Ēng só· phah nng tiâu liân-á ê siang-thâu, liân tī nng ê chô, an tī í-hut-tek phi-kian ê thâu-chêng. ²⁶Lí tiòh choè nng ê kim-khoân, hē tī pó·koà siang-thâu ê kīⁿ, kūn í-hut-tek òng-lāi hit-pêng. ²⁷Koh tiòh choè nng ê kim-khoân, an tī í-hut-tek phi-kian ē-bīn ê thâu-chêng, óa-kūn saⁿ-liân ê só·chāi, tī í-hut-tek kî-khiáu ê kang só· chit ê toà ê téng-bīn. ²⁸In tiòh ēng lâm-sek ê iù-toà, chiong pó·koà ê khoân kap í-hut-tek ê khoân pāk saⁿ-liân, hō· i liām tī í-hut-tek kî-khiáu ê kang só· chit ê toà, hō· pó·koà kap í-hut-tek bō lī-pháng. ²⁹A-lûn jlp sèng-só· ê sí, tiòh chiong phoàⁿ-toàn ê pó·koà só· khek Í-sek-liát ê kiáⁿ ê miâ toà tī i ê heng-chêng, tī Iâ-hô-hoa ê bīn-chêng, siōng-siōng choè kî-liām. ³⁰Lí tiòh chiong O·lêng kap Thó·bêng, hē tī phoàⁿ-toàn ê pó·koà-lāi; A-lûn kàu Iâ-hô-hoa bīn-chêng ê sí, hiah-ê tiòh tī i ê heng-chêng. A-lûn tiòh tī

Iâ-hô-hoa ê bîn-chêng siông-siông chiong Í-sek-liát ê phoàⁿ-toàn koà tī heng-chêng.

³¹Lí tiòh choè í-hut-tek lăi-bîn ê goā-phàu, kui-niá sī lām-sek--ê. ³²Phàu téng-bîn ê tui-tiong, tiòh ũi-tiòh thâu-khak lâu chít ê niá-khang; kang ê chiu-ŭi chít niá-iān, chhin-chhiūⁿ chiàn-kah ê niá-khang, bián-tit phoà lih. ³³Phàu chiu-ŭi ê ē-kha-pô, tiòh ēng lām-sek, chí-sek, chu-âng-sek ê liāu, choè siáh-liū; tī phàu chiū-ŭi, siáh-liū ê tióng-kan, tiòh ũ kim hām-lêng. ³⁴Chít-liáp kim hām-lêng, chít-liáp siáh-liū, tī phàu chiu-ŭi ê ē-kha-pô. ³⁵A-lûn hók-săi ê sī, tiòh chhêng--i; i jlp sêng-só kàu Iâ-hô-hoa bîn-chêng, í-kíp chhut-lăi ê sī, ũ siaⁿ thang thiaⁿ-kìⁿ, hō i bián sī.

³⁵Tiòh ēng hó-kim choè chít ê pài, chiàu khek-in ê hoat-tō, khek tī i ê téng-bîn kóng, CHOÈ-SÈNG KUI IÂ-HÔ-HOA. ³⁷Tiòh ēng chít-tiâu lām-sek ê iù-toà, chiong i pāk tī bō-téng, chiū-sī tī bō ê thâu-chêng. ³⁸Chit ê pài tiòh tī A-lûn ê thâu-hiáh, hō A-lûn tam-tng sêng-mih ê choē, chiū-sī Í-sek-liát lāng, tī it-chhè sêng ê lé-mih, só hun-piat choè-sêng--ê; chit ê pài tiòh siông-siông tī i ê thâu-hiáh, hō in tī Iâ-hô-hoa bîn-chêng tit-tiòh chiap-láp. ³⁹Tiòh ēng iù-toē chit ũ-choā ê lăi-saⁿ; tiòh ēng iù-toē-pò choè-bō; koh ēng siù-hoe ê kang, choè io-toà.

⁴⁰Lí tiòh kâ A-lûn chiaⁿ ê kiáⁿ choè lăi-saⁿ, choè io-toà, choè pau thâu-khak ê kun, hō in ēng-kng koh súi. ⁴¹Tiòh chiong chiaⁿ-ê kâ lí ê hiaⁿ A-lûn kap i ê kiáⁿ chhêng, koh ēng iù boah--in, kiâⁿ siat-líp ê lé, hun-piat in choè-sêng, hō in choè chè-si lăi hók-săi Goá. ⁴²Tiòh kâ in choè iù-toē-pò ê khò, jia in ê ē-thé; khò tiòh tui io kàu toā-thúi; ⁴³A-lûn kap i ê kiáⁿ jlp hoē-bō, á-sī chiū-kūn toāⁿ, beh tī sêng-só hók-săi ê sī, tiòh chhêng--i; bián-tit

in tam-tng choē lăi sī; che sī beh kâ A-lûn kap i ê hō--ê choè éng-oán ê lē.

29 Lí hun-piat in choè-sêng, choè chè-si hók-săi Goá, tiòh án-ni kiáⁿ; chhú chít-chiah kang ê gū-á, nng-chiah bô hâ-chhū kang ê mī-iūⁿ, koh bô-kàⁿ-piáⁿ, kap kiáu-iū ê bô-kàⁿ-piáⁿ, kap boah-iū bô-kàⁿ ê pòh-piáⁿ, lóng tiòh ēng hó ê mī-hún choè--ê. ³Chiah ê piáⁿ tiòh hē tī chít kha kheng, toé tī kheng-nih toà-lăi, koh khan hit chiaⁿ kang ê gū kap nng chiaⁿ kang ê mī-iūⁿ lăi. ⁴Tiòh hō A-lûn kap i hiah ê kiáⁿ kàu hoē-bō ê mng-kháu ēng chúⁱ soé in. ⁵Tiòh thêh hiah ê i-hók lăi, chiong lăi-saⁿ kap í-hut-tek lăi-bîn ê goā-phàu, kap í-hut-tek, lián pò-koà, kâ A-lûn chhêng; iā ēng kī-kha ê kang só chit í-hut-tek ê toà kâ i hâ; ⁶ēng bô tī tī i ê thâu-khak, chiong sêng ê bián-liū tháh tī bō ê téng-bîn. ⁷Tiòh ēng boah ê iù tò tī i ê thâu-khak lăi boah i. ⁸Tiòh hō i ê kiáⁿ lăi, kâ in chhêng lăi-saⁿ. ⁹Koh ēng toà hâ A-lûn kap i hiah ê kiáⁿ, kâ in pau thâu-khak ê kun; in chiàu éng-oán ê lē tit-tiòh chè-si ê chit; koh tiòh kâ A-lûn kap i hiah ê kiáⁿ kiâⁿ siat-líp ê lé.

¹⁰Lí tiòh khan hit chiaⁿ kang ê gū kàu hoē-bō-chêng; A-lûn kap i hiah ê kiáⁿ tiòh hoāⁿ-chhiú tī gū ê thâu-khak-téng. ¹¹Lí tiòh tī Iâ-hô-hoa ê bîn-chêng, tī hoē-bō ê mng-kháu, thâi hit chiaⁿ gū; ¹²chhú i ê huìh tam-pòh, ēng chng-thâu-á boah tī toāⁿ ê sì-kak; chiong huìh lóng piáⁿ tī toāⁿ-kha--nih. ¹³Tiòh chiong it-chhè ngó-chōng ê iù, kap koaⁿ-téng ê bāng-se, kap nng liáp io-chí, í-kíp io-chí ê iù, lóng sio tī toāⁿ-téng. ¹⁴Tók-tók gū ê bah, kap i ê phê, i ê pùn, lóng tiòh ēng hé sio tī iāⁿ-goā; sī choè siók-choē-chè.

¹⁵Lí tiòh khan chít chiaⁿ kang ê mī-iūⁿ lăi; A-lûn kap i hiah ê kiáⁿ tiòh hoāⁿ-chhiú tī hit

chiah iūⁿ ê thâu-khak-téng. ¹⁶Tiòh thài hit chiah iūⁿ, chiong i ê huìh hiù tī toāⁿ ê sì-ûi. ¹⁷Tiòh chiong iūⁿ chhiat chit-tè chit-tè, soé ngó·chōng kap thúi, lok tī chhiat kui tè ê bah kap thâu ê téng-bīn. ¹⁸Tiòh chiong kui chiah iūⁿ sio tī toāⁿ-téng, sī hiàn hō· Iâ-hô-hoa ê sio-chè; sī phang-phang--ê, ēng hé sio hō· Iâ-hô-hoa ê chè. ¹⁹Lí tiòh chiong tē-jī chiah kang ê mī-iūⁿ khan--lâi; A-lûn kap i hiah ê kiáⁿ tiòh hoāⁿ-chhiú tī iūⁿ ê thâu-khak-téng. ²⁰Lí tiòh thài hit chiah iūⁿ, chhiú i ê huìh tām-pòh, boah tī A-lûn chiàⁿ-pêng ê hī-á-sùi, kap i chiah ê kiáⁿ, chiàⁿ-pêng ê hī-á-sùi, koh boah tī in chiàⁿ-chhiú ê toā-pō·bú, kap chiàⁿ-kha ê toā-pō·bú; koh chiong huìh hiù tī toāⁿ ê sì-ûi. ²¹Lí tiòh chhiú toāⁿ-téng ê huìh tām-pòh kap boah ê iū, hiù tī A-lûn kap i ê saⁿ, koh hiù tī i ê kiáⁿ kap i ê kiáⁿ ê saⁿ; i kap i ê saⁿ, i ê kiáⁿ kap i ê kiáⁿ ê saⁿ, lóng hun-piat choè sèng. ²²Koh tiòh chhiú hit chiah iūⁿ ê iū, kap i ê pui ê bé, kap khâm ngó·chōng ê iū, kap koaⁿ-téng ê bāng-se, nng liáp io-chí, í-kip io-chí ê iū, kap chiàⁿ-pêng ê thúi (che sī chiáⁿ siat-líp ê lé ê iūⁿ); ²³koh tui hit-khia hē tī Iâ-hô-hoa ê bīn-chēng toé bô-kàⁿ-piáⁿ ê kheng-á-lāi, thèh chit tè piáⁿ, chit tè kiáu-iū ê piáⁿ, chit-tè pòh-piáⁿ; ²⁴lóng hē tī A-lûn ê chhiú kap i ê kiáⁿ ê chhiú, iô tī Iâ-hô-hoa ê bīn-chēng, choè iô-chè. ²⁵Lí tiòh tui in ê chhiú chih--lâi, sio tī toāⁿ-téng sio-chè ê téng-bīn, choè phang-phang tī Iâ-hô-hoa ê bīn-chēng; sī ēng hé sio hō· Iâ-hô-hoa ê chè. ²⁶A-lûn siū siat-líp ê lé só· hiàn kang ê iūⁿ, lí tiòh chhiú i ê heng, iô tī Iâ-hô-hoa ê bīn-chēng, choè iô-chè; che sī lí ê hūn-giáh. ²⁷Kiâⁿ siat-líp ê lé só· hiàn kang ê iūⁿ, hit ê iô-chè ê heng kap kú-chè ê thúi, chiū-sī só· iô--ê, só· kú-khí--ê, lí tiòh hun-piat i choè-sèng, chiū-sī siók tī

A-lûn kap i hiah ê kiáⁿ--ê. ²⁸Che tiòh choè A-lûn kap i ê kiáⁿ-sun tui Í-sek-liát lāng só· tit-tiòh éng-oán ê hūn-giáh; in-ûi sī kú-chè; tiòh tui Í-se-liát lāng pêng-an-chè ê tiong-kan choè kú-chè; chiū-sī in hiàn hō· Iâ-hô-hoa ê kú-chè. ²⁹A-lûn ê sèng-saⁿ tiòh lâu hō· i āu-tāi ê kiáⁿ-sun, thang chhēng i lâi siū boah-iū, iā chhēng i lâi siū siat-líp. ³⁰I ê kiáⁿ hit ê soà-chiap i tng chè-si ê, ták-pái jip hoē-bō, tī sèng-só· hók-sāi ê sī, tiòh chhēng chhit-jit kú. ³¹Kiâⁿ siat-líp ê lé só· hiàn kang ê iūⁿ ê bah, lí tiòh tī sèng ê só·chāi chú i. ³²A-lûn kap i ê kiáⁿ tiòh tī hoē-bō· ê mng-kháu chiáh chit chiah iūⁿ ê bah kap kheng-á-lāi ê piáⁿ. ³³In tiòh chiáh só· ēng lâi siók-choē ê mih, hō· in tam-tng chit, iā hun-piat in choè-sèng; tók-tók goā-lāng m̄-thang chiáh, in-ûi che sī sèng-mih. ³⁴Hit ê kiáⁿ siat-líp ê lé só· hiàn ê bah á-sī piáⁿ, nā ū lâu kàu keh chá-khí--ê, lí tiòh chiong só· lâu--ê ēng hé sio i; m̄-thang chiáh i, in-ûi sī sèng ê mih. ³⁵Lí tiòh chiáu Goá it-chhè só· hoan-hù--ê kiâⁿ tī A-lûn kap i ê kiáⁿ; kiâⁿ siat-líp ê lé tiòh chhit-jit kú. ³⁶Ták-jit tiòh hiàn kang ê gū chit-chiah choè siók-choē-chè; lí ūi toāⁿ siók-choē ê sī chiū hō· i chheng-khì; iā tiòh ká i boah-iū, hun-piat i choè-sèng. ³⁷Lí tiòh ūi toāⁿ siók-choē chhit-jit kú, hō· i chiáⁿ-sèng; toāⁿ chiū chiáⁿ choè chì-sèng; kìⁿ-nā bong--tiòh i--ê lóng hun-piat choè-sèng.

³⁸Lí só· tiòh hiàn tī toāⁿ--nih--ê sī chiah-ê; chiū-sī bē moá-nī ê iūⁿ-á nng-chiah, ták-jit tiòh hiàn; ³⁹chá-khí-sī tiòh hiàn chit-chiah; hông-hun ê sī tiòh hiàn hit-chiah. ⁴⁰Lí tiòh ēng iū ê mī-hún chit i-hoat chap-hūn ê chit, ēng khoeh-hó ê iū chit-him sì-hūn ê chit tiau-hô--ê, kap chit chiah iūⁿ-á saⁿ-tāng hiàn; koh ēng chiú chit-him sì-hūn ê chit choè koan-

tiān. ⁴¹Iáu hit chiah ê iūⁿ-á tiòh tī hông-hun ê sī lâi hiàn, tiòh chiàu chá-khí-sī ê sòⁿ-chè kap koàn-tiān ê lé liāu-lí i, choè phang-phang, ēng hé sio lâi hiàn hōⁿ Iâ-hô-hoa ê chè. ⁴²Che beh tī Iâ-hô-hoa ê bīn-chêng, tī hoē-bōⁿ ê mng-kháu, choè lín ták sè-tāi siông-siông hiàn ê sio-chè; Goá beh tī-hia kap lín siông-hoē, kap lí kóng-oē. ⁴³Goá beh tī-hia kap Í-sek-liát lāng siông-hoē, hoē-bōⁿ chiū beh in-ūi Goá ê ēng-kng chiāⁿ-choè sèng. ⁴⁴Goá beh hōⁿ hoē-bōⁿ kap toāⁿ choè-sèng; iā beh hōⁿ A-lūn kap i hiah ê kiáⁿ choè-sèng, choè chè-sī lâi hók-sāi Goá. ⁴⁵Goá beh tiām tī Í-sek-liát lāng ê tiong-kan, choè in ê Siōng-tè. ⁴⁶In beh chai Goá sī Iâ-hô-hoa in ê Siōng-tè, sī chhoā in chhut Ai-kip toē; thang hōⁿ Goá tiām tī in tiong-kan; Goá sī Iâ-hô-hoa in ê Siōng-tè.

30 Lí tiòh choè chit chō toāⁿ, thang sio huiⁿ; ēng chō-kiap-chhâ choè i; ²tng chit tiú, khoah chit tiú, khoán-sit sù-hong-ê; koāiⁿ nng tiú; i hiah ê kak tiòh kap toāⁿ lian choè chit-tè. ³Toāⁿ kap i ê téng-bīn, kap i ê sī-ūi, kap i hiah ê kak, lóng ēng hó-kim pau-i; iā tiòh tī i ê sī-ūi khí kim-soàⁿ. ⁴Lí tiòh choè nng ê kim-khoan an tī khí-soàⁿ ê ē-bīn, tiòh choè tī toāⁿ ê siang-pēng, nng ki hoāiⁿ-koaiⁿ ê téng-bīn, chiah ê khoán tiòh choè chng-kng ê lōⁿ-ēng, thang kng toāⁿ. ⁵Tiòh ēng chō-kiap-chhâ choè kng, ēng kim pau in. ⁶Lí tiòh ēng toāⁿ hē tī óa-kūn hoat-kūi ê tiūⁿ-lī-chêng, tī hoat-kūi téng sī-un-sóⁿ ê thau-chêng, chiū-sī Goá beh kap lí siông-hoē ê sóⁿ-chāi. ⁷A-lūn tī toāⁿ-téng tiòh sio phang-liāu sóⁿ choè ê huiⁿ; ták chá-khí i chéng-tùn teng ê sī tiòh sio i. ⁸Kàu hông-hun A-lūn tiám-teng ê sī, iā tiòh sio i; sī choè lín ták sè-tāi siông-siông sio ê huiⁿ tī Iâ-hô-hoa ê bīn-chêng. ⁹Tī chit ê toāⁿ-téng m̄-thang hiàn pát-hō ê huiⁿ; iā m̄-thang hiàn

sio-chè kap sòⁿ-chè; iā m̄-thang koàn-tiān tī i ê téng-bīn. ¹⁰A-lūn tiòh chit-nī chit-pái tī toāⁿ-téng ê kak siók-choē; i chit-nī chit-pái tiòh ēng siók-choē-chè ê huìh tī toāⁿ-téng siók-choē; ták sè-tāi tiòh án-ni; chit ê toāⁿ tī Iâ-hô-hoa ê bīn-chêng choè chì-sèng.

¹¹Iâ-hô-hoa hoan-hù Môⁿ-se kóng, ¹²Lí sng Í-sek-liát lāng ê lāng-giáh, chiàu in tiong-kan sóⁿ chiūⁿ-sng-ê, lí sng in ê sī, in ták-lāng tiòh ūi-tiòh ka-kī ê sīⁿ-miā ēng siók-hoē ê kè-chīⁿ hiàn hōⁿ Iâ-hô-hoa; bián-tit lí sng in ê sī, tī in tiong-kan ū chai-ē. ¹³Kīⁿ-nā kè--khì, kui tī hiah ê chiūⁿ-sng-ê, ták-lāng tiòh chiàu sèng-sóⁿ ê phēng thēh-chhut poàⁿ sià-khek-lék ê gūn; chí poàⁿ sià-khek-lék sī hiàn hōⁿ Iâ-hô-hoa ê; chit sià-khek-lék sī jī-cháp ê kùl-láh. ¹⁴Kīⁿ-nā kè--khì kui tī hiah ê chiūⁿ-sng-ê, tui jī-cháp hē í-chiūⁿ ê, tiòh chiong chit-ê hiàn hōⁿ Iâ-hô-hoa. ¹⁵Ūi-tiòh siók-hoē lín ê sīⁿ-miā chiong chit-ê hiàn hōⁿ Iâ-hô-hoa ê sī, hó-giáh lāng m̄-thang chhut khah-choē, sòng-hiong lāng iā m̄-thang chhut khah-chió; ták-lāng chún-chún chhut poàⁿ sià-khek-lék. ¹⁶Lí tiòh tui Í-sek-liát lāng siu chit ê siók-hoē ê gūn, choè hoē-bōⁿ ê lōⁿ-ēng; thang tī Iâ-hô-hoa ê bīn-chêng, ūi Í-sek-liát lāng choè kì-liām, lái siók-hoē lín ê sīⁿ-miā.

¹⁷Iâ-hô-hoa hoan-hù Môⁿ-se kóng, ¹⁸Lí tiòh ēng tâng choè soé-tng ê phún, i ê chō iā tiòh ēng tâng choè, thang ēng i soé-tng; tiòh hē i tī hoē-bōⁿ kap toāⁿ ê tiong-kan; lái-bīn tiòh toé chúi. ¹⁹A-lūn kap i ê kiáⁿ beh tī-hia soé in ê chhiú, in ê kha. ²⁰In jíp hoē-bōⁿ, á-sī chiū-kūn toāⁿ-chêng hók-sāi, ēng hé sio-chè hók-sāi Iâ-hô-hoa ê sī, tiòh ēng chúi soé, bián-tit sí-bô. ²¹In tiòh án-ni soé-chhiú soé-kha, bián-tit sí-bô; che sī choè in tiāⁿ-tiòh ê lē, chiū-sī choè i kap i ê hōⁿ-è ták sè-tāi éng-oán ê lē.

²²Iâ-hô-hoa koh hoan-hù Mô·-se kóng, ²³Lí tiòh chhú siông-phín ê hiuⁿ-liâu, chiū-sī choan ê bû-t-ióh, gō·-pah sià-khek-lék, phang ê jiók-kùi chit-poàⁿ, chiū-sī nng-pah gō·-cháp, phang ê chhiong-pō· nng-pah gō·-cháp, ²⁴tâm-hiuⁿ gō·-pah, lóng chiàu sèng-só· ê phêng, kap kaⁿ-ná-iū chit-him. ²⁵Lí tiòh ēng i choè thang boah ê sèng-iū, chiū-sī chiàu choè phang-bī ê hoat tiau-hô i; sī beh choè thang boah ê sèng-iū. ²⁶Tiòh ēng chit ê iū boah hoē-bō· kap hoat-kūi, ²⁷toh kap toh-téng it-chhè ê khi-kū, teng-tâi kap teng-tâi ê khi-kū, í-kíp hiuⁿ-toàⁿ, ²⁸sio-chè ê toàⁿ kap i it-chhè ê khi-kū, soé-tng ê phûn kap i ê chō. ²⁹Lí tiòh hō· in choè-sèng, hō· in chiāⁿ-choè chî-sèng; kîⁿ-nā bong--tiòh i-ê lóng hun-piat choè-sèng. ³⁰Lí tiòh ēng iū boah A-lûn kap i hiah ê kiáⁿ, hō· in choè-sèng, thang choè chè-si lâi hók-sāi Goá. ³¹Lí tiòh kâ Í-sek-liát lāng kóng, Chit ê iū beh choè Goá ê sèng-iū, choè boah ê lō·-ēng, kàu lín ták sè-tāi. ³²M̄-thang tò tī lāng ê seng-khu, iā m̄-thang chiàu chit-ê tiau-hô ê hoat choè kap chit-ê saⁿ chhin-chhiūⁿ ê; chit ê iū sī sèng, lín iā tiòh liáh i choè-sèng. ³³Kîⁿ-nā tiau-hô kap chit-ê saⁿ chhin-chhiūⁿ, á-sī ēng i boah tī goā-lāng ê seng-khu ê, beh tui i ê peh-siⁿ ê tiong-kan siū chián-tū.

³⁴Iâ-hô-hoa tui Mô·-se kóng, Lí tiòh chhú phang ê hiuⁿ-liâu, chiū-sī ná-tát, tí-hê-lék, hek-pī-ná; chiaⁿ ê phang-phang ê hiuⁿ-liâu, kap chheng ê jú-hiuⁿ, ták-iūⁿ chhin pīⁿ-tāng; lí tiòh ēng chiaⁿ-ê choè hiuⁿ, chiàu choè phang-bī ê hoat lâi choè phang-liâu, ēng iām tiau-hô, hō· i chheng-khi koh sèng; chit ê hiuⁿ lí tiòh thêh tām-póh, cheng hō· i chin iū, hē tī hoē-bō·-lāi hoat-kūi chēng; Goá beh tī-hia kap lí siong-hoē; lín tiòh liáh i choè chî-sèng. ³⁷Lín só· choè ê hiuⁿ m̄-thang chiàu chit ê

tiau-hô ê hoat, ūi-tiòh ka-kī lâi choè; lín tiòh liáh i choè-sèng, kui tī Iâ-hô-hoa. ³⁸Kîⁿ-nā choè chhin-chhiūⁿ chit-khoán ê hiuⁿ, ài beh phīⁿ-phang ê, beh tui i ê peh-siⁿ-tiong siū chián-tū.

31 Iâ-hô-hoa tui Mô·-se kóng, Khoàⁿ ah, Iū-tāi chi-phài, Hō·-jīⁿ ê sun, O·-lī ê kiáⁿ, Pí-sat-liát, Goá í-keng chí-miá lâi tiâu i; ³Goá ēng Siông-tè ê sîn chhiong-moá i, hō· i ū tì-hūi, ū chhang-miá, ū chai-bat, oē choè ták-iūⁿ ê kang; ⁴oē siūⁿ-chhut kî-khiáu ê kang, lâi choè kim, gûn, tâng, hiah ê mih; ⁵iā oē khek pó-chiòh lâi jlp i; iā oē khek chhâ, oē choè ták-iūⁿ kî-khiáu ê kang. ⁶Goá iā phài Tàn ê chi-phài, A-hi-sat-boat ê kiáⁿ, A-hô-lī-a-pek, kap i saⁿ-kap choè; kîⁿ-nā sim-lāi ū tì-hūi ê, Goá koh siūⁿ-sù tì-hūi tī in ê sim, hō· in oē choè Goá it-chhè só· hoan-hù lí ê; ⁷chiū-sī hoē-bō·, hoat-kūi, kap hí téng-bīn ê si-un-só·, í-kíp pò·-pīⁿ it-chhè ê khi-kū, toh kap toh-téng ê khi-kū, hó-kim ê teng-tâi kap i it-chhè ê khi-kū, ⁹í-kíp hiuⁿ-toàⁿ, sio-chè ê toàⁿ kap i it-chhè ê khi-kū, í-kíp soé-tng ê phûn kap i ê chō; ¹⁰cheng-kong ê i-hók, chè-si A-lûn ê sèng-saⁿ kap i ê kiáⁿ ê saⁿ, hō· in choè chè-si lâi hók-sāi; ¹¹thang boah ê iū, í-kíp sèng-só· só· ēng phang-liâu ê hiuⁿ; chiàu Goá it-chhè só· bēng-lēng lí ê, in tiòh choè.

¹²Iâ-hô-hoa hoan-hù Mô·-se kóng, ¹³Lí tiòh hoan-hù Í-sek-liát lāng kóng, Lín tek-khak tiòh siú Goá hiah ê an-hioh-jlt; in-ūi che sī Goá kap lín ê tiong-kan ê chēng-kù, kàu tī lín ták sè-tāi, hō· lín chai Goá chiū-sī Iâ-hô-hoa, hō· lín chiāⁿ-sèng ê. ¹⁴Só·-í lín tiòh siú an-hioh-jlt, in-ūi sī lín ê sèng-jlt, kîⁿ-nā hoān-tiòh chit-jlt--ê, tiòh hō· i sí; hoān-nā tī chit-jlt choè kang--ê, tiòh tui i ê peh-siⁿ-tiong siū chián-tū. ¹⁵Lák-jlt tiòh choè-kang, tók-tók tē-

chhit jít sī an-hioh ê toā-jít, sī Iâ-hô-hoa ê sêng-jít; hoân-nā tī an-hioh-jít choè-kang--ê, tek-khak tiòh hō· i sí. ¹⁶Só·-í Í-sek-liát lāng tiòh siú an-hioh-jít, tãi-tãi kín-sin chit ê an-hioh-jít, choè éng-oán ê iok. ¹⁷Che sī Goá kap Í-sek-liát lāng tiong-kan éng-oán ê chêng-kù; in-ūi lāk-jít-lāi Iâ-hô-hoa chhòng-chō thiⁿ toē, tē-chhit jít chiū hioh-khùn lâi chheng-êng.

¹⁸Iâ-hô-hoa tī Se-nái soaⁿ kap Mô·se kóng-oē bêng-pék, chiū chiong nng tè iok-pi hō--i, sī Siōng-tè ēng chng-thâu-á siá ê chiòh-pi.

32 Peh-siⁿ khoàⁿ-kìⁿ Mô·se iân-chhiân bô lōh soaⁿ, peh-siⁿ chiū chū-chíp kàu A-lūn hia, tui i kóng, Khí--lâi, ká goán chng siōng-tè, thang kiáⁿ tī goán ê thâu-chêng; in-ūi hit ê Mô·se, chiū-sī chhoā goán tui Ai-kíp toē chhut-lâi, hit ê lāng, goán m̄-chai i tú-tiòh sím-mih. ²A-lūn tui in kóng, Lín ê bó·, lín ê kiáⁿ, cha-bó·-kiáⁿ, hī-á só· koà ê kim khoân, pak i, thêh--lâi hō· goá. ³Peh-siⁿ chiū lóng pak in hī-á--nih ê kim-khoân, thêh lâi hō· A-lūn. ⁴A-lūn tui in ê chhiú chih--lâi, chū chit chiah gū-á, ēng chhiām-to-á tiau-khek--i; in chiū kóng, Í-sek-liát ah, che sī lí ê siōng-tè, chhoā lí chhut Ai-kíp toē ê. ⁵A-lūn khoàⁿ-liáu, chiū tī gū-á ê bīn-chêng khí-toāⁿ; A-lūn koh soan-pò· kóng, Bīn-á-jít tiòh siú-choeh hók-sāi Iâ-hô-hoa. ⁶Keh jít chheng-chá, in khí--lâi, hiàn sio-chè kap pêng-an-chè; peh-siⁿ chiū chē-teh lim-chiáh, khí-lâi kún-chhiò.

⁷Iâ-hô-hoa tui Mô·se kóng, Khì ah, lí lōh-khì; in-ūi lí ê peh-siⁿ, chiū-sī tui Ai-kíp toē chhoā chhut--lâi ê, í-keng pāi-hoāi ka-kī. ⁸In kín-kín lī-khui Goá só· hoan-hù in ê lō·, ūi ka-kī chū-chiáⁿ chit chiah gū-á, kúi-pài--i, hiàn-chè--i, kóng, Í-sek-liát ah, che chiū-sī chhoā lí chhut Ai-kíp toē ê siōng-tè. ⁹Iâ-hô-hoa tui Mô·se kóng, Goá khoàⁿ chit ê peh-siⁿ, khoàⁿ

ah, sī ām-kún ngī ê peh-siⁿ. ¹⁰Lí taⁿ chhut-chāi Goá, Goá beh toā siū-khì in, biát-bô in; ēng lí chiáⁿ-choè toā-kok. ¹¹Mô·se chiū tui i ê Siōng-tè Iâ-hô-hoa kiū-chêng kóng, Iâ-hô-hoa ah, Lí siáⁿ-sū toā siū-khì Lí ê peh-siⁿ ah, sī Lí ēng toā khui-lát toā koân-lêng ê chhiú, tui Ai-kíp toē chhoā chhut--lâi-ê? ¹²Siáⁿ-sū hō· Ai-kíp lāng ū oē kóng, I chhoā in chhut-khì, sī beh hāi--in, hāi-sí in tī soaⁿ-tiong, tui toē-chiūⁿ tui biát in? kiū Lí hē-sim túg-ì, soah Lí ê toā siū-khì, bô kàng chai-ē hō· Lí ê peh-siⁿ. ¹³Kì-liām Lí ê lô·pók A-pek-láh-hán, Í-sat, Í-sek-liát, Lí bat kí ka-kī tui in chhiū-choā kóng, Goá beh hō· lín ê hō·-è chhin-chhiūⁿ thiⁿ-téng ê chhiⁿ hiah-choē; koh Goá só· kóng chit ê choân-toē, Goá beh siúⁿ-sū lín ê hō·-è, beh choè in éng-oán ê giáp. ¹⁴Tui án-ni Iâ-hô-hoa thê-hoé, bô kàng-lōh I chêng só· kóng ê chai-ē, hō· I ê peh-siⁿ.

¹⁵Mô·se oát-túg-sin lōh soaⁿ, chhiú thêh nng tè iok-pi, chiah ê pi nng-bīn lóng ū siá; chit-bīn hit-bīn lóng ū siá-jī. ¹⁶Pi sī Siōng-tè choè--ê, jī sī Siōng-tè siá--ê, kek tī pi--nih. ¹⁷Iok-su-a chit-ē thiaⁿ-kìⁿ peh-siⁿ hán-hoā ê siaⁿ, chiū tui Mô·se kóng, Tī iân-tiong ū kau-chiàn ê siaⁿ. ¹⁸I kóng, Goá só· thiaⁿ-kìⁿ m̄n-sī thāi-iāⁿ tek-sêng ê siaⁿ, iā m̄n-sī thāi-su âu-kiò ê siaⁿ, chiū-sī chhiūⁿ-koa ê siaⁿ. ¹⁹Kiāⁿ kūn iāⁿ-poāⁿ, khoàⁿ-kìⁿ gū-á, koh khoàⁿ-kìⁿ lāng teh thiàu-bú, Mô·se chiū toā siū-khì, tui i ê chhiú hiat nng tè chiòh-pi, chhiⁿ tī soaⁿ-kha. ²⁰Koh chiong in só· chū ê gū-á, ēng hé sio, gég choè hún, iā tī chú-bīn, hō· Í-sek-liát lāng lim--i. ²¹Mô·se tui A-lūn kóng, Chit ê peh-siⁿ tui lí choè sím-mih, lí chiah hō· in hām-lōh tâng-choē? ²²A-lūn kóng, Goá ê chú bóh-tit toā siū-khì; chiah ê peh-siⁿ koat-ì choè pháⁿ, sī lí só· chai--ê. ²³In tui goá kóng, Lí

kā goán chng siōng-tè, thang kiâⁿ tī goán ê thâu-chêng, in-ūi hit ê Mô-se, chiū-sī chhoā goán tùi Ai-kip toē chhut-lâi, hit ê lâng, goán m̄ chai i tú-tiōh sím-mih. ²⁴Goá tùi in kóng, Kìⁿ-nā ū kim--ê, pak--khí-lâi; in chiong kim hō· goá, goá hiat i tī hé--nih, chit chia h gū á chiū chhut-lâi. ²⁵Mô-se khoàⁿ-kìⁿ peh-sìⁿ hòng-chhiòng, in-ūi A-lûn pàng chhut-chāi in, hō· in tī tui-ték ê tiong-kan siū ki-chhi, ²⁶Mô-se khiā tī iâⁿ-poāⁿ ê m̄ng, kóng, Chī-chui oá Iâ-hô-hoa--ê, thang lâi goá chia; Lī-bī lâng chiū lóng chū-chip tī i hia. ²⁷I tui in kóng, Iâ-hô-hoa Í-sek-liát ê Siōng-tè án-ni kóng, Lín ták-lâng tiōh chhah to tī toā-thui--nih, óng-lâi tī iâⁿ-tiong, tui chit ê m̄ng kàu hit ê m̄ng, ták-lâng thâi-sí i ê hiaⁿ-tī, kap i ê tâng-phoāⁿ, í-kip i ê chhù-piⁿ. ²⁸Lī-bī lâng chiàu Mô-se ê oē kiâⁿ; hit-jit peh-sìⁿ-tiong sí--ê iok-liók saⁿ-chheng lâng. ²⁹Mô-se kóng, Lín hiàn ka-kī hō· Iâ-hô-hoa, ták-lâng kong-kek i ê kiáⁿ, i ê hiaⁿ-tī, kin-á-jit tit-tiōh I sù-hok lín.

³⁰Kè-jit Mô-se tui peh-sìⁿ kóng, Lín ū hoān tâng-choē, goá taⁿ beh chiūⁿ--khì Iâ-hô-hoa hia, kiám-chhái thang kā lín siók-choē. ³¹Mô-se tò-túg kàu Iâ-hô-hoa hia kóng, Ai-ah, chit ê peh-sìⁿ hoān tâng-choē, ūi ka-kī choē kim ê siōng-tè. ³²Taⁿ Lí nā beh sià-bián in ê choē; nā m̄, kiū Lí tui Lí só· siá ê chheh, chhat--khì goá ê miâ. ³³Iâ-hô-hoa tui Mô-se kóng, Sím-mih lâng tek-choē Goá chiū tui Goá ê chheh chhat i ê miâ. ³⁴Taⁿ lí khi chhoā chit ê peh-sìⁿ khi Goá só· kā lí kóng ê só·-chāi; khoàⁿ ah, Goá ê sù-chiá beh kiâⁿ tī lí ê thâu-chêng; tók-tók kàu Goá pān-choē ê jit, Goá beh pān in ê choē. ³⁵Iâ-hô-hoa kàng chai-ē hō· peh-sìⁿ, in-ūi in chō gū-á, chiū-sī A-lûn só· chō--ê.

33 Iâ-hô-hoa tui Mô-se kóng, Goá bat

chiū-choā èng-ún A-peh-lâh-hán, Í-sat, Ngá-kok, kóng, Beh chiong thó-toē siúⁿ-sù lí ê hō--ê; taⁿ lí khi ah, lí kap lí tui Ai-kip toē só· chhoā chhut-lâi ê peh-sìⁿ, tiōh tui chia chiūⁿ-khì hit ê toē. ²Goá beh chhe sù-chiá tī lí ê thâu-chêng; Goá beh koáⁿ-chhut Ka-lâm, A-mô-lī, Hek, Pí-lī-sé, Hi-bī, Iâ-pò-su hiah ê chók, ³chhoā lí kàu lâu lín kap bít ê toē; in-ūi Goá m̄ kap lí chiūⁿ-khì, ūi-tiōh lí sī ām-kún ngī ê peh-sìⁿ; kiaⁿ-liáu Goá tī lô--nih biát-bô lí. ⁴Peh-sìⁿ thiaⁿ-kìⁿ chit ê pháiⁿ siau-sit chiū iu-būn; bô lâng chng-thāⁿ. ⁵Iâ-hô-hoa tui Mô-se kóng, Lí tiōh kā Í-sek-liát lâng kóng, Lín sī ām-kún ngī ê peh-sìⁿ, Goá nā chit-bák-nih-kú kàu lín tiong-kan, Goá tek-khak châu-biát lín; taⁿ tiōh chiong lín seng-khu ê chng-thāⁿ pak--khí-lâi, Goá chiū chai Goá beh cháiⁿ-iūⁿ khoán-thāi lín. ⁶Í-sek-liát lâng tui tī Hô-liát soaⁿ í-āu, chiū chiong seng-khu ê chng-thāⁿ thng--khí-lâi. ⁷Mô-se chiong pò·-pīⁿ tah tī iâⁿ-goā, lī-khui iâⁿ ū hiah-hng; i chheng chit ê pò·-pīⁿ choē hoē-bō·, hoān-nā chhē-kiū Iâ-hô-hoa ê lâng, chiū kàu iâⁿ-goā ê hoē-bō· hia. ⁸Tng Mô-se chhut-khì kàu Pò·-pīⁿ ê sí, cheng peh-sìⁿ chiū lóng khí--lâi, ták-lâng khiā tī in ê pò·-pīⁿ-kháu, teh khoàⁿ Mô-se, kàu i jip Pò·-pīⁿ. ⁹Mô-se jip Pò·-pīⁿ ê sí, hūn-thiāu chiū lóh-lâi, khiā tī Pò·-pīⁿ ê m̄ng-chêng; Iâ-hô-hoa chiū kap Mô-se kóng-oē. ¹⁰Cheng peh-sìⁿ khoàⁿ-kìⁿ hūn-thiāu khiā tī Pò·-pīⁿ ê m̄ng-chêng, peh-sìⁿ chiū lóng khí-lâi, ták-lâng tī in ê pò·-pīⁿ m̄ng-kháu kúi-pài. ¹¹Iâ-hô-hoa kap Mô-se bīn tui bīn kóng-oē, chhin-chhiūⁿ lâng kap pēng-iú kóng-oē chit-poaⁿ-iūⁿ. Mô-se tò-túg-lâi iâⁿ-lâi; tók-tók kun-sui i ê siāu-liân lâng Lùn ê kiáⁿ Iok-su-a bô lī-khui Pò·-pīⁿ.

¹²Mô-se tui Iâ-hô-hoa kóng, Khoàⁿ ah, Lí

tùi goá kóng, Chiong chit ê peh-sìⁿ chhoā chiūⁿ-khì, chóng-sī bô hō· goá chai Lí beh chhe chī-chūi kap goá saⁿ-kap khì. Chí-ū kóng, Goá ēng miâ keng-tiâu lí, lí tī Goá ê bīn-chêng iā tit-tiōh un-tián. ¹³Goá taⁿ nā tī Lí ê bīn-chêng tit-tiōh un-tián, kiū Lí chiong Lí ê lō· chí-sī goá, hō· goá bat Lí, thang tī Lí ê bīn-chêng tit-tiōh un-tián; Lí tiōh siàu-liām chit-chòk sī Lí ê peh-sìⁿ. ¹⁴Iâ-hô-hoa kóng, Goá beh chhin-sin kap lí khì, hō· lí pêng-an. ¹⁵Mô·se tùi I kóng, Lí nā bô chhin-sin kap goá khì, chiū m̄-thang chhoā goán tùi chia chiūⁿ-khì. ¹⁶Tùi cháiⁿ-iūⁿ oē chai, goá kap Lí ê peh-sìⁿ tī Lí ê bīn-chêng tit-tiōh un-tián? kiám m̄-sī tùi Lí kap goán saⁿ-kap khì, hō· goá kap Lí ê peh-sìⁿ tī toē-chiūⁿ bān peh-sìⁿ ū hun-piat mah? ¹⁷Iâ-hô-hoa tùi Mô·se kóng, Lí só· kóng chit ê sū, Goá iā beh choē--i; in-ūi lí tī Goá ê bīn-chêng tit-tiōh un-tián, koh Goá ēng miâ keng-tiâu lí. ¹⁸I kóng, Kiū Lí hō· goá khoàⁿ-kìⁿ Lí ê ēng-kng. ¹⁹I kóng, Goá beh hō· Goá it-chhè ê un-hūi keng-kè lí ê bīn-chêng, iā soan-pò· Iâ-hô-hoa ê miâ tī lí ê bīn-chêng. Goá beh si-un tī Goá só· si-un--ê, Goá beh lín-bín tī Goá só· lín-bín--ê. ²⁰Koh kóng, Lí boē oē khoàⁿ Goá ê bīn, in-ūi bô lāng oē khoàⁿ-kìⁿ Goá iā oē oáh. ²¹Iâ-hô-hoa kóng, Khoàⁿ-ah, kūn Goá chia ū só·-chāi, lí tiōh khiā tī chiōh-poāⁿ-téng; ²²tng Goá ê ēng-kng keng-kè ê sī, Goá beh kā lí hē tī chiōh-poāⁿ phāng-lāi, ēng Goá ê chhiú jia--lí; thèng-hāu Goá kè--khì; ²³jiân-āu Goá beh kiu Goá ê chhiú tò-túg, lí chiū oē khoàⁿ-kìⁿ Goá ê ka-chiah-āu; chóng-sī boē-tit-thang khoàⁿ-kìⁿ Goá ê bīn.

34 Iâ-hô-hoa tùi Mô·se kóng, Lí phah n̄ng-tè chiōh-pi, kap í-chêng--ê saⁿ-tāng, lí chêng só· phah-phoà hiah ê pi; hí téng-bīn ê jī, Goá beh siá tī chia ē pi. ²Bīn-á-chá-khí

lí tiōh pī-pān piān; thàu-chá lí tiōh chiūⁿ Se-nái soaⁿ; tī-hia, tī soaⁿ-bé-liu, khiā tī Goá bīn-chêng, ³M̄-thang ū lāng kap lí chiūⁿ--lāi; piān-soaⁿ lóng m̄-thang khoàⁿ-kìⁿ ū lāng, tī soaⁿ-kha iā m̄-thang hō· gū-kūn iūⁿ-kūn chiāh-chháu. ⁴I chiū phah n̄ng tè chiōh-pi, kap í-chêng--ê saⁿ-tāng; Mô·se thàu-chá khí-lāi, chiāu Iâ-hô-hoa só· hoan-hù i ê, chiūⁿ-khì Se-nái soaⁿ, chhiú--nih thèh n̄ng tè chiōh-pi. ⁵Iâ-hô-hoa chē-hún līm-kàu, kap i khiā tī-hia, soan-pò· Iâ-hô-hoa ê miâ. ⁶Iâ-hô-hoa tùi i ê bīn-chêng keng-kè, soan-pò· kóng, Iâ-hô-hoa, Iâ-hô-hoa sī ū lín-bín, ū un-tián ê Siōng-tè, bô khoài siū-khí, koh ū hong-sēng ê chū-ài kap sēng-sít; ⁷ūi chheng-bān lāng chūn chū-ài, sià-bián choē-koà, kè-sit kap choē-ok; koat-toàn bô liāh ū-choē--ê choē bô choē; beh kui-kiū i ê choē, tùi pē kàu kiáⁿ, kàu sun, kàu saⁿ-sì-tāi. ⁸Mô·se kín-kín àⁿ-lòh toē kèng-pài, kóng, ⁹Chú ah, goá nā tit-tiōh un-tián tī Lí ê bīn-chêng, kiū Chú tī goán tiong-kan saⁿ-kap kiáⁿ; in-ūi che sī ām-kún ngī ê peh-sìⁿ; koh kiū Lí sià-bián goán ê choē-koà, kap goán ê choē-ok, liāh goán choē Lí ê sán-giáp.

¹⁰Iâ-hô-hoa kóng, Khoàⁿ ah, Goá beh līp-iok, beh tī lí chêng peh-sìⁿ ê bīn-chêng kiāⁿ kī-biāu ê sū, sī thiⁿ-ē bān-kok-tiong só· bē-bat kiāⁿ--ê; tī lí sì-ūi ê chêng peh-sìⁿ, chiū beh khoàⁿ-kìⁿ Iâ-hô-hoa ê só·-choē; in-ūi Goá tùi lí só· kiāⁿ--ê, sī thang kiaⁿ ê sū. ¹¹Goá kìn-á-jit só· hoan-hù lí--ê, lí tiōh chip-siú; khoàⁿ ah, Goá beh tùi lí ê bīn-chêng koáⁿ-chhut A-mô·lī, Ka-lâm, Hek, Pí-lī-sé, Hi-bī, Iâ-pò·-su hiah ê chòk. ¹²Lí ka-kī kìn-sīn, m̄-thang kap lí só· khì hit só·-chāi khiā-khí ê peh-sìⁿ līp-iok, kiaⁿ-liáu chiāⁿ-choē lín tiong-kan ê lô-bāng. ¹³Chiū-sī tiōh thiah in ê chē-toāⁿ, phah-chhùi in tiau-khek ê thiāu, chhò in ê A-sià-láh. ¹⁴M̄-

thang kèng-pài pát ê Siōng-tè; in-ūi Iâ-hô-hoa ê miâ chheng-choè Tók-chun, i sī tók-chun ê Siōng-tè; ¹⁵kiaⁿ-liáu lí kap hit só·chāi khiā-khí ê peh-siⁿ lîp-iok, in tè in ê siōng-tè kiâⁿ siâ-îm, chè-sū in ê siōng-tè, ū lāng kiò lí, lí chiū chiāh i ê chè-mih; ¹⁶koh kiaⁿ-liáu lí kâ lí ê kiáⁿ chhoā in ê cha-bó·kiáⁿ choè-bó·, in ê cha-bó·kiáⁿ tè in ê siōng-tè kiâⁿ siâ-îm, hō· lí ê kiáⁿ iā tè in ê siōng-tè kiâⁿ siâ-îm. ¹⁷Lí m̄-thang ūi ka-kī chù-chō chiah ê siōng-tè.

¹⁸Lí tiòh siú tū-kàⁿ-choeh. Chiàu Goá só· hoan-hù lí--ê, tī A-pit gèh-lāi só· tiāⁿ-tiòh ê jît-kí, chiāh bô-kàⁿ-piáⁿ chhit-jît, in-ūi lí tī A-pit gèh-lāi chhut Ai-kíp. ¹⁹Kìⁿ-nā thâu-thai--ê, lóng sī Goá-ê, it-chhè ê cheng-siⁿ thâu-chúi--ê, bô-lūn sī gū, sī iūⁿ, kang-ê lóng sī Goá-ê. ²⁰Thâu-chúi ê lú tiòh ēng iūⁿ-á thoè-siòk; nā bô thoè-siòk, chiū tiòh kòng-chhi i ê âm-kún. Kìⁿ-nā lí thâu-chiūⁿ ê kiáⁿ, lóng tiòh siòk-hoē. Lāng lāi kìⁿ Goá m̄-thang khang-chhiú.

²¹Lí lāk-jît tiòh choè kang, tē-chhit jît tiòh an-hioh; tī chai-chèng siu-koah ê sī iā tiòh an-hioh. ²²Bèh khí-thâu sèk, siu-koah ê sī, tiòh siú chhit-chhit-jît choeh. Koh tī nî-bé, tiòh siú siu-khng ê choeh. ²³Lín it-chhè ê ta-po·-teng, tiòh chit-nî saⁿ-pái lāi kìⁿ Chú Iâ-hô-hoa, Í-sek-liát ê Siōng-tè. ²⁴Goá beh tui lí ê bīn-chèng koáⁿ-chhut goā-pang lāng, khui-khoah lí ê keng-kài; lí chit-nî saⁿ-pái chiūⁿ-khì kìⁿ Iâ-hô-hoa, lí ê Siōng-tè ê sī, tek-khak bô lāng tham lí ê thó·toē. ²⁵Lí m̄-thang chiong Goá ê seng-lé ê huìh, chham ū kàⁿ ê mih lāi hiàn; poāⁿ-kè-choeh ê chè-mih iā m̄-thang lâu kàu kè chá-khí. ²⁶Toē--nih tē-it khí-thâu sèk ê mih, tiòh sàng kàu Iâ-hô-hoa lí ê Siōng-tè ê chhù. Chú soaⁿ-iūⁿ-á m̄-thang ēng i ê bú ê lín.

²⁷Iâ-hô-hoa tui Mô·se kóng, Lí tiòh siá

chiah ê oē, in-ūi Goá sī chiàu chiah ê oē kap lí í-kíp Í-sek-liát lîp-iok. ²⁸Mô·se kap Iâ-hô-hoa tī-hia sì-cháp jît sì-cháp mī, bô chiāh piáⁿ bô līm chú. I chiong chit ê iok ê oē, chiū-sī cháp-tiâu-kài, siá tī nng tè pi.

²⁹Mô·se lōh Se-nái soaⁿ ê sī, i ê chhiú thèh nng tè iok-pi, i lōh-soaⁿ ê sī, i ê bīn, in-ūi Iâ-hô-hoa kap i kóng-oē, chiū siā-chhut kng, Mô·se ka-kī m̄-chāi. ³⁰A-lūn kap Í-sek-liát cheng-lāng khoàⁿ-kìⁿ Mô·se ê sī, khoàⁿ ah, i ê bīn siā-chhut kng; in chiū kiaⁿ, m̄-káⁿ oá-kūn i. ³¹Mô·se kiò in lāi, A-lūn kap hoē-tiong chiah ê thâu-lāng chiū lóng tò-túg kàu i hia; Mô·se chiū kap in kóng-oē. ³²Jiân-āu Í-sek-liát cheng-lāng lóng chìn-chèng lāi; i chiū chiong Iâ-hô-hoa tī Se-nái soaⁿ kap i só· kóng it-chhè ê oē, lóng hoan-hù in. ³³Mô·se kap in kóng oē bēng-pék, chiū ēng phè tà-bīn. ³⁴Chóng-sī Mô·se jîp-khì Iâ-hô-hoa bīn-chèng kap i kóng-oē, phè chiū hian--khí-lāi, kàu i chhut--lāi. I chhut--lāi ê sī, chiū chiong Iâ-hô-hoa só· hoan-hù--ê, kâ Í-sek-liát lāng kóng. ³⁵Í-sek-liát lāng khoàⁿ-kìⁿ Mô·se ê bīn, Mô·se ê bīn siā-chhut kng, Mô·se koh ēng phè tà-bīn, theng-hāu kàu i jîp-khì kap Iâ-hô-hoa kóng-oē phè chiū hian--khí-lāi.

35 Mô·se chio-chíp Í-sek-liát lāng choân-hoē, tui in kóng, Iâ-hô-hoa só· hoan-hù ê oē, kah lín tiòh kiâⁿ--ê, chiū-sī chiah-ê. ²Lāk-jît tiòh choè-kang, tē-chhit jît sī lín ê sèng-jît, sī toā ê an-hioh-jît, lāi hók-sāi Iâ-hô-hoa; hoān-nā tī chit-jît choè-kang--ê, tiòh hō· i sí. ³Tng an-hioh-jît, tī lín ták keng chhù-lāi m̄-thang khí-hé.

⁴Mô·se tui Í-sek-liát lāng choân-hoē kóng, Iâ-hô-hoa só· hoan-hù ê oē, sī án-ni kóng,

⁵Lín tiong-kan tiòh thèh lé-mih hiàn hō· Iâ-hô-hoa; kìⁿ-nā sim goān--ê, thang thèh i lāi,

choè hiàn hō· Iâ-hô-hoa ê lé-mih; ⁶chiū-sī kim, gūn, tâng, lâm-sek, chí-sek, chu-âng-sek ê liâu, iù-toē, ⁷soaⁿ-iūⁿ-mng, ní-âng ê iūⁿ-káng-phê, hái-káu-phê, ⁸chō-kiap-chhâ, tiám-teng ê iū, phang ê liâu, thang choè boah ê iū kap phang-hiuⁿ, âng-bé-ló kap pát-iūⁿ ê pó-chiòh, thang siuⁿ tī í-hut-tek kap pó-koà. ¹⁰Lín tiong-kan kìⁿ-nā sim ũ tì-hùi--ê, lóng tiòh lâi choè Iâ-hô-hoa it-chhè só· hoan-hù--ê; ¹¹chiū-sī hoē-bō·, i ê pò·-pīⁿ, kap i ê koà, i ê kau, i ê pán, i ê hoàiⁿ-kông, i ê thiâu, i ê khū; ¹²kūi, kap i ê kng, si-un-só·, kap jia-cháh ê tiūⁿ-lî; ¹³toh kap i ê kng, kap i ê khi-kū, kap pài-liát ê piáⁿ; ¹⁴tiám-kng ê teng-tâi kap i ê khi-kū, teng-choáⁿ kap tiám-kng ê iū; ¹⁵hiuⁿ-toāⁿ kap i ê kng, boah ê iū, kap phang-hiuⁿ, í-kíp hoē-bō· mng ê mng-lî; ¹⁶sio-chè ê toāⁿ kap i tâng ê bāng, kap i ê kng, í-kíp i it-chhè ê khi-kū, soé-tng ê phūn kap i ê chō; ¹⁷tiūⁿ ê tiūⁿ-ui, kap i ê thiâu, in ê khū, kap tiūⁿ-mng ê mng-lî; ¹⁸hoē-bō· só· têng ê teng, kap tiūⁿ só· têng ê teng, kap in ê soh; ¹⁹cheng-kong ê i-hók, tī sèng-só· chhēng lâi hók-sāi--ê, chiū-sī chè-si A-lūn ê sèng-saⁿ kap i ê kiáⁿ ê saⁿ, chhēng lâi tam-tng chè-si ê chit.

²⁰Í-sek-liát lāng choān-hoē tui Mô·-se ê bīn-chēng chhut-khì. ²¹Kìⁿ-nā siū kám-tōng, tui sim hoaⁿ-hí--ê, lóng-chóng lâi, thèh lé-mih hiàn hō· Iâ-hô-hoa, ēng lâi choè hoē-bō· ê kang, kap it-chhè ê lō·-ēng, iā ēng lâi choè sèng-saⁿ. ²²Kìⁿ-nā chhut tī sim hoaⁿ-hí--ê, ta-po· hū-jīn lóng lâi, ták-ê chiong kim-khì, chiū-sī heng-chēng ê pín-chiam, hī-kau, phah-in ê chhiú-chí, kap chhiú-khoân; che sī ták-lāng chiong i ê lé-mih hiàn hō· Iâ-hô-hoa. ²³Kìⁿ-nā lāng ũ lâm-sek, chí-sek, chu-âng-sek ê liâu, iù-toē, soaⁿ-iūⁿ-mng, ní-âng ê iūⁿ-káng-phê, hái-káu-phê, lóng thèh-lâi. ²⁴Kìⁿ-nā hiàn gūn

kap tâng, choè lé-mih--ê, lóng thèh-lâi hiàn hō· Iâ-hô-hoa; kìⁿ-nā ũ chō-kiap-chhâ thang choè sim-mih lō·-ēng--ê, iā thèh--lâi. ²⁵Kìⁿ-nā sim-lâi ũ tì-hùi ê hū-lú, chhin-chhiú pháng soàⁿ, chiong só· pháng ê lâm-sek, chí-sek, chu-âng-sek ê liâu, kap iù-toē lóng thèh--lâi. ²⁶Kìⁿ-ū tì-hùi ê sim siū kám-tōng ê hū-lú, chiū pháng soaⁿ-iūⁿ-mng. ²⁷Chiah ê thau-lāng chiong âng-bé-ló, kap pát-iūⁿ ê pó-chiòh, thang siuⁿ tī í-hut-tek kap pó-koà--ê, lóng thèh-lâi. ²⁸Koh thèh huiⁿ-liâu kap iū, thang ēng i lâi tiám teng, choè boah ê iū, choè phang ê huiⁿ. ²⁹Í-sek-liát lāng, bō-lūn lâm-lú, kìⁿ-nā sim hoaⁿ-hí hiàn lé-mih hō· Iâ-hô-hoa--ê, lóng hoaⁿ-hí thèh lé-mih lâi, choè Iâ-hô-hoa thok-tiōng Mô·-se só· hoan-hù in choè it-chhè ê kang.

³⁰Mô·-se tui Í-sek-liát lāng kóng, Lín khoàⁿ, Iū-tâi ê chi-phài Hō·-jīⁿ ê sun, O-lī ê kiáⁿ Pí-sat-liát, Iâ-hô-hoa í-keng chí miâ tiau i. ³¹Koh ēng Siōng-tè ê sīn chhiong-moá i, hō· i ũ tì-hùi, ũ chhang-miâ, ũ chai-bat, oē choè ták-iūⁿ ê kang; ³²oē siūⁿ-chhut kī-khiáu ê kang, lâi choè kim, gūn, tâng hiah ê mih, ³³iā oē khek pó-chiòh lâi jip--i; iā oē khek chhâ, oē choè ták-iūⁿ kī-khiáu ê kang. ³⁴Koh hō· i kap Tàn ê chi-phài, A-hi-sat-boat ê kiáⁿ A-hô-lī-a-pek, sim ũ lēng-khiáu, oē kà-sī lāng. ³⁵Chiah ê lāng I ēng tì-hùi chhiong-moá in ê sim; hō· in oē choè ták-iūⁿ ê kang, bō-lūn tiau-khek ê kang, kī-khiáu ê kang, ēng lâm-sek, chí-sek, chu-âng-sek ê liâu, kap iù-toē, siū hoe--ê, chit-pò--ê, ták-iūⁿ ê kang lóng oē choè, iā oē siūⁿ-chhut kī-khiáu ê kang.

36 Pí-sat-liát kap A-hô-lī-a-pek, kap lóng-chóng sim ũ tì-hùi ê lāng, chiū-sī tit-tiòh Iâ-hô-hoa siúⁿ-sù tì-hùi chhang-miâ hō· in chai choè sèng-só· ták-iūⁿ lō·-ēng ê kang--ê,

lóng tiòh chiàu Iâ-hô-hoa só· hoan-hù--ê choè kang.

²Mô·se tiâu Pí-sat-liát, A-hô-lī-a-pek, kap kìⁿ-nā sim ū tì-hūi ê lâng lāi, chiū-sī Iâ-hô-hoa ēng tì-hūi siúⁿ-sū in ê sim, sim siū kám-tōng lāi choè-kang--ê. ³In tui Mô·se thèh it-chhè ê lé-mih, chiū-sī Í-sek-liát lâng ūi-tiòh choè sèng-só· kap lāi-bīn só· ēng ê mih thèh--lāi-ê. Peh-siⁿ ták chá-khí iū-goân ēng kam-sim hiàn ê lé-mih thèh--lāi hō--i. ⁴Kìⁿ-nā choè sèng-só· ê kang chiah-ê ū tì-hūi ê lâng, lóng chiām-thēng in só· choè ê kang; ⁵lāi tui Mô·se kóng, Peh-siⁿ só· thèh--lāi-ê, pí Iâ-hô-hoa bēng-lēng choè ê kang só· tiòh ēng ê liāu kè-giáh ū chhun. ⁶Mô·se chhut-bēng, in chiū soan-pò· tī choân-iāⁿ, kóng, Bô-lūn lâm-lú bôh-tit koh choè sím-mih lāi, hiàn hō· sèng-só·; tui án-ni chó·-chí peh-siⁿ bô koh thèh--lāi. ⁷In-ūi in só· ū ê chhài-liāu, kàu-giáh thang choè it-chhè só· tiòh choè chiah ê kang, soà ū chhun.

⁸In tiong-kan kìⁿ-nā sim ū tì-hūi choè-kang--ê, ēng cháp-pak ê tiūⁿ choè hoē-bō·; chiah ê tiūⁿ sī ēng kè-pháng ê iū-toē, kap lâm-sek, chí-sek, chu-âng-sek ê liāu; iā ēng kī-khiáu ê kang chit-chiāⁿ ki-lō-peng choè--i. ⁹Múi pak tiūⁿ tng jī-cháp-poeh tiú, khoah sì-tiú; tiūⁿ lóng sī chit-iūⁿ ê chhùn-chhih. ¹⁰Chit gō· pak tiūⁿ, i chhòng hō· in ták pak saⁿ-liân; hit gō· pak tiūⁿ iā ták-pak saⁿ-liân. ¹¹Tī chit-ê saⁿ-liân ê tiūⁿ, lō·bé pak ê piⁿ-á choè lâm-sek ê liú-phàn; tī hit-ê saⁿ-liân ê tiūⁿ, lō·bé pak ê piⁿ-á iā án-ni choè. ¹²I tī chit niá tiūⁿ choè gō·cháp ê liú-phán, koh tī tē-jī niá tiūⁿ saⁿ-liân ê piⁿ-á, iā choè gō·cháp ê liú-phàn; liú-phàn lóng nng-ê nng-ê saⁿ-tùi. ¹³Koh choè gō·cháp ê kim-kau, ēng i lāi kau hō· tiūⁿ saⁿ-liân; chiū chiāⁿ-choè chit ê hoē-bō·.

¹⁴I koh ēng soaⁿ-iūⁿ-mng chit cháp-it pak ê tiūⁿ, choè hoē-bō·-téng ê pò·-pīⁿ; ¹⁵múi-pak tiūⁿ tng saⁿ-cháp tiú, khoah sì-tiú; cháp-it pak tiūⁿ lóng chit-iūⁿ ê chhùn-chhih. ¹⁶Chiong gō· pak tiūⁿ liân-choè chit-pak, koh chiong lāk pak tiūⁿ liân-choè chit-pak. ¹⁷Tī chit ê saⁿ-liân ê tiūⁿ lō·bé pak ê piⁿ-á, i choè gō·cháp ê liú-phàn, tī hit ê saⁿ-liân lō·bé pak ê piⁿ-á iā choè gō·cháp ê liú-phàn. ¹⁸I koh choè gō·cháp ê tâng-kau, hō· pò·-pīⁿ liân-choè chit-ê. ¹⁹Koh ēng ní-âng ê iūⁿ-phê choè pò·-pīⁿ ê koà; koh ēng hái-káu-phê koà tī téng-bīn.

²⁰I ēng chō-kiap-chhâ choè hoē-bō· khiā ê pán. ²¹Khiā ê pán tng cháp-tiú, khoah chit-tiú-poàⁿ. ²²Ták tè pán ū nng ê sún saⁿ-pâi; hoē-bō· it-chhè ê pán lóng chiàu án-ni choè. ²³I choè hoē-bō· ê pán, lâm-pēng ê lâm--sì jī-cháp tè pán; ²⁴tī chiah ê jī-cháp tè pán ê ē-bīn choè sì-cháp ê gūn-khū; chit tè pán ê ē-bīn ū nng ê khū lāi chhēng i nng ki sún; koh chit tè pán ê ē-bīn iā ū nng ê khū lāi chhēng i nng ki sún. ²⁵Hoē-bō· tē-jī bīn, chiū-sī pak-bīn, iā choè pán jī-cháp-tè, ²⁶kap in ê gūn-khū sì-cháp-ê; chit ê pán ê ē-bīn ū nng ê khū, hit ê pán ê ē-bīn iā ū nng ê khū. ²⁷Hoē-bō· ê āu-bīn, chiū-sī sai-bīn, iā choè lāk tè pán. ²⁸Hoē-bō· āu-bīn ê nng ê kak-thâu, choè nng tè pán. ²⁹Pán ê ē-tng, nng-ê saⁿ-tâng, tit-kàu téng-bīn tē-it ê khoân lóng sī ka-nng-ê; nng ê kak-thâu ê pán lóng sī án-ni choè. ³⁰Ū poeh ê pán, kap cháp-lāk ê gūn-khū; ták tè pán ê ē-bīn ū nng ê khū. ³¹I ēng chō-kiap-chhâ choè hoàiⁿ-kông; ūi-tiòh hoē-bō· chit-pēng ê pán choè gō·-ki, ³²ūi-tiòh hoē-bō· hit-pēng ê pán choè gō·-ki; koh ūi-tiòh hoē-bō·-āu sai-bīn ê pán choè gō·-ki. ³³Pán ê tui-tiong hit ki hoàiⁿ-kóng, hō· i tui chit-thâu kàu hit-thâu.

³⁴Pán ēng kim pau; koh choè pán ê kim-khoân lâi thò kông; kông iā ēng kim pau.

³⁵Koh ēng lâm-sek, chí-sek, chu-âng-sek ê liāu, kap kè-pháng ê iù-toē chit tiūⁿ-lî; chit ê tiūⁿ-lî ēng kí-khiáu ê kang chit-chiāⁿ ki-lō-peng lâi choè--ê. ³⁶Koh ēng chō-kiap-chhâ ūi-tióh i choè sî kí thiāu, ēng kim pau i; in ê kau sī kim--ê; koh ūi-tióh in chù sî ê gûn-khū. ³⁷Ēng lâm-sek, chí-sek, chu-âng-sek ê liāu, kap kè-pháng ê iù-toē, ēng siū-hoe ê kang choè pòⁿ-pîⁿ mng ê mng-lî, ³⁸kap i gōⁿ ki thiāu, kap in ê kau; in ê thiāu-táu kap hoaiⁿ-koaiⁿ ēng kim pau i; hit gōⁿ ê khū sī tâng--ê.

37 Pí-sat-liát ēng chō-kiap-chhâ choè kúi, tng nng-tiú-poàⁿ, khoah tiú-poàⁿ, koaiⁿ tiú-poàⁿ; ²lāi-goā ēng hó-kim pau i, sî-úi khí kim-soàⁿ, ³tī i ê sî-kha kâ i chù sî ê kim-khoân; chit-pêng nng khoân, hit-pêng nng khoân. ⁴Ēng chō-kiap-chhâ choè nng ki kng, ēng kim pau i. ⁵Chiong kng chng tī kúi-pîⁿ ê khoân-lāi, thang kng kúi. ⁶Ēng hó-kim choè si-un-sóⁿ, tng nng-tiú-poàⁿ, khoah tiú-poàⁿ. ⁷Ēng kim choè nng ê ki-lō-peng; ēng chia ê hoat choè i, tī si-un-sóⁿ ê siang-thâu; ⁸chit-thâu chit ê ki-lō-peng, hit-thâu chit ê ki-lō-peng; nng ê ki-lō-peng tī si-un-sóⁿ ê siang-thâu kap i liân-choè chit-tè. ⁹Nng ê ki-lō-peng koaiⁿ-koaiⁿ thí-khui sít, ēng in ê sít jia si-un-sóⁿ, in ê bīn saⁿ-tùi; ki-lō-peng ê bīn àⁿ si-un-sóⁿ.

¹⁰I ēng chō-kiap-chhâ choè toh, tng nng-tiú, khoah chit-tiú, koaiⁿ tiú-poàⁿ; ¹¹ēng hó-kim pau i, sî-úi kâ i khí kim-soàⁿ. ¹²Toh ê sî-úi kok choè chit pa-chiúⁿ khoah ê hoaiⁿ-niū; hoaiⁿ-niū-téng sî-úi khí kim-soàⁿ. ¹³Kâ i chù sî ê kim-khoân, an tī i ê sî-kha ê sî-kak. ¹⁴An khoân ê sóⁿ-chāi óa-kūn hoaiⁿ-niū, thang chng-kng lâi kng toh. ¹⁵Ēng chō-kiap-chhâ choè nng ki kng, ēng kim pau i, thang

kng toh. ¹⁶Iā choè toh-téng ê khi-kū, i ê poāⁿ, óaⁿ, pân, poe, thang lâi koân-tiān, lóng ēng hó-kim choè.

¹⁷I ēng hó-kim choè teng-tâi; teng-tâi ê chō kap tióng-thiāu, i ê poē, i ê bák, i ê hoe, lóng ēng phah ê hoat, choè kui-chō; ¹⁸i ê pîⁿ-á pun-chhut lák-ki; teng-tâi ê chit-pêng ū saⁿ-ki, teng-tâi ê hit-pêng ū saⁿ-ki; ¹⁹chit-pêng múi-ki ū saⁿ ê poe, khoán-sit chhin-chhiūⁿ hēng-hoe, ū bák ū hoe; hit-pêng múi-ki iā ū saⁿ ê poe, khoán-sit chhin-chhiūⁿ hēng-hoe, ū bák ū hoe; tui teng-tâi pun-chhut ê lák-ki lóng sī án-ni. ²⁰Teng-tâi thiāu ū sî ê poe, khoán-sit chhin-chhiūⁿ hēng-hoe, ū i ê bák, kap i ê hoe. ²¹Nng-ki ê ē-bīn ū chit-bák kap i saⁿ-liân; koh nng-ki ê ē-bīn ū chit-bák kap i saⁿ-liân; koh nng-ki ê ē-bīn ū chit-bák kap i saⁿ-liân; teng-tâi sóⁿ chhut ê lák-ki lóng sī án-ni. ²²Hiah ê bák kap hiah ê ki lóng kap i liân-choè chit-ê; lóng ēng hó-kim, chiàu phah ê hoat choè. ²³Iā kâ i choè chhit ê teng-choáⁿ, kap i ê chián, kap i ê poāⁿ, lóng ēng hó-kim choè ê. ²⁴Choè teng-tâi kap it-chhè ê khi-kū ēng hó-kim chit tha-liân-tek.

²⁵I ēng chō-kiap-chhâ choè huiⁿ-toāⁿ, tng chit-tiú, khoah chit-tiú, khoán-sit sù-hong--ê; koaiⁿ nng-tiú; i hiah ê kak kap toāⁿ liân-choè chit-tè. ²⁶Toāⁿ kap i ê téng-bīn, kap i ê sî-úi, kap i hiah ê kak, lóng ēng hó-kim pau i, iā tī i ê sî-úi khí kim-soàⁿ. ²⁷Koh kâ i choè nng ê kim-khoân, an tī khí-soàⁿ ê ē-bīn, tī toāⁿ ê siang-pêng nng ki hoaiⁿ-koaiⁿ ê téng-bīn; chia ê khoân sī choè chng-kng ê lō-ēng, thang kng toāⁿ. ²⁸Ēng chō-kiap-chhâ choè kng, ēng kim pau in. ²⁹Koh chiàu choè phang-bī ê hoat choè thang boah ê sèng-iū, kap phang-liāu chheng-kiat ê huiⁿ.

38 I ēng chō-kiap-chhâ choè sio-chè ê toāⁿ;

tng gō·tiú, khoah gō·tiú, chit ê toāⁿ sī sù-hong--ê; koaiⁿ saⁿ-tiú. ²Tī toāⁿ ê sī kak-thâu choè sī ki kak, kap toāⁿ saⁿ-liân choè chit-ê, ēng tâng pau i. ³Koh choè toāⁿ it-chhè ê khì-kū, i ê phûn, thuh-á, poāⁿ, chhe, hé-tiáⁿ; it-chhè ê khì-kū lóng ēng tâng choè. ⁴Koh ūi-tiòh toāⁿ ēng tâng-bāng choè chit ê chân, an tī toāⁿ sī-bīn ūi-io-pán ê ē-bīn, hō· i thàu-kàu toāⁿ ê poāⁿ-io. ⁵Ūi-tiòh tâng ê chân ê sī-kak chù sī ê khoân, choè chhng-kng ê lō·ēng. ⁶Ēng chō-kiap-chhâ choè kng, ēng tâng pau in. ⁷Chiong kng chhng tī toāⁿ siang-pêng ê khoân-lāi, ēng i lāi kng toāⁿ; iā ēng pán choè toāⁿ, toāⁿ sī khang-khak.

⁸I ēng tâng choè soé-tng ê phûn, kap tâng-chō; sī ēng hoē-bō· mng-chēng choè-kang ê hū-jîn-lâng ê tâng-kiáⁿ choè--ê. ⁹I choè hoē-bō· ê tiūⁿ; hit ê tiūⁿ ê lâm--sì, ēng kè-pháng ê iù-toē choè ūi, chit-pah tiú. ¹⁰Ūi ê thiāu jī-cháp ki, tâng-choè ê khū jī-cháp-ê; thiāu ê kau kap hoaiⁿ-koaiⁿ sī ēng gūn choè--ê. ¹¹Pak-bīn iā chit-pah tiú, ūi ê thiāu jī-cháp ki, tâng-choè ê khū jī-cháp ê; thiāu ê kau kap hoaiⁿ-koaiⁿ sī ēng gūn choè--ê. ¹²Sai-bīn ū ūi gō·cháp tiú, ūi ê thiāu chap-ki, khū chap-ê; thiāu ê kau kap hoaiⁿ-koaiⁿ sī ēng gūn choè--ê. ¹³Tang-bīn ê tang--sì gō·cháp tiú. ¹⁴Mng chit-pêng ê ūi chap-gō· tiú, ūi ê thiāu saⁿ-ki, ū khū saⁿ-ê. ¹⁵Hit-pêng iā sī án-ni; tiūⁿ-mng ê chó-iū, kok ū ūi chap-gō· tiú; ūi ê thiāu saⁿ-ki, khū saⁿ-ê. ¹⁶Tiūⁿ sī-bīn ê tiūⁿ-ūi lóng sī ēng kè-pháng ê iù-toē choè. ¹⁷Thiāu ê khū sī tâng--ê, thiāu ê kau kap hoaiⁿ-koaiⁿ sī gūn--ê; thiāu-táu sī ēng gūn pau--ê; tiūⁿ lóng chóng ê thiāu sī ēng gūn ê hoaiⁿ-koaiⁿ chhng saⁿ-liân-ê. ¹⁸Tiūⁿ-mng ê mng-lī sī ēng siù-hoe ê kang, ēng lâm-sek, chí-sek, chu-âng-sek ê liáu kap kè-pháng ê iù-toē choè--ê; tng jī-cháp tiú, koaiⁿ gō· tiú, kap tiūⁿ

ê ūi saⁿ-phoe. ¹⁹In ê thiāu sī-ki, tâng ê khū sī-ê, thiāu ê kau sī gūn--ê, thiāu-táu sī gūn pau--ê, hoaiⁿ-koaiⁿ sī gūn--ê. ²⁰Hoē-bō· í-kíp tiūⁿ-lāi sī-ūi só· tēng ê teng, lóng sī tâng--ê.

²¹Chit ê hoē-bō· sī chēng-kù ê hoē-bō·; hit tiong-kan Lī-bī lóng só· beh ēng mih-kiāⁿ ê chóng-giáh, sī chiàu Mô·se só· hoan-hù, keng-kè chè-si A-lûn ê kiáⁿ, Í-tha-má ê chiú só· sng--ê. ²²Kìⁿ-nā Iâ-hô-hoa só· hoan-hù Mô·se--ê, Iû-tāi ê chi-phài, Hō·-jīⁿ ê sun, O·lī ê kiáⁿ, Pí-sat-liát lóng choè--i. ²³Kap i saⁿ-kap choè--ê, ū Tàn ê chi-phài, A-hi-sat-boat ê kiáⁿ, A-hô-lī-a-pek, i sī gâu tiau-khek, koh kī-khiáu ê sai-hū, koh oē ēng lâm-sek, chí-sek, chu-âng-sek ê liáu kap iù-toē lāi siù-hoe.

²⁴Choè sēng-só· it-chhè ê kang só· ēng ê kim, chiū-sī lóng só· hiân ê kim, chiàu sēng-só· ê phēng, ū jī-cháp-káu tha-liân-tek, koh chhit-pah saⁿ-cháp sià-khek-lék. ²⁵Hoē-tiong siū sng ê lóng só· chhut ê gūn, chiàu sēng-só· ê phēng, ū chit-pah tha-liân-tek, koh chit-chheng chhit-pah chhit-cháp gō· sià-khek-lék. ²⁶Kìⁿ-nā kè--khì kui tī hiah ê kè-sng--ê, tui jī-cháp hē í-chiūⁿ, ū lāk-cháp-bān liân saⁿ-chheng gō·pah gō·cháp lóng, chiàu sēng-só· ê phēng, ták-lóng chhut-gūn poāⁿ siàⁿ-khek-lék, chiū-sī chit pí-ka. ²⁷Ēng hit-ê chit-pah tha-liân-tek ê gūn, chù sēng-só· ê khū, kap tiūⁿ-lī-thiāu ê khū; chit pah tha-liân-tek choè chit-pah ê khū, chit ê khū ēng chit tha-liân-tek. ²⁸Ēng hit ê chit-chheng chhit-pah chhit-cháp-gō· sià-khek-lék ê gūn, choè thiāu ê kau, iā pau thiāu-táu, iā choè i ê hoaiⁿ-koaiⁿ. ²⁹Só· hiân ê tâng, ū chhit-cháp tha-liân-tek, koh nng-chheng sī-pah sià-khek-lék. ³⁰Ēng chit ê tâng choè hoē-bō· mng ê khū, kap tâng-toāⁿ, kap i ê tâng-bāng ê chân, kap toāⁿ lóng-chóng ê khì-kū, í-kíp tiūⁿ sī-ūi ê khū, kap tiūⁿ-mng

ê khū, kap hoē-bō· lóng-chóng só· têng ê teng, kap tiūⁿ sì-ùi só· têng ê teng.

39 In ēng lâm-sek, chí-sek, chu-âng-sek ê liâu choè cheng-kong ê i-hók, tī sêng-só· chhēng lâi hók-sāi, koh kâ A-lùn choè sêng-saⁿ, sī chiàu Iâ-hô-hoa só· hoan-hù Mô·se--ê.

²I ēng kim kap lâm-sek, chí-sek, chu-âng-sek ê liâu, kap kè-pháng ê iù-toē, choè í-hut-tek. ³In chiong kim tui choè pòh-phìⁿ, chián choè soàⁿ, chham tī lâm-sek, chí-sek, chu-âng-sek ê liâu, kap iù-toē ēng kī-khiáu ê kang choè--ê. ⁴Koh kâ i choè phi-kian lâi liân--i, hō· i siang-pêng saⁿ-liân. ⁵Hit téng-bīn kī-khiáu ê kang chit ê toà, só· ēng lâi hâ--ê, kap í-hut-tek tâng-chit-iūⁿ ê choè-hoat, kap i liân-choè chit-tè, ēng kim kap lâm-sek, chí-sek, chu-âng-sek ê liâu, kap kè-pháng ê iù-toē choè--i; chiàu Iâ-hô-hoa só· hoan-hù Mô·se--ê.

⁶Koh tok âng-bé-ló jlp tī kim-chô--nih, chiàu khek-ìn ê hoat, khek Í-sek-liát hiah ê kiáⁿ ê miâ tī hit téng-bīn; ⁷an tī í-hut-tek ê phi-kian, ūi Í-sek-liát lāng choè kī-liām ê chiòh; chiàu Iâ-hô-hoa só· hoan-hù Mô·se--ê.

⁸I ēng kī-khiáu ê sai-hū ê chhiú-kang choè pó·koà, kap í-hut-tek tâng chit-iūⁿ ê choè-hoat; ēng kim, kap lâm-sek, chí-sek, chu-âng-sek ê liâu, kap kè-pháng ê iù-toē choè--ê. ⁹Pó·koà sī sù-hong--ê; áu choè siang-têng; tng chit-liáh, khoa chit-liáh, sī siang-têng--ê. ¹⁰Téng-bīn jlp pó·chiòh sì-choā, chit-choā sī âng-pó·chiòh, âng-gék, âng-gék; che sī tē-it choā. ¹¹Tē-jī choā sī lék-pó·chiòh, lâm-pó·chiòh, kim-kong-chiòh. ¹²Tē-saⁿ choā sī chí-sek ê bé-ló, pèh-sek ê bé-ló, chí-sek ê chú-chiⁿ. ¹³Tē-sì choā sī lék-gék, âng-bé-ló, phek-gék; chia-hê lóng jlp tī kim-chô-lāi. ¹⁴Chiah ê pó·chiòh chiàu Í-sek-liát ê kiáⁿ ê miâ, kiōng chap-jī tè, chhin-chhiūⁿ khek ìn, múi-tè khek

chit ê miâ, ūi-tiòh chap-jī chi-phài lâi choè--i. ¹⁵In ēng hó-kim phah liân-á, chhin-chhiūⁿ soh-á, an tī pó·koà. ¹⁶In koh choè nng ê kim-chô kap nng ê kim-khoân, chiong chí nng ê khoân an tī pó·koà ê siang-thâu. ¹⁷Chiong só· phah hit nng tiâu kim-liân-á, liân tī siang-thâu nng ê khoân. ¹⁸Ēng só· phah nng-tiâu liân-á ê siang-thâu, liân tī nng ê chô, an tī í-hut-tek phi-kian ê thâu-chêng. ¹⁹Choè nng ê kim-khoân, hē tī pó·koà siang-thâu ê kīⁿ, kún í-hut-tek ñg-lāi hit-pêng. ²⁰Koh choè nng ê kim-khoân, an tī í-hut-tek phi-kian ē-bīn ê thâu-chêng, óá-kún saⁿ-liân ê só·chāi, tī í-hut-tek kī-khiáu ê kang só· chit ê toà ê téng-bīn. ²¹In ēng lâm-sek ê iù-toà, chiong pó·koà ê khoân kap í-hut-tek ê khoân pāk saⁿ-liân, hō· i liām tī í-hut-tek kī-khiáu ê kang só· chit ê toà; hō· pó·koà kap í-hut-tek bô lī-phāng; sī chiàu Iâ-hô-hoa só· hoan-hù Mô·se--ê.

²²I ēng chit-pò· ê kang choè í-hut-tek lâi-bīn ê goā-phàu, kui-niá sī lâm-sek. ²³Phàu ê tui-tiong choè chit ê niá-khang; kang ê chiu-úi chit niá-iān, chhin-chhiūⁿ chián-kah ê niá-khang, bián-tit phoà-līh. ²⁴Phàu ê ē-kha-pò·, ēng lâm-sek, chí-sek, chu-âng-sek ê liâu, kap kè-pháng ê iù-toē, choè siáh-liú. ²⁵Koh ēng hó-kim choè hām-lêng, ēng hām-lêng, kâⁿ siáh-liú, hē tī phàu sì-úi ê ē-kha-pô·, siáh-liú ê tiong-kan; ²⁶chit-liáp hām-lêng, chit-liáp siáh-liú, chit-liáp hām-lêng, chit-liáp siáh-liú, tī phàu sì-úi ê ē-kha-pô·, thang chhēng lâi hók-sāi; sī chiàu Iâ-hô-hoa só· hoan-hù Mô·se--ê.

²⁷In ēng chit-chiāⁿ ê iù-toē-pò·, kâ A-lùn kap i hiah ê kiáⁿ choè lai-saⁿ. ²⁸Iā choè iù-toē-pò· ê bō, kap iù-toē-pò· súi-súi pau thau-khak ê kun, ēng kè-pháng ê iù-toē-pò· choè khò. ²⁹Koh ēng kè-pháng ê iù-toē, kap lâm-

sek, chí-sek, chu-âng-sek ê liâu, ēng siù-hoe ê chhiú-kang, choè io-toà; sī chiàu Iâ-hô-hoa só· hoan-hù Mô·se ê.

³⁰In ēng hó-kim choè sèng ê bián-liú ê pài, chiàu khek-ìn ê hoat; khek-jī tī hit téng-bīn, kóng, CHOÈ SÈNG KUI IÂ-HÔ-HOA. ³¹Koh ēng lâm-sek ê toà, chiong pài pāk tī bō-téng; sī chiàu Iâ-hô-hoa só· hoan-hù Mô·se--ê.

³²Tùi án-ni chū-chíp ê hoē-bō· it-chhè ê kang lóng choè bēng-pék, hoān-nā Iâ-hô-hoa só· hoan-hù Mô·se ê, Í-sek-liát lāng chiàu án-ni choè.

³³In sàng kàu Mô·se hia, chiū-sī hoē-bō·, pò·-pīⁿ, kap lóng-chóng ê khi-kū, i ê kau, pán, kông, thiāu, khū; ³⁴ní-âng iūⁿ-káng-phê ê koà, hái-káu-phê ê koà, kap jia-cháh ê tiūⁿ-lī, hoat-kūi kap i ê kng, kap si-un-só·; ³⁶toh kap i lóng-chóng ê khi-kū, kap pài-liát ê piáⁿ; ³⁷hó-kim ê teng-tái, kap i ê teng-choáⁿ, chiū-sī pài-liát ê teng-choáⁿ, kap i lóng-chóng ê khi-kū, kap tiám kng ê iū; ³⁸kim-toāⁿ, boah ê iū, phang ê hiuⁿ-liáu, pò·-pīⁿ-mng ê mng-lī; ³⁹tāng-toāⁿ, kap i ê tāng ê chân, i ê kng, kap i lóng-chóng ê khi-kū, soé-tng ê phún kap i ê chō, ⁴⁰tiūⁿ ê tiūⁿ-ûi kap i ê thiāu, i ê khū, tiūⁿ-mng ê mng-lī, ēng ê soh, tēng ê teng, kap pò·-pīⁿ kap hoē-bō·-lāi it-khai choè lō·-ēng ê khi-kū; ⁴¹cheng-kong ê i-hók, tī sèng-só· chhēng lāi hók-sāi, kap chè-si A-lūn ê sēng-saⁿ, í-kíp i ê kiáⁿ ê saⁿ, choè chè-si lāi hók-sāi. ⁴²Í-sek-liát lāng chiàu Iâ-hô-hoa só· hoān-hù Mô·se it-chhè ê oē, choè it-chhè ê kang. ⁴³Mô·se khoàⁿ-kīⁿ it-chhè ê kàng, khoàⁿ ah, in í-keng choè-chiāⁿ, chiàu Iâ-hô-hoa só· hoan-hù--ê, in chiàu án-ni choè; Mô·se chiū kā in chiok-hok.

40 Iâ-hô-hoa hoan-hù Mô·se kóng, Chiaⁿ-gêh chhoe-it, lí tiòh khí chū-chíp ê hoē-bō·. ³Lí tiòh hē hoat-kūi tī hit lāi-bīn, ēng

tiūⁿ-lī jia-cháh--i. ⁴Kng toh jip--khì, pài-siat téng-bīn ê mih; kng teng-tái jip--khì, tiám i ê teng. ⁵Kng sio-hiuⁿ ê kim-toāⁿ, hē tī hoat-kūi-chēng, koà hoē-bō· mng ê mng-lī. ⁶Chiong sio-chè ê toāⁿ, hē tī chū-chíp ê hoē-bō· mng-chēng. ⁷Chiong soé-tng ê phún, hē tī hoē-bō· kap toāⁿ ê tióng-kan, toé chúi tī phún-lāi. ⁸Koh tī sī-ûi khiā tiūⁿ-ûi, koà tiūⁿ-mng ê mng-lī. ⁹Ēng boah ê iū boah hoē-bō·, kap kī-tiòng hoān só·-ū--ê, hun-piat i kap lóng-chóng ê khi-kū choè-sēng; i chiū choè-sēng. ¹⁰Koh boah sio-chè ê toāⁿ, kap i lóng-chóng ê khi-kū, hun-piat toāⁿ choè-sēng; toāⁿ chiū choè chī-sēng. ¹¹Iā tiòh boah soé-tng ê phún, hun-piat i choè-sēng. ¹²Koh tiòh chhoā A-lūn kap i hiah ê kiáⁿ, kàu hoē-bō· mng-chēng, ēng chúi kā in soé. ¹³Iā kā A-lūn chhēng sēng-saⁿ, koh ēng iū boah i, hun-piat i choè-sēng, hō· i choè chè-si lāi hók-sāi Goá. ¹⁴Koh chhoā i hiah ê kiáⁿ lāi, kā in chhēng lāi-phau. ¹⁵Tiòh kā in boah-iū, chhin-chhiūⁿ boah in lāu-pē chit-iūⁿ, hō· in choè chè-si lāi hók-sāi Goá; in siū boah-iū beh éng-oán choè chè-si, kàu tak sè-tāi. ¹⁶Mô·se án-ni kiáⁿ; lóng sī chiàu Iâ-hô-hoa só· hoan-hù i ê lāi kiāⁿ.

¹⁷Tē-jī nī chiaⁿ-gêh chhoe-it, hoē-bō· chiū khiā--khí-lāi. ¹⁸Mô·se khiā hoē-bō· hē hiah ê khū, khiā hiah ê pán, chhng hiah ê hoāiⁿ-kông, khiā hiah ê thiāu. ¹⁹Tī hoē-bō· téng tah pò·-pīⁿ, chiong pò·-pīⁿ ê koà, khām tī i ê téng-bīn, sī chiàu Iâ-hô-hoa só· hoan-hù Mô·se--ê. ²⁰Koh ēng lūt-hoat hē tī kūi-lāi, ēng kng chhng tī kūi--nih, hē si-un-só· tī kūi-téng. ²¹Kng kūi jip hoē-bō·, koà jia-cháh ê tiūⁿ-lī, jia-cháh hoat-kūi, sī chiàu Iâ-hô-hoa só· hoan-hù Mô·se--ê. ²²Koh chiong toh hē tī hoē-bō·-lāi, tī hoē-bō· ê pak--sì, tī tiūⁿ-lī goā; ²³hí téng-bīn ēng piáⁿ pài tī Iâ-hô-hoa ê bīn-

chêng; sī chiàu Iâ-hô-hoa só· hoan-hù Mô·se-ê. ²⁴Koh hē teng-tâi tī hoē-bō·-lāi, kap toh saⁿ-tùi, tī hoē-bō· ê lâm-pêng. ²⁵Tī Iâ-hô-hoa ê bīn-chêng tiám-teng; sī chiàu Iâ-hô-hoa só· hoan-hù Mô·se-ê. ²⁶Koh hē kim-toāⁿ tī hoē-bō·-lāi ê tiūⁿ-lī chêng; ²⁷tī hit téng-bīn sio phang-liāu ê hiuⁿ; sī chiàu Iâ-hô-hoa só· hoan-hù Mô·se-ê. ²⁸Koh koà hoē-bō· mng̃ ê mng̃-lī. ²⁹Tī chū-chíp ê hoē-bō· mng̃-chêng, hē sio-chè ê toāⁿ, chiong sio-chè kap sò·-chè hiàn tī hí téng-bīn; sī chiàu Iâ-hô-hoa só· hoan-hù Mô·se-ê. ³⁰Hē soé-tng̃ ê phūn tī hoē-bō· kap toāⁿ ê tiong-kan, phūn-lāi toé chúi, thang soé-tng̃. ³¹Mô·se kap A-lūn kap i hiah ê kiáⁿ, tī-hia soé-chhiú soé-kha. ³²In jíp hoē-bō· ê sī, á-sī chiū-kūn toāⁿ ê sī, chiū soé; sī chiàu Iâ-hô-hoa só· hoan-hù Mô·se-ê. ³³Tī hoē-bō· kap toāⁿ ê sī-ûi, khiā tiūⁿ-ûi, iā koà tiūⁿ-ûi mng̃ ê mng̃-lī; án-ni Mô·se chiū oân-kang.

³⁴Hit-sī hūn jia-khàm hoē-bō·, Iâ-hô-hoa ê êng-kng chhiong-moá hoē-bō·. ³⁵Mô·se boē-oē jíp hoē-bō·, in-ûi hūn thêng tī hit téng-bīn; koh Iâ-hô-hoa ê êng-kng chhiong-moá tī hoē-bō·. ³⁶Hūn tui hoē-bō· siu chiūⁿ-khì ê sī, Í-sek-liát lāng chiū khí-sin kiāⁿ in ê lō·-chām. ³⁷Hūn nā bô siu chiūⁿ-khì, in chiū bô khí-sin kiāⁿ, tít-tít kàu hūn siu chiūⁿ-khì. ³⁸Jl̄t--sī Iâ-hô-hoa ê hūn tī hoē-bō· téng, mī--sī hit tiong-kan ū hé, tī Í-sek-liát choân-ke ê bák-chiu-chêng; tī in só· kiāⁿ ê lō·-chām lóng sī án-ni.